

FORMA GREGIS PASTOR EX ANIMO

Seu

De Dotibus ac Qualitatibus

In quolibet Superiore ad Regimen assumpto,
requisitis.

Opusculum brevissimum,

Quod

*Ex variis SS. Patrum Sententiis, necnon Asce-
tarum dictis ac gestis, primò ad sui eruditionem;
deinde annuente Superiorum benevolentia, com-
muni, omnium Superiorum, utilitati, deservendum,*

compilavit,

Typisque evulgari

curavit.

NICOLAUS STANISLAUS
KIESZKOWSKI

Castro-Cassinenfis, aliàs Horodiscensis ABBAS in Lithvania;
Congregationis Benedictino-Polonæ.

Annò Domini 1774.

C R A C O V I Æ

Typis Collegii Majoris Universitatis.

In Asciam Gentilitiam
ILLUSTRISSIMI & REVERENDISSIMI
M E C Æ N A T I S,
Epigramma.

Jupiter àut suavi sceptro, seu fulmine vellet
Flectere mortales, ASCIA semper ei
In manibus: Mundoque volens generare Minervam,
ASCIA Divinum scindere iussa caput.
Præsuleam Benedicti Ordo venerare BIPENNIM!
Protegit illa bonos, terret & illa malos.
Fingere Mercurios optas? dedit ASCIA mille,
Stant, reparante illâ, Templâ vetusta DEI.

A D
ILLUSTRISSIMUM
&
REVERENDISSIMUM DOMINUM
D. FLORIANUM AMANDUM
de Janowek
JANOWSKI

S. Theologiæ DOCTOREM, Divina Vocatione Regii
Archi-Cœnobii Tynecensis ABBATEM, CANONICUM
Cathedralem Cracoviensem, Congregationis Benedictino-
Polonæ PRÆSIDENTEM GENERALEM

EPISTOLA DEDICATORIA.

Quamvis optimè nōrim PRÆSES ILLU-
STRISSE intentum meum, in opere ist-
hoc contentum, non tanti fore momenti, ut, &
omnigenæ Amplitudini TUÆ ex aquo correspon-
dere, & meum erga TE officiosissimum satis in
propatulo declarare valeat Studium; nihilominus
fretus novô benevolentie TUÆ argumentô (quod
scilicet minimam hancce testificationis meæ notu-
lam spernere non dedignaris) Opusculum hocce,

et si perexiguum, TUIS tamen sub auspiciis publi-
co porrigendum censui. Enimvero ignorat ne-
mo, hominem me esse innumeris certè beneficiis
TIBI maximè obstrictum, atq; vel inde nòrint
omnes, TIBI præcipuè deberi illud, quidquid ex
meo, quacumq; demum ratione prodire potest. Ac-
cedit insuper, Authorem Opusculi hujus Virum
videlicet TUI cùm primis observantissimum, TI-
BIq; multis jam olim nominibus addictissimum
nihil magis in votis habere, quàm ut in speci-
men obsequii erga TE sui, hoc ipsum TIBI, dupli-
ci utiq; ex causa, nuncupetur. Cùm enim omni-
um Pastorum Supremo Pastori, TE, super Plebem
suam, binò jam triluistri, vigilem ac fidum consti-
tuere placuerat Pastorem; ut scilicet Oves TUÆ
vocem TUAM audiant, TIBIq; cuncti obediant;
id ipsum primi origo fuit, ut à TE potissimùm au-
spicia peterem, qui hocce operis conatus, non mo-
dò Suprema Presidentiali Autoritate Nostrates
inter promovere; verùm etiam ingenio ac eruditi-
one, infallibilibus ac si Testimoniis ad aliorum
quoq; commendationem propagare ex TE sufficiens
sis ac censearis. Porro, ex quo Pastoris Trimi in
Alma Congregatione nostra Benedictino-Polona
fuit.

fungaris vice, vigilias scilicet, super custodiam aliorum Regimini TUO subjectorum, exerendo Pastorum, alterum præstò devolvendi ad TE hujus libelli motivum habes, quando quidem Pastoralium verborum sonò unum ex his, qui pascant Gregem Patris sui susurrantem audis. Quiq; nuper de TUA manu, præviâ Benedictione, Pastorale sumpseram pedum, Pastoriciæ curæ meæ aliquale saltem Antistiti Pastorum exhibeo monumentum. Quando igitur ex his animum meum impellentibus motivis Opusculum istud TIBI omnino, & non alteri dedicandum venit, deceret utiq; pro coronide, imò veriùs pro ratione & ordine dedicatoriæ hujus Epistolæ, aliqua de TUIS, ut illi intexerem encomiis, præviè tamen hoc in puncto à TE monitus, ut scilicet modestiæ TUÆ etiam à justis præconiis abhorrenti, morem gererem, syllabum incomparabilium Laudum Tuarum subtrahere studii. Satis pro TUI honorificentia Nostrumq; Gloria insinuasse me arbitrans, quòd TE maximarum virtutum ac dotum collectio (qua Virum omni ex genere reddere solent Illustrissimum) Supremi simulq; Optimi Moderatoris nostri Tuulò cohonestaverit, Patremq; Patrum esse volu-

voluerit, usq^{ue} adeo, ut ex TUO auspiciatissimo
 Regimine totus noster per Poloniam Magnumq^{ue}
 Ducatum Lubrania propagatus Ordo, non mo-
 dō in Reformatione Regularis disciplina, cultuq^{ue}
 Literarum maxima sumpsisse gloriatur incrementa,
 verū etiam optima quaq^{ue} sibi in posterum pro
 futura polliceri commoda, extra dubium habeat.
 Ergo PRÆSES ILLUSTRISIME meam hanc
 in TE voluntatem, Studiumq^{ue} contemnere noli.
 Accipe potiùs hanc ingenuam. Cultus atq^{ue} obser-
 vantia significationem, simulq^{ue} suscipe votum: ut
 non modō sextum Supremi ac Florentissimi Regi-
 minis TUI in plenitudine Divina benedictionis,
 quā ubertim hactenus fuisti repletus, decurras
 annum, verū & per longam, eamq^{ue} felicem,
 succedentium annorum seriem chara Patriæ No-
 stræ Bonoq^{ue} Publico præesse non minùs ac prodesse
 valeas. Ita submississimo cordis affectu roveo. Si-
 mulq^{ue} profundissimo cultu perennare cupiens.

Scripsi in Monasterio ad S.
 Annam Castro-Cassinē: 1774.
 Annō. 20. die Mensis Junii.

ILLUSTRISIMÆ & REVE-
 RENDISSIMÆ DOMINATIO-
 NIS VESTRÆ Devotissimus Cli-
 lens & Servus subjectissimus STANI-
 SLAUS KIESZKOWSKI Abbas
 Castro-Cassinen: C. B. Pol. m. pp.

P R Æ F A T I O.

Quandoquidem ex Supernæ Dispensationis arbitrio è Scholastico gradu, nuper ad Regimen Monasterii Castro-Cassinensis, inuitus licit, suffragiis tamen Fratrum evocatus, nomen Abbatis suscipere jussus sim, respiciens illico ad partes ac munia officii, humeris meis primitus, impositi, ea potissimum sollicitudine protinus animum meum præventum esse censui, quatenus juxta monitum SSmi Patris ac Patriarchæ nostri Benedicti, nomen Abbatis, id est Majoris non modò dictis, verùm etiam factis adimplere ex animo conarer. Cum verò ex Definitione Synodi Tridentinæ munus Superiorum in pastore curaq; animarum consistens, grave esse pondus, imò onus ingens etiam Angelicis humeris formidabile intellexerim, in re igitur tam ardui momenti, ut, quàm optimè mihi prospicerem, in ipso statim tyrocinio Pastoralis Cura, me totum ad ea, si non assequenda, imita-

imitanda saltem ac exequenda convertendum esse duxi, quæ homines simili aliàs in gradu Superioralis præeminentia quondam constitutos, non modò DEO charos, verùm etiam in suscepto ejusmodi ministerio satìs, imò plusquam commendabiles reddiderê, iustum ac perquam utile æstimans, eorum præcipua dicta ac gesta non modò sola lectione evolvere, verùm etiam solerti adnotatione consignare. Quando autem eò deventum est, ut opus hocce mole satìs perexiguum, speciali Superiorum benevolentia accedente luci tandem publicæ communicaretur, id solum mihi superesse videbatur, ut quæ egometipse exinde sortitus sum quàm plurima emolumenta, aliis etiam, potissimum tamen ad Regimen animarum assumptis, non jam equalia, verùm quàm maxima apprecarer commoda, certò certius fidens, quòd hocce opusculum etsi indigestum, suas tamen ad manus devolutum non modò favorabili sinu sint complexuri, verùm etiam affectum Authoris pro rato et grato habituri.

(S)(H)(S)


i

Dotes & Qualitates

In quolibet Superiore ad regimen assumpto requisitæ.

Scientia Prælati necessaria.

I.



Eminem latet, Pastoralis munere fungenti Scripturarum Scientiam; morumque integritatem ex asse congruere. Verùm tamen si libera nobis daretur optio, satiùs foret; Præsules ampliori doctrinâ, mediocri licèt Sanctitate, fulgentes, præ aliis minùs doctis, licèt Sanctioribus eligere. Eò autem Prælatorum Scientia præsertim spectare debet, ut quàm grave sit cæteris imperandi onus, quàmque arduum periculis scærens animarum regimen, manifestè intelligant. Quis enim valeat id muneris dignè subire, ritèque persolvere, cùm nonnisi extrema urgente necessitate, ac obtemperandi ratione amplectendum videtur,

A

nec

nec nisi periculosè sustinendum? Multum profectò est subditorum saluti, vel cum propriæ vitæ discrimine jugiter operam dare, nec semetipsum aliquando negligere, omnem totius Monasterij rem-sive intus, sive foris dirigere, nec unquam ab interiori Spiritûs compunctione declinare, quidquid mundus offert, flocci pendere, solius Gloriæ Cælestis intuitu, totis misericordiæ visceribus fratrum, pauperumque egestati sedulò prospicere absque ullius motu defectus: Ex purissimis Scripturarum ac Traditionum scatebris sapientiæ salutaris aquas continuò educere, quæ, tum sterilia fecundentur ingenia, tum identidem consulentium dubia diluantur: Tanta charitate affluere, ut inferiorem neminem non attingat, adeò fortî, ut nihil adversi reformidet, adeò fervidâ, ut nunquam tepescat, denique tam sincerâ, ut quæ sua sunt nullatenus quærat. Præterea singulorum ætates, affectionesque prudenter discernere, & ad ipsas studiosè se conformare; tyrones nempe patienter benignè monendo, imbecilliores indulgentiis tolerando, animò denique fortiores ad majora nunquam non excitando. Quidquid vel minimam dominandi jactantiam redolet, ceu lethale virus penitus vitare; nihil unquam præcipere, quin priùs ratione svadente, aut blanda exhortatione alliciantur subditorum

torum animi; Quemquam non redarguere, nisi ex charitatis zelo, vel saltem absque ulla cordis amaritudine, cum alicujus pervicaciam opus erit infringere; neminem, nisi invitè punire: inferiorum benevolentiam eò solùm captare, ut magis juven- tur: Authoritatem propriam non adhibere præter- quam vel ad majoris boni incrementum, vel ma- li, sive evitandi, sive mulctandi rationem, regu- laris observantiæ leges nunquam relaxare, nisi vel charitatis, vel magnæ necessitatis impulsu, tandem omnibûs istis ad unguem expletis se nihilominus tanquam servum inutilem dicere. Porro hactenus dicta non nisi perbreve eorum sit compendium, quæ in Sacra Pagina & in Almi Patris Benedicti Regula continentur. *Joann. Mabillon. de Stud. Mon. Cap. 21.*

2. Quemadmodum (:enim:) Religiosorum Cæ- nobia absque Præpositis subsistere nequeunt, dici etiam poterit, de lege ordinaria loquendo, nec a- ptos ad eorundem regimina posse sine scientiis Su- periores aliquos inveniri. Eiusdem prorsus neces- sitatis videtur esse doctrina in Superioribus, qualis est dux iter habenti, vel nauclero nautica pixis. Propterea tunc est, quod inter dotes quæ ex sin- gulis antiquioribus Regulis in Abbatibus debere

esse prænotantur, Scientia semper atque sapientia cum morum rectitudine referuntur: Sic etiam Cap: 64. præscribit SSmus Patriarcha noster Benedictus *Vita merito & sapientia doctrina* &c. & re vera? quis unquam percipere valeat, absque ullo scientiarum apparatu Religiosorum Prælatos muneris sui partes implere? præcipuum quod ipsis onus incumbit, est proprios erudire subditos, sanamque ipsis doctrinam tradere, scilicet juxta germanum Scripturarum, Sanctorumque Patrum sensum, item eisdem præmunire contra quodlibet errandi periculum, & adversum quaslibet satthanæ calliditates & illusiones, ipsis viarum latebras, & offendicula indicando, ut rectam virtutum semitam ingrediantur. Rursus eorundem difficultates explanare, quodocunque prodet se occasio; donec ipsos identidem redarguere, & ad bonum frequentibus monitis dirigere. Quî autem fieri potest, ut singula hæc munia ritè ab iis persolvantur, absque ullo scientiarum munimine? Poterunt quidem aliqui naturali duntaxat intelligendi acie præditi, vel etiam modico acquisito lumine sufficientem habere vim pro intelligentia Librorum Sacræ Paginæ captu faciliorem, puta proverbiorum, quatuor Evangeliorum, nonnullorumque operum Sanctorum Patrum, quæ minùs in se difficultatis habere

bere videntur. Verum ut hæc omnia aliis communificentur: hoc est, quod regulariter sine studiorum adminiculo fieri nequit. Verum enim verò magis magisque scientia Regularium Prælati necessaria tunc censebitur, si Ecclesiasticas consulentes Historias spectemus, ob eminentem gradum, quo Abbates plurimi fuere in Ecclesia insigniti: cum siquidem varia olim celebrarentur Concilia, plerumque etiam iis tenebantur adesse, propriam coram Patrum confessu aperire sententiam, ipsisque tandem subscribere. *Idem de Stud: Monast. P. 1. C. 3.*

3. Memor sit semper Abbas, quia doctrinæ suæ, vel discipulorum obedientiæ utrarumque rerum in tremendo Iudicio DEI facienda erit discussio. . . Ergo cum aliquis suscipit nomen Abbatis, duplici debet doctrinâ suis præesse discipulis: id est omnia bona & Sancta factis amplius, quàm verbis ostendere, ut capacibus discipulis Mandata Domini verbis proponat, duris verò corde & simplicioribus factis suis Divina præcepta demonstret. Omnia verò quæ discipulis docuerit esse contraria, in suis factis indicet non agenda: ne aliis prædicans, ipse reprobis inveniatur. . . In doctrina namque sua Abbas Apostolicam debet illam semper formam serva-

servare, in qua dicit: Argue, obsecra, increpa, idest miscens temporibus tempora, terroribus blandimenta, dirum Magistri, pium Patris ostendat affectum. *S. P. N. Benedictus Reg. sua C. 2.*

4. Porro Abbas, & Prælatus seu Superior omnis quòd verbo debeat docere suos subditos, inde colligitur: quòd ejusmodi pastus sit ille, quem Spiritualis Pastor ovibus suis debet, ut scilicet ex viridario Scripturarum optima depromens pascua, nutriat Spiritum Subditorum, ita, ut velut adipe & pinguedine repleatur anima eorum: Juxta illud quod dicitur Jere. 3. *Dabo vobis Pastores juxta cor meum, & pascunt vos scientiâ & doctrinâ.* Unde benè S. Benedictus in alio Capite Reg. ait: quod *Abbatem oportet esse doctum in lege Divina, ut sciat, & sit, unde proferat nova & vetera* Certè ex defectu sapientiæ Guilelmus de Paroldo dicit contigisse, quod: Parvuli, qui intrabant Monasteria, non proficiebant, imò præ defectu Cibi Spiritualis peribant: Si enim petebant panem, non erat, qui frangeret eis. Et post pauca. Ex eadem causa contigit, ut de rebus maximis in Monasteriis minima, & de minimis maxima cura haberetur. Corpora curabantur splendidè, & non curabatur de animarum refectiōe. Si amittebatur asina, quæ
reba.

„rebatur, & si peribat anima, non reputabatur.
Eustach. Janka in suo Favo Mellis.

II. Conditiones in Prælati requisitæ.

5. Requiritur in Prælato *primò*, ætatis maturitas, *secundò*, honesta admodum personalitas, *tertiò*, vitæ irreprehensibilitas, *quartò*, quod non sit idiota in Literarum scientia, *quintò*, quod sit discretus, & providus ex naturali industria, *sextò*, quod sit zelator justitiæ & Ordinis disciplinæ, *septimò*, quod sit tractabilis per mansuetudinis lenitatem, *octavò*, quod sit compassivus pietate Fraterna, *nonò*, quod sit devotus habens Orationis usum & fiducialiter agens cum DEO. *decimò*, ex gustu internæ dulcedinis ejus & experimento crebro exauditionis, qui semper in officio esse se doleat, & tamen cùm ad hoc compellitur, æquanimitè illud ferat, nec propter hoc, ut citiùs absolvatur ab officio, negligentius se in eo gerat, *undecimò*, quod corporis imbecillitate à communi vitæ observantia non omninò impediatur. Istæ conditiones simul omnes in paucis reperiuntur. S. Bonavent. Libr. Apologet. Q. 5.

Prælati-

*Prælati Orationi jugiter debent
insistere.*

6. Præcipuè Rector studiosus esse debet devotionem habere, per quam semper informetur, quid faciat, adjuvetur ut possit, conservetur ne deviet: non enim pro se solum orare necesse habet, sed etiam pro illis, qui sibi commissi sunt, quos non sufficit sine Divino auxilio custodire. Nam nisi Dominus custodierit Civitatem &c. Est enim Prælatus mediator inter DEUM & Subditos, ut, sicut negotiam DEI gerit, apud illos docendo, corrigendo, sursum agendo; ita etiam negotia eorum studeat apud DEUM fideliter promovere placando, gratiam impetrando, & conservando à malo: unde scriptum est. Ego sequester & medius fui inter DEUM & vos. *Idem de sex alis C. 8.*

7. Aliqui siquidem cum delinquant, tegunt, palliant, defendunt, & virus interiùs latet, & licèt Rector ex certis indiciis deprehendat ibi sanie putridam esse collectam, tamen non ita erumpet exteriùs, nec per evidens testimonium, nec per voluntariam Confessionem, quod possit opportunè ferro apertæ correctionis secare, Si corripit,
non

non profuit, & videtur magis vitiorum diffamator, quàm vitiorum corrector. Sed non movetur, & dissimulat: uritur & anxiatur, tam pro anima Fratris, quàm pro se; quia non corripit delinquentem. Cùm ergo aliquod congruè facere non possit, portet, dissimulet, patientiam suam exerceat, & quod arguendo non valet, orando laboret obtinere, ut aut DEUS citiùs demum corrigat, aut latentem ejus malitiam detegat, aut aliquod remedium apponatur. Sicut Dominus Judam Proditorem diu tacitè toleravit, quòd eum apertè non corripuit, donec in tantum iniquitas ejus crevit, quòd per se patenter erupit. *Idem Ibid. C. 7.*

8. Omnis qui petit, utique humiliter, fideliter, perseveranter accipit, qui quærit, invenit. Quam ob rem Prælatus sit in Oratione assiduus, & postulet pro seipso à DEO, qui omnibus dat affluenter, & non improperat, Sapientiam ad gustanda Cælestia, ne mens illius delectationibus terrenis inhæreat; flagitet intellectus lumen ad penetranda Sacramentorum arcana, immundorumque Spirituum deceptiones fallaces evitandas, ne noxiarum opinionum labatur involucro. Consilii donum exquirat, ad apprehendendum insinuandumque quid perniciosum, quidve proficuum sit, tam sibi, quàm

cæteris ad se accedentibus, ne petra efficiatur scandalum, & in illam impingant, qui simpliciter gradiuntur. Fortitudinis constantiam postulet ad tolerandum persecutiones & bella, quæ à dæmonibus pariter & hominibus inferuntur, iis, qui in Christo piè versari desiderant, ne pusillanimitate frangatur, & elusus succumbat. Scientiæ sensum sibi infundi deprecetur assiduè ad prudenter tractandum, sicut propria, ita & aliorum negotia; ne unde proficere ac prodesse debuit, inde damnetur. Pietatis affectum exoptulet, ad compatiendum subveniendumque calamitatibus egenorum, ut periclitantium pressuris, ne pro ministerio fraternæ dilectionis sibi credito iudicium adversum reportet. Timoris filialis gratiam in Oratione desideret, ut non frangatur in adversis, neque elevetur in prosperis, sed humilitatis & rectitudinis constitutus in medio, transcendendo temporalia semper futura & æterna prospectet. Petat quoque pro cæteris eadem dona, pro illis præsertim, pro quorum defectibus eidem injuncta est cura. Oret inquam, ut ignoscatur illis, ut gratiam consequantur, & convertantur ad Dominum, ut de tenebris eruantur, & transferantur ad lucem, ut de morte peccati resuscitati perseverent in vita. Verùm si fame, si gladiis, si peste plectuntur, tunc sine intermissione incum.

cumbat precibus, seque pro populo opponat ferienti, si quomodo valeat Judicis sævientis mitigare sententiam. sic namque Moysen fecisse, sic egisse Aaron, sic David, Sacra narrat Historia. *S. Laurent. Justin.*

9. Lectio in Scripturis Sanctorum replet animam incomprehensibili admiratione ac lætificatione Divina. Ex quo fit, ut Superior illi addictus cum assiduitate, & congrua dispositione inde maximam possit pro sui interiori profectu haurire utilitatem, si enim vitas Sanctorum legit, in illis observat pugnas contra hostes, à quibus ipse quotidie impugnatur: gloriosas victorias, quas reportarunt; quomodo eluserint tentationes per honorificum secessum eorum pedicas, insidiasque evaserint, quàm generosè (: cùm causa Divini honoris vertebatur :) sua bona, corpora, vitamque ipsam exposuerint, quomodo in animarum regimine se gesserint, qua sollicitudine, industriâ, quibus mediis ad eas perficiendas usi fuerint: quomodo omnes virtutes exercuerint, passionem mortificaverint, naturam suam domuerint, & ex mundo sepulchrum effecerint. Verbo, lectio vitæ principiorum & præceptorum talium Sanctorum informat Superiorem adeò circa particularia quæque, ut ei pro experi-

mentis deserviat, præterquam quòd ex illa, velut benè instructo pharmacothecio seligere possint remedia pro cunctis suis ac aliorum infirmitatibus.

Johan. le Cont.

10. Instet frequenter orationi, & si non possit diu mentali, vel vocali Orationi vacare, suppleat per internam cum DEO amicitiam, quam plurimi æstimet, & ad quam pro quocunque negotio, ut se suosque juxta viam Domini rectè dirigat. In Oratione autem præsertim in Sacrificio Missæ (: omni semper devotione, & ædificatione peragendo:) commendet omnes suos, & illos potissimum, quos scit versari in negotiis majoribus, vel eos, quos itidem cognoscit esse fragiliores, periculis majoribus, aut tentationibus molestioribus expositos & afflictos, pro his se sui que spiritûs medullas impendat, ut DEUS pro bonitate sua Unigeniti Sui meritis, in sua servitute & protectione, amore & suavitate solita, unà omnes conservet, & acceptabiles sibi reddat. Credat Superior, & firmissimè sibi persvadeat, quòd tempus Sanctissimè impendat, si illud ejusmodi recollectionibus, & sanctis suspiriis tribuat; ubique cum DEO de suorum directione in spiritu agendo. *Greg. Abb. mem. Can. de Abb. C. 1.*

11. Studeat maximè totum diem in conspectu DEI ita disponere, ut ipse cum suis spiritu & charitate ac zelo Gloriæ Divinæ ubique ambulet, & vivat. Inveniet ibi remedia & motiva, quibus suos exciter, admoneat, & corrigat, sæpiùs revocet in mentem quæ proposuit, an in opus redacta sint? si non, quæ fuerint impedimenta & radices? exactiùs expendat in examine generali, & post illud in conclavi diutiùs perpendat, notando, quæ fieri debuissent, & quid factum non sit, & quomodo emendari id faciliùs possit? &c. *Idem Ibid.*

12. Rectores animarum summi Pastoris Christi vestigia imitentur. Interdum namque declinent tumultus hominum, fragores externarum actionum, quæ procul dubio distrahunt animum, & rapiunt per diversa. Redeant verò ad se, & subeant orare in montem, post cujus utique Orationis exercitium denuò revertantur ad opus, quatenus pro Spirituali consolatione percepta in labore sint alacres, sint in administratione solliciti, & in omni sua exercitatione devoti. *S. Laur. iust. de Instr. Reg. Pral. C. 11.*

13. Si quis indiget sapientiâ (: inquit Jacobus.) postulet à DEO, qui dat omnibus affluenter & non im-

non impropere, & dabitur ei. Hac siquidem exhortatione admonitus, quisquis ad Regiminis est honorem assumptus, onereque gravatus corporis, & cordis, flexis genibus se statuatur ante DEUM. & humili prece, devotaque supplicatione Divinam Clementiam fideliter deposcat dicens: DEUS Omnipotens, Pater Domini nostri JESU Christi, & Domine misericordiae totius consolationis & spei, qui fecisti omnia Verbo Tuo Tibi coaeterno & sapientiâ Tuâ constituisti hominem, ut dominaretur creaturae Tuæ, quæ à Te facta est, ut disponat Orbem terrarum in æquitate, & iustitia, & directione cordis iudicium judicet, da mihi sedium Tuarum assistricem Sapientiam, & noli me reprobare à pueris tuis, atque segregare à Sanctis Tuis, verisque rationabilium ovium Tuarum Pastoribus, qui Tibi in hoc opere placuerunt ante me, Tu enim suis (: o Bonitas sempiterna, ac ad Te confugientium refugium, gaudiumque singulare!) quia homo infirmus & ignarus sum, atque minor ad intellectum iudicii & Legem. Tu verò me elegisti in Præsulem & Ducem populi Tui, ut ipsum ad Te dirigam Summum Pastorem, & (: quantum in me est :) introducam in pascuis virentibus Civitatis Tuæ Hierusalem Cælestis, Teque laudet cum cætibus spirituum beatorum in æternum. Nunc
autem

autem Dominator Domine scio, atque confiteor,
quia Tecum est Sapiencia, quæ novit opera Tua,
& tunc afficit cum Orbem terrarum feceris, & scie-
bat quid placitum sit in oculis tuis, & quid dire-
ctum in præceptis Tuis. Mitte igitur (: quæso Cle-
mentissime Domine :) de Cælis Sanctis Tuis, & à
Sede magnitudinis Tuæ illam, ut mecum sit, &
mecum laboret, ut sciam quid acceptum sit coram
Te omni tempore, scit namque illa omnia, & in-
telligit, & deducet me in operibus meis sobriè, &
custodiet me in sua potentia, acceptaque erunt o-
pera mea, & ipsa mediante disponam populum
Tuum justè, & dignus ero gratiâ tuâ & confor-
tiô servorum Tuorum, qui in hoc ministerio Tibi
laudabiliter servierunt. Hæc & his similia non cum
ornatu verborum, neque humana hominum æsti-
matione & laude, sed solùm ut placeat DEO, ut
proficiat proximo, ut conscientiæ satisfaciatur debi-
to, & ut conspectui Divino irreprehensibilis appa-
reat, in oratione petat humiliter, devotè, atque fi-
deliter. Nempe Oratio humilis quodam spirituali
alarum remigiô evecta sine ullo impedimento Cæ-
los penetrat, devota autem charitatis contuber-
nio sociata summi æterni Regis læta se præsentat
obtutibus. Quæ verò absque hæsitacione in fide
fundata est, nequaquam repelli potest, quin potius
confe-

consequitur, quod iuste poposcit, sicut ipsa Sapi-
entia pollicetur dicens: amen amen dico vobis,
quidquid orantes petitis, credite, quia accipietis.
Postulet inquam orando non semel tantum, vel
bis, sed quotidie, sed frequenter, sed quoties fue-
rit oportuno. Nam quemadmodum oportet ju-
giter, ut Præsul judicet, ita expedit, ut sæpissimè
oret, oret utique, ne circumveniat à proximo,
ne seducatur à seipso, & ne subvertatur ab amore
privato. *Idem ibidem C. 15.*

14. Quantò Spiritualibus Viris Prælatus præ-
minet, tantò magis curiosè studeat, ut inter illos
præfulgeat Sanctitatis claritate, inter quos viros lu-
minosos præminet dignitate. Et facta compara-
tione Spiritualium dispensatorum, & temporalium
administratorum, necnon & orationi insistentium,
& operi vacantium semper inveniatur celsior, ha-
beat Sanctior, dignior judicetur, sapientior repu-
tetur, ut illud ad Corinth. eidem in comparatio-
nibus adaptetur, de quo per Apostolum dicitur.
Alia Cælestium gloria, alia terrestrium, alia clari-
tas lunæ, alia claritas stellarum, Stella enim à stel-
la differt in claritate. *D. Bernard. Cassin. Specul.*
Mon. P. III, C. 1.

15. Cùm Superiores multo lumine opus habeant, ut Religiosos suos rectâ ad perfectionem ducant, gratiis ad dirigendos, & in bono promovendos animos penitus diversos, & subinde molestos; misericordiâ, ut compatiantur infirmis & imperfectis; consolatione, ne inter amaritudines, & contradictiones emergentes animum despondeant; & assistentiâ, ut dum aliorum salutem, profectumque procurant, propriam quoque operentur salutem. Oportet ut cum sancto fervore & confidentia omnî horâ ad DEUM per Orationem accedant, se illi cum magna rectitudine & puritate intentionis ac conscientiæ, quæ sunt vera media eidem placendi & adhærendi uniant, & consequenter effusionem bonitatis ejus percipiant. Inquire diligenter, quomodo hîc te geras, & qui nam fructus tibi inde proveniant? Quodsi te aliquando lentis in tenebris, totum dejectum, tristem, & tædiosum ob sinistros successus tuæ administrationis, nulli alteri causam adscribas, quam defectui unionis & singularis communicationis cum DEO. *lochan. de Cont. disput. Die 4.*

16. Nemo ignorat Superiores habere quotidie plurima negotia difficilia & intricata, quæ expedire debent; ne ancipites hæreant, quid sit agendum?

C

quan,

quando monendus, vel corrigendus est Religiosus dissolutus & molestæ indolis! neve ambigui titubent in eligendis mediis, quæ adhibere oportet ad medendum vel providendum diversis necessitatibus, aut spiritualibus suæ communitatis. Ecce! cur necesse habeant Superiores continuò recurrere ad orationem, ut pote, quæ juxta dictum S. Isidori Abb. orat. 4. qui id sapius est expertus, est *lux anima*. Oportet ut à DEO instanter flagitent donum sapientiæ, non solùm ad deponendum affectum erga res terrenas, & gustanda Cælestia; verumetiam ut in suis perplexitatibus illuminentur & dirigantur, debent petere donum intellectûs, ut penetrare queant Divina mysteria, detegere insidias, & artificia dæmonum, & tenebras conscientia dissipare: debent rogare pro bono consilii, ut bonum dare valeant suis Religiosis, eosque conformare ordini æternæ Prudentiæ. Unô verbô, quemadmodum necesse habent, ut quotidie se resolvant, & judicium ferant de materiis & occasionibus, quæ illos suspensos propter difficultates in illis apparentes reddunt, ita semper vacare Orationi debent, ut in ea illuminentur, ne fallantur in suis resolutionibus, sequendo sententiam magni Antistitis S. Laurentii Justin: quemadmodum oportet jugiter, ut Præsul judicet, ita expedit, ut sapius oret. *Idem ibidem*

17. Considera Moysen videntem se oneratum regimine populi Israelitici frequenter recurrisse ad Orationem, & Tabernaculum pro consulendo DEO super dubiis, & difficultatibus sibi obtingentibus, & recipiendis exinde illustrationibus, & convenientibus resolutionibus, unà cum animo & viribus requisitis ad tolerandum laborem, & fastidium, quæ ipsi generabant, levitas, & petulantes impetus inconstantis populi istius, ita ut per frequentes ejusmodi communicationes, tantam cum DEO familiaritatem assecutus fuerit, ut scriptura dicat. *Loquebatur Dominus ad Moysen facie ad faciem* sicut solet loqui homo ad amicum suum. Atque hoc est, in quo ipsum boni Superiores debent imitari. Alii id non faciunt, quinimò totum contrarium agunt: si negotium aliquod intricatum obveniat, si miser Religiosus delinquat, si afflictio aliqua, vel infirmitas eum invadat, cum deberent recurrere ad Dominum nostrum, Ipsum sæpiùs visitare in SSmo Altaris Sacramento, & tempus aliquod extraordinarium impendere Orationi cum fide & spe in auxilium misericordiæ ipsius, nonnulli humanam Sapientiam consulunt, nihil somniant, nisi media se à molestiis eximendi, majoremque fiduciam collocant in solatiis & remediis naturalibus, quàm in DEO;

Vide, quomodo tu in ejusmodi occasionibus te
geras. *Idem Ibidem Medit. Die 3.*

18. Tu quia Superior es, & Persona publica, per
privatam amorosam communicationem ex DEO
haurire debes instructiones, vires, lumina & sensus
bonos, ut ea postea distribuas, imprimalque tuis
inferioribus. Ne mihi objicias negotia & functio-
nes distractivas, officii tui tempus vacandi Oratio-
ni tibi surripere; cū satis temporis possis inven-
ire pro quiete, & convenienti refectioe corporis
tui. Et alias hic non exigitur plures quotidie ei-
dem horas impendere, sed satis sit, si veluti fur-
tim aliquoties visites Filium DEI in SSmo Sacra-
mento, & præmissa adoratione, Ei simpliciter, &
confidenter tua desideria, & negotia exponas. Hæ
namque sunt breves, occultæ, & ferventes preces,
de quibus non nemo Sanctorum (:Petrus Damian:)
ait, furtivæ Orationes vim inferunt Cælo, & indul-
gentiam rapiunt. Quodsi quandoque vel aliis oc-
casionibus Dominus noster te ad longiorem con-
versationem invitat, donatque accessum ad se per
quasdam teneritudines & motus devotionis, ne ser-
mones bonitatis suæ recuses, sed satage, ut iisdem
bene utaris, & ex illis pro te & aliis fructum ca-
pias. Porro medium semper orandi est, sese sem-
per

per firmiterque in suavi & continua DEI præsenti-
tia continere, ut cum maximè occuparis, possis
ex corde cum ipso loqui: quod magis respicit DE-
US, quàm si quis ore precetur, ut asserit S. Bernar-
dus: neque enim verba deprecantis DEUS audit,
sed orantis cor aspicit. *Idem Ibidem Dic 4. Medit. 2.*

19. Alias Superior Orationi non deditus, non est
capax faciendi fructum in regimine animarum. I-
psiùs verba & actiones parum habent ponderis &
efficaciæ: ipse destituitur viribùs, & vigore ad op-
pugnandas vincendasque difficultates atque tenta-
tiones, quarum occasiones quotidianæ sunt. Bre-
viter, nec consideratur, nec æstimatur à suis Reli-
giosis, qui eum rarò videntes in commercio & u-
nione cum DEO, non possunt de illo magnam con-
cipere opinionem, aut sibi persuadere Ipsum esse
Virum Spiritualem & illuminatum. Regredere in
te ipsum, ut veraciter discas, an Sanctum hoc e-
xercitium diligas? num illud sæpè cum gustu &
tranquillitate frequentes? Si contrarium deprehen-
deris, ne credas, te unquam in officio tuo magnum
posse operari profectum, tuasque actiones atque
sermone vim habituros corda tangendi & pene-
trandi. *Idem Ibidem.*

20. Superior, ut benè præsit; Oratione, Missæ sacrificiò, Piorum precibûs, ac provektorum consiliò obtinebit. Quod sanè postquam ambitione nulla elatus, sed à DEO ad Prælationem promotus fuit, fidenter poscere poterit, atque debebit. Timeant sanè illi, qui adversus Christi consilium primos quærunt accùbitus. Verùm qui à DEO vocatur tanquam Aaron, speret procul dubio DEUM sibi fidissimè affuturum. *Ioan. à IESU de Reg. Monast. T. 4. C. 50.*

*Prælatus debet esse exemplum, &
norma agendorum.*

In contemptu sæculi.

21. Negari quidem non potest, Superiores, cùm debeant, tam de rebus temporalibus, quàm Spiritualibus Monasterii sui reddere rationem, posse moderatam curam suscipere, & comparare sufficientem cognitionem, ut exigentibûs occasionibûs dare ordinem & monita necessaria possint suis officialibus cum maiori iudicio & maturitate. Quid verò damnatur, & fugiendum monetur, est affectus

Etus, & conatus excessivus pro iisdem temporalibus ardor, seu certa inclinatio ad tricas, sive excursus, facilitas se miscendi exequendis negotiis, breviter, nimis fortis, vel inordinaria applicatio ad exteriora, à quibus foras trahuntur, atque in Sanctis exercitiis solitudinis, sive communitatis distrahuntur. Prima ratio, ob quam se ab his indecentibus tumultibus alienos facere debeant, est, quia sunt injuriosi dignitati, & reputationi illorum. Si enim quis bonum Superiorem (: qui in regimine animarum DEI vices gerit, constitutus, ut eas per sua verba & opera doceat perfectionem, & tandem ad Cælum perducatur:) vult animo conspiciere, sibi proponit hominem totum virtutibus radiantem, sapientem, modestum, internum, Deo unitum, mortificatum, & super omnia à terrenis separatum, qui- que veluti alter S. Paulus bona mundi non plus arbitratur, quàm stercora; ut si quis videat aliquem nimis sollicitum & inquietum pro rebus inferioribus, mox eum despiciat, judicetque indignum officio, quod exercet. *lochan de Cont. Dispt. Die s.*

In Labore.

22. Hinc Religiosi, sitepidi, & parū zelosi exercitiorum, & mortificationis, cernunt Superiorem suum

suum esse primum, & cæteris ferventior in ope-
 ribus magis abjectis, & naturæ molestis, in cella
 pauperrimum, in servando silentio, solitudine, ac
 aliis observantiam concernentibus exactissimum, vî
 quâdam arcanâ coguntur eum imitari non obstan-
 tibûs naturæ spurix contradictionibûs atque lan-
 guoribûs. Pulchrum & excellens hujus rei exem-
 plum habuimus in vita Fundatoris & Primi Ab-
 batis Beccensis B. Herlajni, ubi dicitur, quod Vir
 iste Sanctus, cum suis Religiosis magnas incommo-
 ditates fuerit passus; erant enim pauperrimi, malè
 accomodati, coacti sustentare vitam in sudore vul-
 tus sui, terram propriis manibûs colendo: quo ta-
 men non obstante testatur Historia, hosce Religio-
 sos vixisse admodùm contentos, nullum concepisse
 de sua vocatione fastidium, nullas auditas mur-
 murationes, omnesque incommoditates lætô animô
 tolerâsse, intuitu exempli ab hoc S. Abbate dati.
 Cùm enim considerarent Venerabilem hunc senem,
 quantumvis annis & austeritatibûs confectum, pri-
 mum ad laborem, ab illoque ultimum recedere, in
 omnibus aliis etiam exercitiis devotionis, seu pæ-
 nitentiæ, afferendo semper vultum cælesti gaudiô
 floridum: exemplum istud claudebat animum of-
 fensionibus, mentem fastidiis, os murmurationibus,
 atque illorum spiritum in tantum inflammabat, ut
 omnes

omnes isti rigores atque difficultates forent illis meræ deliciae. *Idem ibid. Die 6. Medit. 1.*

In Vestitu.

23. Prælati igitur sit humilis in usu rerum temporalium, ut nihil habeat pomposum, vel diligit, sed omnia, quæ habere videtur, paupertatem voluntariam demonstrent, & humilitatem ostendant; scilicet vestes, libri, cella, lectus, utensilia, mensa, pallia, & hujusmodi, ut nihil in omnibus appareat, quod notam jactantiæ, vel curiositatis habeat, nec talia fieri ab aliis patiatur. Non est humilis cordis indicium, curiosa quærere, pretiosa affectare, & excelsa ambigere. *S. Bonav. de sex alis C. 6.*

In Vitu.

24. Tu verò quasi hujus Ordinis non fores, cibos tibi procuras delicatos & lautos, ut gulæ facias satis. Si Abbas & Tuorum Regula & exemplum es, qui audes carnes lautas, pisces recentes, diversimodè paratos, & panem extra Monasterium à mulieribus coctum comedere? non sine pudore

D

dico,

dico, quod tamen dicendum, quòd multi sunt in via DEI subditi suo Abbate navigante nauclero, milites Duce perfectiores; quodque tuo in Monasterio multi reperiantur, qui eo tempore, quo tu horas noctis cænīs opiparīs & superfluis transigis, ipsi orationi vacant, & ad expiandas culpas & earum remissionem disciplinas sumunt. *Epistolarum S. Bernardi Epist. 443.*

In cultu externo.

25. Prælati non pauci digni hoc nomīnē vixerunt, qui licet census haberent opulentos, utpote Ecclesiæ Principes, nihil eorum usurpârunt, quæ à nonnullis ad dignitatem Ecclesiasticam conservandam necessaria judicantur. Tapetes pretiosos, palatia Regalia, & ædes instructissimas nunquam habuerunt, sed frugaliter ac temperatè instar Religiosi ac Clerici pauperis viventes, humili palla & amictu contenti, omnem vestimentorum luxuriam abjecerunt. Porro res est certissima non idcirco vel hilum authoritati ipsorum detractum fuisse. At scimus, & fateamur necesse est, in majori ipsos, quàm terræ Magnates æstimatione fuisse & reverentia:

rentia: quorum scilicet manibus, vestibus, pedibus oscula fixerunt, quod minimè contigisset, si induti sericò, aurò onusti, magno famulantium grege stipati, undequaque circumvecti, si domus adornatæ peristromatis, divitiis plenæ ac thesauris, mensæ Regales, & exquisitarum epularum deliciis oppletæ fuissent. Hos constat in vita & post mortem claruisse miraculis, & ossa ipsorum ac cineres in veneratione haberi, fieri item diligentiam, ut Sanctorum Cathalogo adscribantur. Ad quod obtinendum nihil proderit Majorum stemmata, magnificos apparatus, & his similia recensere. Proderit verò paupertatem, modestiam, continentiam, humilitatem ostendere, quam ipsi, & Familiares coluerunt. Proderit ipsos ad normam & Decreta Concilii Trident: Sanctorumque exempla instituisse. Unde patet non esse ineptum aut absurdum dicere, paupertatem Evangelicam maximè dignitati Spirituali convenire; at è contra consilium carnis esse & sanguinis corruptelam morum, huic velle contrariari. *Anton. de Molin. Tract. de Eminen. Sacerd. dignit. Tract. 20. C. 13.*

In resignatione in Divinam Providentiam.

26. Nimia sollicitudo mundanorum valde est damnosa, quando est in mentibus Prælatorum: Ipsa enim Prælatum affligit, quiescere non permittit, & quidquid cogitat, totum perit, quodque magis timuerat, hoc incurrit. De primo dicitur in Ecclesiast: C. 2. v. 20. *Peccatori autem dedit afflictionem & curam superfluum; ut addat & congreget, & tradat ei, ut placuit DEO, sed & hoc vanitas est, & crassa sollicitudo mentis.* De secundo in Jeremia C. 49. v. 23. *Præ sollicitudine quiescere non potuit.* De tertio in Proverb. C. 11. v. 7. *Expectatio sollicitorum peribit.* De quarto in Jerem. C. 42. v. 16. *Gladius, quem vos formidatis ibi comprehendet vos, & fames, pro qua solliciti estis, adhærebit vobis.* Ideoque à nobis debemus nimias sollicitudines temporalium excutere, & in DEUM projicere; sicut dicit B. Petrus *Omnem sollicitudinem vestram projicientes in Eum, quoniam ipsi cura est de vobis.* Inquantum enim possumus, temporalia per Vicarios dispensemus, & in his quæ DEI sunt, per vos ipsos pro viribus intendamus. Illa enim agenda sunt

sunt per Vicarios, ista autem per nosiplos. Et ne consumamur stulto labore, utamur, si unquam possumus Jethro consilio, quod Moyse in Exodo dedit
D. Bernard. Casim. Specul. Monach. P. iii. C. i.

In Cura rerum Spiritualium præ temporalibus.

27. Illi Pastores animarum, qui plus curant pecunias, quàm animas, sumptuosos muros erigunt, mores verò negligunt, ex Sententia S. Bernardi, quò plus æquò implicant se sæcularibus negotiis, oeconomicis occupationibus, spiritualia autem duntaxat vicariis suis, vel minoribus quibuscunque officialibus committunt, quasi res nullius, vel levis momenti, contra quam tractat Apostolorum forma, & norma, qui convocata omni fidelium multitudinem dixerunt: non est æquum derelinquere nos
 „Verbum DEI, & ministrare mensis, considerate
 „ergo Fratres viros ex vobis boni testimonii se-
 „ptem, plenos Spiritu S. & sapientiâ, quos consti-
 „tuamus super hoc opus, nos verò orationi & mi-
 „nisterio Verbi DEI instantes erimus. Et S. Bernar-
 „dus Eugenio Papæ scribit: Vacuum prorsus à sol-
 licitu-

„licitudine rerum minimarum & vilium oportet esse
 „se animum, tam magni, & multis intentum rebus,
 „sed hæc aliis committere debet, dicente Aposto-
 „lo; sæcularia iudicia si habueritis, contemptibiles,
 „qui sunt in Ecclesia, illos constituite ad iudican-
 „dum, Ut ipse videlicet inquit S. Gregorius, di-
 „spensationibus terrenis inserviant, quos dona spiri-
 „tualia non exornat. *Eustab. Janka in suo Favo Mel-
 lis. Folio 221.*

28. Cuncti qui præsumunt, habere quidem solli-
 citudines exteriores debent, nec tamen eis vehe-
 menter incumbere. Difficiliter mihi quis per-
 suaderet; posse Superiores, qui debent esse Viri solita-
 rii & collecti, in hoc excedere, hoc est volupta-
 tem cupere. & his occupationibus fastidiosis & o-
 nerosis, nisi apud S. Gregorium legissem reperiri
 aliquos, qui has externas occupationes, dum ad-
 sunt, se agere exultant; ad has etiam cum desunt,
 diebus ac noctibus cogitationis turbidæ æstibus an-
 helant. &c. laborem deputant, si externis negotiis
 non laborant. Interea accidit, quod multitudo co-
 gitationum, & consilia, quæ in eorum animis a-
 gitantur, & agendum movent, auferant ipsi atten-
 tionem ad seiplos, & tempus vacandi lectioni &
 orationi, ex quibus possent discere, quales esse, &
 quid

quid ipsi alios docere debeant. Unde satis frequenter oritur confusio inter subditos, qui veluti membra non solent bene se comportare sub capite agro, & semper tremulo. Quæ namque directio & conductio? qualis ædificatio? quæ assistentia in eorum necessitatibus? quem pietatis sensum haurire possunt pro sui directione ex hujusmodi Superioribus? Quid dicent aliquando supremo Judici Superiores, qui nunc ejus negotium, causamque eis in collatione muneris sui adeò commendatam deferentes, tam faciliè se implicant, sequendo inclinationem naturalem hujusmodi sollicitudinibus & occupationibus abjectis & despectis popularibusque, vel conjiciendo se in visitationes atque consortia sæcularium ultra mensuram, dum interea hac occasione miseri Religiosi pereunt defectu directionis. *Joch. le Cont: Dispt: Polit: Relig: Dic 1. medit: 1.*

29. Pastores siquidem, qui veri Pastores sunt, licèt tabernacula habeant de terra, & in terra, corpora videlicet sua, in diebus, quibus nunc militant, non tamen de terra, sed de Cælestibus pascuis greges dominicos pascere consueverunt; neque enim suam eis, sed Domini prædicant voluntatem. At hædi (: qui sunt corporis sensus :) cælestia non requirunt; sed juxta tabernacula Pastorum

rum in omnibus videlicet bonis sensibilibus huiusmodi, quæ est regio corporum, sumunt, unde sua desideria non tam satient, quàm irritent. Turpis mutatio studiorum, ut cui ante studii erat peregrinantem & exulem animam suam sacris meditationibus, tanquam Cælestibus pascere bonis, DEI beneplacitum & mysteria voluntatis ejus inquirere, penetrare devotione Cælos, & mente supernas circuire mansiones, salutare Patres atque Apostolos, & Choros Prophetarum, Martyrumque admirari triumphos, ac stupere pulcherrimos Angelorum ordines, nunc, omnibus his omisîs, turpi se mancipet corporis servituti, ad obediendum carni, ad satisfaciendum ventri & gulæ, ad mendicandum in universa terra; unde ex ea quæ præterit, mundi huius figura suam semper famelicam curiositatem aliquatenus consoletur. *S. Bernard. Serm. 35. in Cant.*

30. Superiores effusi, negligentes in suo officio, fordidi, insulsi, vel nimis curiosi & accurati in suis cellulis & habitu, inconstantes in actionibus, parùm zelosi in minoribus observantiis, sunt aliquando causa defectuum à Subditis commissorum, qui illos caverent, si bonum exemplum ob oculos haberent, consequenter tales Superiores magis adhuc formidare debent punitionem DEI teste D. Gre.

Gregorio,, Scire Prælati debent, quia si perversa
 „unquam perpetrant, tot mortibus digni sunt, quot
 „ad Subditos suos perditionis exempla transmittunt.
 Quare absolute etiam necessarium est, ut Superio-
 res contentur suos Religiosos bene in omnibus æ-
 dificare, & tantò sollicitius studeant evitare mino-
 res etiam defectus ac excessus, quantò plus metu-
 ere debent, ne dum talia declinant, sint aliis lapis
 offensionis, & petra scandali: ac dum pravis mo-
 ribus alios ad relaxationem provocant, participes fi-
 ant peccatorum, & damnationis illorum, vel sal-
 tem severè puniantur propterea, quod alios expo-
 luerint periculo perditionis Joch: 1. Cont: & 6.

Discretio Prælati pernecessaria.

31. Hominibus præesse, seu alios regendi ratio,
 quantò est sublimior, & majori dignitate prædita,
 tantò est periculosior, ei saltem, cui cor intelligen-
 di est. Cavere siquidem maximè debet, qui alios
 curare nititur, ne ipse ulceribus scateat, quinimò
 etiamsi quisque purum ab omnis generis peccato
 se custodiat, dicere tamen non ausim hoc ipsi suf-
 ficere, si alios ad virtutem instituere debeat. Haud
 enim illum, cui id muneris concreditur; malum

E

dun-

duntaxat non esse juvat (: est enim illud etiam plebeis, ac subditis turpissimum :) sed & studiô bonitatis cunctis antecellere, & non solum pravos typos ex animo delere, sed & meliores imprimere, sic ut magis virtute, quàm dignitate Subditis præstet. Rursus nec magni ducere debet, si plebem tantummodo excedat, sed summo pro detrimento habere, si dignitati suæ non responderit. Insuper, esto sit aliquis non malus, & propterea ad ipsum virtutis apicem ascenderit, non video tamen, quam scientiam consecutus, aut qua potentia fretus ad Prælaturæ gradum conniti debeat, quandoquidem mihi re vera Ars Artium, & Scientia Scientiarum esse videtur, hominem regere omnium animantium versatissimum, simul & moribûs diversissimum. Poterit autem ex curandorum corporum ratione per collationem quis indagare, quæ sit animarum cura? &, ubi quàm sit onerosa, cognoverit; inde experimentum sumere, quàm sit hæc nostra majoris negotii, naturaque materiæ, virtute scientiæ, & sine efficaciam pretiosior. Etenim illa circa corpora curanda [materiamque fragilem laborat, brevi dissolvendam: hæc verò circa animam, quæ & DEO est, atque Cælestis nobilitatis consors. Porro medici, alia quidem suoapte labore adinveniunt, alia verò aliunde accepta conferunt, & opus habentibus

tibus impendunt, idque potissimum hominis alicujus gratiâ, ut plusculos dies in terris vivant, sed quantillum est illud omne tempus, quo dein vivere poterint? aut quid ex hac præsenti vita lucraturi? cujus salutationem potius appetere tutissimum videtur. Nobis verò quibus curandum est, ne periclitetur salus animæ beandæ & immortalis, & immortaliter puniendæ propter malitiam, vel laudandæ propter virtutem, quantum certaminis subeundem erit, aut quàm singulari scientiâ opus est, ut eam ritè curemus & ad vitam transferamus æternam; sed insuper quemadmodum in corporibus non eandem curam, pariter & alimoniam, sed alii aliam ferunt, juxta quod vel bona vel mala complexione sunt affecti, ita & animas diversa ratione, & vivendi regulâ curare debemus. Testes sunt hujus curationis illi, quorum sunt & passionnes, horum quippe alii verbis ducuntur, alii verò exemplis in ordinem rediguntur: rursus alii opus habent punitionibus, alii frenò; sunt enim illi segnes, & ad bonum motu difficiles; isti verò spiritu ferventiores, quàm moderatio ferat. Aliis insuper prodest, si laudentur, aliis conducit, si vituperentur, alios corrigit adhortatio, alios increpatio, utraque rursus alios in communi redargutos, alios verò in occulto admonitos; solent namque alii privatas admonitiones

contemnere, & multitudine castigationis emendarī; alii autem libertate reprehendendi ad impudentiam provocari, & secreta increpatione ad viam disciplinæ reduci, compassionique admonentis obediendo respondere. *S. Gregor. Nazian. apud Mabillon. de studio Monast.*

Mores Prælati sint irreprehensibiles.

32. Qui aliis esse cupit utilis, imprimis (: aiebat Ignatius :) sibi vacare debere, & ardere ipsum charitate; si alios velit incendere: superare inanem metum, ambitionem tanquam pestem fugere, voluptatis illecebras, omniaque carnis blandimenta aspernari, & quidquid vitiosum est, à se repellere, ut omnibûs turbidorum motuum radicibûs expulsis ac evulsis, Divinos satus & in se aptiùs accipiat, & in alios utiliùs effundat.

33. Non benè imperabit aliis, qui sibi nequit imperare, dum intestinò bellò concutitur, passionisque indomitæ rationis arcem oppugnant. Qui enim intemperantiæ, timoris, audaciæ, aliisque immoderatis succumbit affectibus, quomodo intemperantes, timidos, audaces moderabitur. Profectò
si Ar-

si Architecti norma peccet, adificum ad eam regulam exactum nequit esse perfectum. Debet ergo Gubernator esse virtutum exemplar, quod Subditi imitentur, lineaque quâ dirigantur, ut reipublicæ & familiæ partes, quasi aulæ cujusdam latera architectonica proportionem consentiant. Atque idcirco animum ita debet regere suum, ut rationis imperio passiones effrenes còerceat, ne irâ exæstuet, concupiscentiâ flagret: delectatio illiciat, quod auxiliô cælesti, Divini judicii, mortis, ac tartari meditatione consequetur. *Ioan. à IESU arte Gubern. P. 4. C. 9.*

34. Ex mente siquidem Sylviani nil est turpius, quàm excellentem esse quemlibet culmine, & despicabilem vilitate. Quid enim est aliud Principatus sine meritorum sublimitate, nisi honoris titulus sine homine? aut quid est dignitas in indigno, nisi ornamentum in luto? si in tuis passionibus & defectibus notatur, quod nec in simplici Religioso notandum est, ac tolerandum, neque in tua conversatione, modoque procedendi quid singulare apparet, quid dicetur de te, nisi quod vita tua te non ostendit esse Superiorem, plus quoque in te reperiatur fugiendum, quàm imitandum. Ne in tantum opprobrium incidas, commoda aurem cordis

dis insigni monito Magni Cardin: Petri Damiani,
 Srude (:inquit ille :) Prior, ut te contiguus allo-
 quar, quatenus, quos Prioratûs officio superas, si
 possibile est, tantumlibet etiam vitâ præcedas. *Io-
 han. Die 2. Med: 2.*

35. Quomodo enim eum judicare potes con-
 filiô Superiorem, quem vides inferiorem moribûs?
 supra me debet esse, cui me committere paro. An
 verò idoneum eum putabo, qui mihi det consili-
 um, quod non dat sibi? & mihi eum vacare cre-
 dam, qui sibi non vacet? cujus animum volupta-
 tes occupent, libido devinciat, avaritia subjuget,
 cupiditas perturbet, quatiat metus? *S. Ambros.*

36. Institutio, quam opera non præbunt, lan-
 guida erit, imperfecta, mortua, & tanquam peni-
 cillum nullo colore imbutum, nullum etiam in
 tela colorem relinquet, quem non imbiberit. Ne-
 que sperari poterit DEUM ejusmodi hortationibûs
 usurum ad mortales à peccati sordibus mundan-
 dos: nec enim ille ad corda abluenda manibûs
 sordidis utitur. Necesse est, ut esse munda stude-
 at manus, quæ diluere sordes curat, ne tacta quæ-
 que deterius inquinet, si sordida ipsa, stercoreis lu-
 tum tenet. Manifestum proinde est, alterutrum
 horum

horum eligendum: aut ponendus est facerrimus hic titulus Rectoris animarum, aut laborandum, ut eas præcedat Rector virtute genuina, imo virtute transcendente vulgarem, tot gradibûs, quàm multis conditio Pastoris superat conditionem gregis ab eo gubernati. *Paul. Segneri Instit. Paroch: C. II.*

37. Prælatus quandoque reprehendere omittit, quia non irreprehensibiliter vivit, sicut B. Bernardus dicit. Nemo fideliter reprehendit, in quo se esse irreprehensibilem non confidit. Timet peccantes reprehendere, ne illud Evangelicum sibi dicant in faciem: *Hypocrita! ejice primò trabem de oculo tuo.* Neque enim potest esse sanum verbum & irreprehensibile, nisi sit gravitas in corpore, & integritas in mente, bonumque exemplum in opere. Ad hoc enim Titus instruitur, cum sibi per Apostolum scribentem dicitur: *In omnibus te ipsum prabe exemplum bonorum operum, in doctrina, in integritate, in gravitate, in verbo sano & irreprehensibili.* idcirco ut Abbatis sit sana prædicatio, necessaria est in eo interior purgatio, & tunc demum potest esse sana aliorum correctio. De his B. Gregorius ait: Revocentur intus itaque in conscientiam, ut prius propria corrigant, & tunc aliena reprehendant. *D. Bernardus Cassin. Specul. Monach. T. III. C. I.*

Prælatio cur non sit ambienda?

38. Magnopere curandum est, ut, qui regendis hominibus præfertur; apud se intra secretarium mentis in Cathedra præsideat humilitatis, cumque ei foris à cæteris assistitur, vigilantì oculo incessanter aspiciat. cui quandoq; Judici ipse de his judicandus assistat, ut quando nunc ante eum, quem non videt, sollicitus trepidat, tantò eum, cum viderit; securior cernat. Penset ergo, qui ad satisfaciendum districto Judici de sua tantummodo anima fortasse vix sufficit; quia tot regendis subditis præest, reddendæ apud eum rationis tempore, ut ita dicam, tot solus animas habet. Quæ nimium cogitatio si assidue mentem excoquit, omnem superbix tumorem premit. Et Rector providus tantò jam neque Rex apostata, neque Dux impius vocabitur, quantò ei cogitatione sollicita potestas, quæ accepta est, non honor, sed onus æstimatur. Nam cui nunc esse judicem libet, huic videre tunc Judicem libet; numerari enim culpæ nequeunt, quæ habendæ potestatis amore perpetrantur. Tunc solum verò potestas bene geritur, cum non amando, sed timendo retinetur. Quæ ut ministrari rectè valeat, oportet primùm, ut hanc non cupiditas,

tās, sed necessitas imponat. Percepta autem, nec pro formidine debet deseri, nec ex libidine amplecti, ne aut pejùs quis quasi ex humilitate superbiat, si Divinæ dispensationis ordinem fugiendo contemnat, aut eò jugum Superni Rectoris abjiciat, quò eum super cæteros privatum Regimen delectat. Potestas ergo cum percipitur, non ex libidine amanda est, sed ex longanimitate toleranda, ut inde tunc ad judicium salubriter levis sit, unde nunc ad ministerium patienter gravis innotescit. *S. Gregor: Lib: 24. Moral. C. 34.*

Prælatum Subditorum moribus studere necesse.

39. Neque debet semper, qui præsidet, humilitate, nec etiam omnibus uti autoritate, sed alternatim, nunc unam, nunc exhibeat aliam, prout cuique expedire censuerit. Sanè cum mitibus & simplicibus se Pastor humiliter gerat, quàm diu in propria simplicitate perseverant. At verò si svadente diabolo, aut subvertente malitia ab innatæ bonitatis itinere declinare inchoaverint, tunc & ipse, qui regit, disciplinæ rigorem assumat, & Regimi-

nis gravitate servata, errantes ad cor suum revocare studeat, ut intelligant, unde exciderint, & cum authoritate compescat, quos humilibus persuasionibus in mentis suæ sinceritate custodire non valuit. Superborum verò vulneribus (: quoniam acriora opponenda sunt remedia:) justitiæ contra eos Prælatus se zelô præcingat, satagatque illos minis, terroribûs atque convitiis proprii reatûs ad compunctionem inflectere, admonitionisque verba cum cordis benignitate suscipere. Denique si viderit eos ex increpatione mollescere, seque accusando districta animadversione macerare, tunc humilitatis, & charitatis promat eloquia, ne forte desperationis cadant in laqueos, qui ab adversariis sub compunctionis ficto velamine tenduntur incæcatis. Sciat itaque qui præsidet, se (: causa exigente :) per authoritatem extollere, sciat etiam prudenter se humiliare, ne & ipse circumveniat à Sathana, qui mille fallaciarum generibûs militantibus Christo insidiari non cessat. *S. Lauren. Justin.*

Zelus Prælati in quibus consistat?

40. Verus igitur justitiæ Zelator, *primò.* cavet ne malum aliquo modo faciat vel doceat, *secundò.*
ne li-

ne licentiet, vel concedat quacunque importunitate, seu circumventionem molitus. *Tertio.* ne faveat, vel fieri etiam si eo irrequisito fiat, vel absente, *Quarto.* ne dissimulet, & taceat, quasi nesciens, cum ad eum pertineat arguere, & ostendere, quantum malum sit, & deterrere, ne ulterius audeant similia attentare. *Quinto.* ne inultum esse patiat, quia aliquod bonum parit peccati castigatio, scilicet, quod ipse, qui fecit, prohibetur ultra peccare dicente Domino: *jā noli peccare, ne deterius tibi aliquid contingat.* S. Bonav. de Sex alis C. 3.

41. Ostendat bonus Zelator, quantum diligat DEUM in eo, quod beneplacitum Ejus in se & in aliis promoveat, nec ab hoc zelo mollescat per desidiam, nec labore lassetur, nec consiliis flectatur, nec astutiis circumveniat, nec amicitia, nec blanditiis delinatur, nec minis terreatur, nec per diuturnæ prævæ consuetudinis præscriptionem desperet, quin suum officium exequatur. S. Bonav. de Sex alis. C. 3.

Fortitudo Prælati superari non debet.

42. Sacer Ordo cuique Superiori commisit suam Regulam & statuta, suum honorem & æstimationem

tionem, & quasi vitam ipsam, ut in iis conservandis totus sit: hoc ab ipso expectat Ordo, hoc est, quod ipsi mandavit, & de quo strictam suo tempore supremo Judici rationem dabit: omni proinde studiò Superiori connitendum erit, ut obligationi suæ constanter & generosè satisfaciat. Non est, quod timeat aliorum machinationes, & terribilia, DEUS pro ipso est, à quo potestatem & auctoritatem regendi accepit. *Noli querere fieri Judex*, alloquitur DEUS Superiores *Eccl. 7. nisi valens virtute irrumpere iniquitates, ne forte extimescas faciem potentis, & ponas scandalum in aequitate tua, noli esse pusillanimis in animo tuo.* Si vel uni contumaci cesseris, insurgent paulo post plures, & te sibi cum maximo obedientiæ & regularis observantiæ dispendio subjicient; contra hos severitate utendum: Necesse est, ut Rectores à subditis timeantur, quando ab eis DEUM minimè timeri deprehendunt, ut humana saltem formidine peccare metuant, qui Divina judicia non formidant S. Gregori: Pastor: Part: II. c. 6. Instandum apud similes oportunè, siquidem à debita correctione plurimum eorum salus dependet, quæ correctio si omitatur, & subditus perit, & ab integra sæpè communitate ob defectus & mala exempla nimium dissimulata, gratiam DEUS subtrahit cum magno
tàm

tam spiritualium, quàm temporalium bonorum detrimento, *Ioan: Bapt: Sainr:*

43. Prælatus nimis vitiosis humanus falsam sibi curialitatem assumit, ut eis non displiceat, delinquentium culpas ferire omittit, iste non est delinquentis fidelis amicus, sed crudelissimus inimicus, non debet judicari malevolus, qui corrigit, imò debet reputari adversarius, quia vulnus non secando, putrescere derelinquit. Unde *B. Augustinus* dicit: non vos judicetis malevolos, quoniam crimen alterius judicatis; magis quippe nocentes non estis judicando crimen, quàm si fratres vestros, quos judicando corrigere potestis, tacendo perire permittitis. Si enim Frater tuus vulnus habet in corpore, quod vult occultari, dum timet secari, nonne à te crudeliter fileretur, & misericorditer judicaretur? quanto ergo potius manifestare, ne deterius putrescat in corpore. Item *Augustinus*: Melius est cum severitate diligere, quàm cum lenitate decipere. Et qui phreneticum ligat, & qui lethargicum excitat, ambobus molestus existit, & tamen ambos amat; Prælatus verò, qui non habet veram charitatem, & protendit ad subditum falsam humanitatem, si quandoque ipsum arguit, tepidè reprehendit. Sicut in *Libro Regum* legitur de Heli

Heli, qui dicebat Filiis suis: *quare facitis res hujusmodi, quas ego audio?* & quod ei accidit & Filiis, terribile est subditis, & horribile ipsorum Prælatiis.
Div. Bernard: Casin: Specul: Monast: P. 111. C. 1.

10. *Defectus Prælatorum in regimine subditorum, & quomodo pro his strictam Judi Deo rationem sint reddituri.*

44. Quæ enim debilem remissamque gubernationem facient, ad hæc reduci possunt. *Primum*, si tantum magna, & quæ scandalo sint, curentur, ac ea demum sentiantur à Superiore; cætera verò passim negligentur. *Secundum*, si observatio Regularum, vel multitudinis earum prætextu, vel svavitate nostri Patris minus accuratè urgeatur. *Tertium*, si quæ injunguntur facienda ob exiguam subditi repugnantiam vel aliorum intercessionem immutentur facile, & prætermittantur. *Quartum*, si ex frequenti aliquorum transgressione asuescat Superior, quasi minus mala judicare, quæ mala esse perspexerit. *Quintum*, si judicat quidem & improbat, sed ne contristet

triflet, aut ne contra se carbones excitet, non monet, aut corripit delinquentem. In quo illud sanè Divi Gregor: pertimescendum, cum mala corrigi loquendo possunt; silentium consensum esse pertimescat. *Sextum*, si ad consolationem particularium ne murmurent, vel ob auctoritatem aliquorum, vel ob suas amicitias, vel ob privatos respectus ea faciliè concedant, quæ vel illis, vel communi ædificationi satis non conveniant. *Septimum*. si ad evitandas amaritudines aliquas errantis cujusque, vel alterius, nec investigat errata, nec corrigit, nec quæ necessaria sunt, adhibet, præsertim ad cautelam. *Octavum*. si prætextu humilitatis & mansuetudinis permittat se negligi, & contemni quæ dicit. *Nonum*, si ex naturali timiditate vel respectu aliquo ita perfunctoriè, ac frigide monet, ut nihil delinquentem moveat, quasi admonitione illa, id tantum voluerit, ut officio functus coram DEO videatur, seque ipsum liberet scrupulò prætermissæ correctionis. *Decimum*. & postremum, si contentus monitis, cum ostenderit sibi errata displicere, putat se jam satisfecisse; nec rebus ipsis efficaciter medeatur, & quasi Heli arbitretur se omnia perfecisse, si dicat, *non est bona fama, quam ego audio.*
Claudius Aquaviva Indust, C. 2.

45. Porro cùm ex unanimi SS. Patrum, & Theologorum consensu certum sit, quòd cuivis Superiori ex officio sub gravi culpa incumbat custodire communem regularis sui Instituti observantiam, ac proinde perniciosas praxes, & laxitates tollere & abolere, impedimenta rescindere, abusus pravosque mores & culpas corrigere, consequens est, Superiorem illum peccare graviter, qui correctiones, tanquam certa peccatorum remedia infirmis seu delinquentibus suis subditis in tempore applicare dissimulat, aut omnino negligit, aut aboleri permittit. Quicunque ergo Superiorum munus corrigendi negligunt, sibi suisque subditis non leve salutis præjudicium inferunt, ac toti sæpenumero Monasterio, suæque Religioni grave vulnus infligunt; cùm exinde personalia Ordinis sui membra in suis infirmitatibus derelinquant, & quodam, modo putrescere permittant. Hinc est quod SS. Patres gravem hanc Religiosorum Ordinum ruinam passim deplorent, desidesque ac somnolentos hac in parte Superiores acriter perstringant. Ideo enim tot Ordines confunduntur (: inquit *Doctor Seraphicus in Infirm. Novit. P. II. C. I.* :) quia pueriles mentes sibi met dimittuntur sine freno retrahente à noxiis. *S. Petrus Damianus* apertè fatetur, quòd si de Sacro Conventu correctionum censura subtra-

subtrahitur, disciplinæ vigor funditus enervatur, & Religio tota dissipabitur. Utinam, o! utinam non etiam id ipsum etiamnum hodiè in nonnullis Religiosorum claustris contingeret, unde enim tanta quorundam subditorum audacia, & exorbitantia? tam libera agendi licentia, tamque audax erga Superiores quandoque resistentia, ita ut nonnunquam Superior Subdito, non subditus Superiori teneatur cedere? unde inquam hæ lacrymæ? nonne hinc, ex indiscreta scilicet Superiorum conniventia, & in corrigendis Subditorum culpis negligentia? neglecta siquidem correctio plerumque vitia fovet ac nutrit, malaque plurima & exempla pessima secum trahit. Ubi enim deest correctio (: ait *Humbertus*;) abundat peccati corruptio, semperque scelera, dum non resecantur, juvenescunt, & in aperta facinora proditur, quoties secuta impunitate proceditur. *Anon: Ichn: 7. Discip: 1. Reg:*

46. Cui data est potestas à Domino super familiam suam, & cui debent Subditi ea de causa vice Domini obedire, si non corrigit delinquentes, si permittit sub se vitia crescere, & consuetudines malas oriri, & jam exortas roborari & dilatari, si videt regulares observantias dilabi, & transgressionem multiplicari, & non pro posse non obviat tam

præsentibus malis, quàm imminentibus, triplicem DEO rationem reddet. *Primò* pro sua negligentia, quando non fecit, ad quod officiò tenebatur . . . quoniam iudicium durissimum his, qui præsunt, fiet. *Secundò* quòd omnia peccata Subditorum, quæ poterat, & debuerat correxisse & præcavisse imputantur ei . . . quoniam sanguinem ejus de manu tua requiram. *Tertiò* pro abusione honoris, & potestatis sibi collatæ quam ad propriam gloriam & commodum retorfit, & non ad quod data est ei. *S. Bonav. de sex alis.*

47. Quàm terribile igitur Antistiti iudicium imminet, si Fratres delinquentes non arguat! quam ob rem cui Communis totius Regulæ Societatis data provincia est, is ita animò affectus esse debet, quasi qui intelligat reddendum sibi de uno quoque rationem, illudque sibi persuadere, si de fratribus aliquis in aliquod peccatum inciderit, quem priùs ipse de iudicio DEI non præmonuerit, vel si jam lapsus in eo persisterit, ac non rationem ipsam, qua sanari posset, docuerit, fore, ut sanguis ejus requiratur de manibus ipsius, sicut scriptum est, præsertim si non ex incitia aliquid tacens præterierit eorum, quæ DEO non placent, sed ex assentatione, quòd se demittens ad cujusque vitia accomodet, exa-

exactam sibi creditæ Reipublicæ disciplinam dissol-
verit. Qui enim beatos vos dicunt, ipsi vos de-
cipiunt, & viam pedum vestrorum disturbant; Qui
autem turbat vos, ipse iudicium portabit, quicun-
que ille est. *S. Basil. Mag.*

48. „Data est à DEO potestas vobis, & vir-
„tus ab altissimo, qui interrogabit opera vestra, &
„cogitationes scrutabitur: quoniam cùm essetis Mi-
„nistri Regni Illius, non rectè iudicâstis legem ju-
„stitiæ, neque secundum voluntatem DEI ambulâ-
„stis. Horrendè & citò apparebit vobis, quoniam
„iudicium durissimum his, qui præsumunt, fiet. Exi-
„guo enim conceditur misericordia, Potentes au-
„tem potenter tormenta patientur. Non enim sub-
„trahit Personam cujusdam DEUS; quoniam pusil-
„lum & magnum ipse fecit, & æqualiter cura ipsi
„est de omnibus. Fortioribus autem fortior instat
„cruciatio, *Sap. 6.*

49. Omnes Sancti in hoc conveniunt, quòd si
Superiores non sollicitè reprehendant, & corrigant
defectus Religiosorum suorum, si tolerant abusus,
deordinationes, vel quandam speciem libertatis in
sua communitate, aut conniveant, si facilè Regulæ
& Statuta violentur, minora exercitia & observan-

tiæ contemnantur, quin se opponant animosè & resolutè, & impediant hoc malum, rei erunt, & coram Divino Tribunali, reddere rationem cogentur. Primò ut dicit S. Bonaventura propter negligentiam, quâ omiserunt id facere, ad quod tenebantur. Secundò de excessibus & transgressionibus omnium Subditorum, qui in ipsos redundant. Tertiò, de malo usu suæ potestatis, quam DEUS ipsis contulit, ut vitia extirparent, animas perficerent, & suam gloriam promoverent. Quæ cum ita sint, quis inficias ibit cæteris omnibus mundi negotiis magis periculosum esse regimen animarum? Specialiter si consideremus DEUM exacturum rationem à Superioribus tam de jactura, quàm de delictis eorum, quos ipsis credidit. Si enim quidam fortassis victi violentiâ tentationis, aut mala consuetudine, vel alias seducti à Dæmone incipiant cadere in abyssum inferni, eò quòd non fuerint satis promptè adjuvi, & minori cum assiduitate excitati, atque revocati, vel ipsis non seriò invigilatum fuerit. Certum est Superiores coram DEO desuper respondere debere, eorumque animas reas & obligatas pro Animabus horum infelicium tenendas esse: quod sanè satis efficax est, ut tremefaciat, & excitet Superiores, ut singulari cura hæc deposita custodiant. *Johan le Conte.*

Trala.

Prælatorum vigilantia ubi plus necessaria?

50. Cum Prælati habent plura loca jurisdictioni subjecta, ad eum citius accedant, ac diutius ibi remaneant, in quo scandala magis urgent, ut eis obviam eant, & impedian. Si enim impii ibi in Cathedra sua sedent, quam David appellat pestilentia, eò, quòd tanquam pestis eorum scandalum adhæreat aliis, eosque inficiat, æquum est Prælaturum ponere suam Cathedram ibi contra illam, ut recta solidaque doctrina sua, refutet, rejiciat, malam & scandalosam. Quod si Sathan sedem suam ponit in Civitate quadam, quia his scandalizantibus, tanquam instrumentis utitur ad alios corrumpendos ac pervertendos, justum est, ut & ipse sedem suam ibi collocet, ut ei resistat, ejusque conatus impediat. Ubi enim major est necessitas Subditorum, debet etiam diuturnior esse Prælatorum mansio & assistentia. Propterea voluit Christus Dominus Vicarium suum Sanctum Petrum cum Apostolo Paulo ire Romam, suamque Cathedram ac sedem ibi collocare, eò quòd Sathan ibidem haberet sedem iniquitatis, & Cathedram idololatriæ. Et ipse.

ipsemet Salvator qui (: ut ait S. Joannes :) in hoc apparuit mundo, ut dissolveret opera diaboli. Cum capit suam prædicationem, erat frequenter in Jerusalem, ubi Scribæ & Pharisei suas Cathedras habebant, in quibus multos docebant errores, quos ipse dissolveret, & solidam veritatem docere studebat. In cujus rei signum ingressus Templum Ierosolymitanum cathedras, vendentium columbas, evertit. Usus autem est Evangelista vocabulo Cathedra, ad significandum (: ut S. Hieronymus explicat :) Prælatos dissolvere & evertere debere doctrinas Magistrorum, qui sunt cupidi, ac superbi, & deceptores. Qui propter avaritiam ac superbiam suas proferunt phantasias, quasi essent à Spiritu Sancto per columbam significato. Ejecit quoque ex Templo vendentes & ementes, & mensas nummulariorum evertit. Quæ tamen ibi habebantur eo prætextu, quasi ad sacrificia, quæ in Templo offerebantur, essent necessaria: ut sic zelantes Prælati intelligant, quod non debeant hujusmodi vitia permittere, quæ pallio quodam virtutum se se contegunt. *Ludov: de Ponte.*

Cur

*Cur S. Constantius in purgatorio tri-
duo graves tulerit cruciatus?*

51. Heu Frater! quàm districta Domini judicia sunt, atque ab hominum sensu ac sententia longè remota, quæ enim virtutes viventibus videntur, à DEO plerumque, qui recte omnia metiri novit, vitia judicantur. Ego quidem ex DEI miseratione salutem consecutus, Cælesti gloria fruor, verumtamen in purgatorio igne triduo pænas exsolvi, quæ trium millium annorum (:haud mentior:) mihi diuturna supplicia visa sunt. Quod si horum causam quæras, ea gemina fuit. *Prima*, quòd ex diuturna mea inter Fratres Prælatione plerasque maculas, quas nec maculas existimabam imprudenter contraxerim, ac plurima prætermiserim, quæ & Superioris munus & commissi gregis officium, postulabant. Quæ summo rigore in DEI judicio examinata fuere. *Altera*, quòd in animi remissionibus, quas intra solius virtutis terminos contrahere debueram, erga Subditos indulgentior, quàm par est, extiterim, ex quo plerumque dissolutiones eruperant. Ita S. Constan: apparens post mortem apud Zachar: Boy: Tract: 2do, Pag. 204.

Præ la

Prælatas Justitiam cum Misericordia debet conjungere.

52. In charitatis tamen & compassionis affectu necesse est illi (: Superiori :) uti prudentia, ne facilitas veniæ Subditis occasionem tribuat delinquendi. Nam quemadmodum peccanti compatiendum est, atque humanæ fragilitati misericorditer ignoscendum, æquè sunt scelera corrigenda, ac puniendæ errata. Alioquin sub velamine pietatis compassionisque specie, periclitaretur justitia, quæ viriliter ab iis, qui præsunt, exerceri debet, ac diligi, sicut in Libro legitur *Sapient: Diligite, inquit justitiam, qui judicatis terram.* Debent itaque Pastores animarum semper misericordiam servare in corde, & justitiam ministrare in opere, juxta tamen qualitatem Personarum, gravitatem criminis, intentionis perversitatem, conditionem temporis, ac perseverantiam mali. Sic itaque habere se debet in cunctis, ut nec justitia compassionem repellat, neque compassio justitiæ regulas prætermittat. Nam justitia sinè compassione, crudelitas est, & compassio absque justitiæ rectitudine, ignavia & pusillanimitas judicanda: ambæ quippe cohærent simul; ambæ in Præsidente sunt

sunt necessariae, aded, ut si altera ipsarum desit illi, nequeat esse perfectus. *S. Laur: Iustin: de Inst: & Reg: Pral: C. 9.*

53. Sunt nonnulli, qui absque peccato mortali nequeunt reprehendere quædam peccata venialia, ita, ut maiorem defectum committant, & passionē maiorem ostendant in corrigendis aliorum defectibus, quàm sit defectus, quem perstringunt. Sed quomodo corrigant alios, cùm se ipsos corripere nequeant? Imitantur illum stultum, qui iacturam utriusque oculi lubens subiisset, dummodo ejus hostis juratus, uno orbatus fuisset. *Idem Ib. C. 1.*

54. Intelligat, quòd quando mollis & amica correptio non sufficit, aspera & acerba reprehensio debeat adhibere punitionem in gradu sibi permisso contra Subditos propter aliquem finem ex tribus. *Primus* est in finem ipsiusmet Subditi, qui peccavit; sæpe enim evenit, ut stultus correptus sapiat, & vexatio det intellectum, ut peccatum agnoscat, defleatur, & quærat ejus remedium: ac propterea Salomon dixit: Noli subtrahere à puero, sive subdito disciplinam, si enim percusseris eum virgâ, non morietur. Quando autem Subditus pertinax ac rebellis est, nec acceptâ panâ proficit, est etiam necessaria

cessarium idem facere in utilitatem ceterorum, qui ex aliorum pœna cautiore fiunt; ne ipse Prælatus ejusdem pœnæ reus fiat: ac propterea idem Salomon dixit: pestilente flagellato stultus sapientior erit. Ex hoc fit, ut hoc ipsum sit etiam valde necessarium ad commune Ecclesiæ ac Religionis bonum, ut & Christiana ac Religiosa disciplina in suo vigore conservetur. Nam ut ait S. Bonaventura. Discrimen inter bonam & malam Rempubicam & observantem ac relaxatam Religionem non in eo consistit, quòd in aliis aliqui sint mali, in aliis non, cum re ipsa in omnibus inveniantur aliqui; sed in eo, quòd vicia & scandala reprehendantur, & puniantur in Republica bene ordinata, & in Religione observante, in aliis autem tolerantur, & sine reprehensione & pœna transire permittantur. *Ludov: de Pont: Tom: 4. Tract: 7. de Stat: Epif: & Præl.*

Mansuetudo Prælatum decet, in delinquentibus corripiendis.

55. Si quando advertit Prælatus turbationem & rebellionem inter suos ne manu, ut dicitur, armatâ & violenter aggrediatur, ut eam lapiat, sed mollius prius

prius adhibeat media, & patienter agat, sicut Ge-
deon, qui blandis & mollibus rationibus requie-
scere fecit Spiritum Virorum Ephraim, quo tume-
bant contra eum. Quod si Subditi furiosos se ex-
hibeant in corripientem, ne rationibus cum eis con-
tendat, sed mansuetudinem induat; nam ut Sapiens
dixit: Responsio mollis frangit iram, sermo durus
suscitat furorem. Quare si de ipso murmurent, ta-
ceat usque ad suum tempus, aut sui rationem tran-
quillè & pacificè reddat, sicut fecit Paterfamilias
ille, cum operariis murmurantibus, quod novissi-
mos fecit eis pares, qui diutius laboraverant. Quod-
si adhuc importuni & pertinaces essent, non descen-
dat ad contentiones, quæ majores proferunt discor-
dias, sed tunc quidem dissimulet, ut magis oppor-
tunè felicius rem peragat, etiam præmendo magis.
Episcopum, ait Apostolus, oportet non esse liti-
giosum, non iracundum, sed pacificum, non per-
cussorem sed modestum, non iracundum, nec un-
quam ostendere, quod aliquid faciat quasi in vin-
dictam; Etsi enim zelô justitiæ aut pietatis aliquid
faciat, nullum temeræ vindictæ genus admittere de-
bet. *Lud. de Pont.*

56. Igitur in nullo casu, etiam ubi justissima
apparet causa aliquem reprehendet iratus, donec

se ipsum prius quietum reddat & pacatum; sic enim licebit postea fratrem suum pacare, & facilius eum lucrabitur, si toleret, quia ipsemet tandem agnoscet, suamque obstinationem improbabit, seseque subiciet & ad pedes prostermet. Ratio autem cur non sit reprehensio adhibenda cum Superior est turbatus, est ea; Quia DEI omnia mandata diriguntur ad Sanctitatem & cordis puritatem, cuius utriusque sit iactura, si permittat se ab indignatione & aversione ferri. Nec in defectibus proin Subditorum valde indignetur. nec suum ostendat defectum & turbationem. *P. Balb. Alvar.*

57. Cum indignatione & ira, castigatione adversus aliquem uti, hoc haud quaquam est, à peccato illum liberare. Quamobrem Apostolus dixit: In mansuetudine corripientes eos qui resistunt. Neque si in contemptum veniat alicui, ob id præbere se debet vehementem, aut plus æquò severiorem: ubi verò alium contemni viderit, erga eum, qui deliquit, declaret se benignum ac indulgentem, quini-
mò multò gravius ei ferendæ sunt aliorum injuriæ, quàm suæ, hoc enim si fecerit, & suspicionem à se illam hominis se ipsum amantis immodicè submovebit, & planissimè se, non peccantem odisse, sed peccatum averfari declarabit, cum ita videlicet di-
verso

versô modô se gerat in rebus & suis & alienis. S.
Basil: Reg: 50.

58. Quando aliquis à te corripiendus est, eum hortando, monendoque potiùs, quàm increpando, vel passim intamando, conveni, quamdiu res lenitatem admittit: si sapiendum est, vide, ut sinè felle sapias; non furor, non propria causa, sed DEI amor, animarumque salus vehementiorem correptionem abs te extorqueat. Ratio in te maneat tranquilla, ipsam sermonis asperitatem Sancta discretio regat & temperet. Intus dulci affectu miserere ejus, in quem acriùs videris invehi, & ipsum tibi ex corde propone. Si lentis animum tuum graviùs esse turbatum, differ increpationem, donèc cessaverit istius modi commotio, vel certè paucula verba absque impetu tunc loquere. *Lud: Blos: Candid: vita C. 31.*

59. Audiant Prælati, qui sibi commissis semper volunt esse formidini, utilitati rarò. Erudimini qui judicatis terram. Discite Subditorum Matres vos esse debere, non Dominos. Studete magis amari, quàm metui. Et si interdum severitate opus sit, paterna sit, non tyrannica. Matres fovendo, Patres vos corripiendo exhibeatis, mansuescite, ponite feritatem.

tem; suspendite verbera, producite ubera, pectora lacte pingvescant, non typho superbiant. Quid jugum vestrum super eos aggravatis, quorum potius onera portare debebitis. Si spirituales estis, instruite huiusmodi in spiritu lenitatis, considerans unusque se ipsum, ne & ipse tentetur, *S. Bernard. Serm. 28. in Cantica.*

60. Et quis non rapiatur audiens Sanctum Paulum, qui, non obstante, quod haberet tantam potestatem, usus est verbis tam suavis, tam amorosis, ut nullum sit cor, quod non emolliatur. Pro eo, quod diceret: Ego tibi præcipio ex parte DEI, ego hoc mando in virtute s. obedientiæ, hoc jubeo sub pæna Excommunicationis, vel similibus verbis, quibus uti poterat, si voluisset, sic loquebatur, & potius rogabat, quàm mandabat: Obsecro te mi Thimoti per amorem, quo me prosequeris, adjuro te per Viscera Christi, te rogo per mansuetudinem Salvatoris, si me ames, quamvis nil pro te fecerim in Nomine DEI, hoc vel illud, quod multum confert ad servitium Christi Domini, facias, *Kenn: Franc: Id. C. 4. N. 1.*

61. Sapienter S. Bernardus docet Eugenium & Prælatos, quo pacto gravitatem cum lenitate miscere

scere debeant, ne vel ob illam, si nimia sit, fastidio sint & odio, vel ob hanc contemptui. Esto (ait) gravis, sed non austerus, non dissolutus, neque severus, sed inter ea mediocritatem tene, ut neque de severitate, sis oneri, neque de familiaritate contemptui, austeritas fugat infirmiores, gravitas reprimit leviores. In Palatio, Papam. Domi, te Patremfamilias exhibe. Ament te domestici, si non, fac ut te metuant. Utilis est semper custodia eris, quæ tamen familiaritatis gratiam non excludat: Ille convenientior habitus, si actu severus, vultu serenus, verbo serius. *Carol: Steng: Opt: Præl: P. 1. C. 10.* Sanctæ Franciscæ Romanæ S. Paulus & S. Benedictus dederunt hoc monitum dicendum Confessario Discipularum ejus, ut particulari sollicitudine (æquam ab ipso exigebat Mater creatoris :) dirigeret illas animas in via perfectionis. Idcirco ut indueret viscera compassionis relinquendo omnem nimium rigorem, & habendo respectum ad fragilitatem illarum procurando cum prudentia & dexteritate, & tolerantia promoverè opus tanti servitii DEI. *Idem Ibid: C. 18.*

62. S. Bernardus opinatur in Prælatura & Regimine nil proficui posse fieri, nisi fiat in Spiritu mansuetudinis, ita, ut sicut juxta Scripturam nemo sine fide DEO placere potest, ita nemo sine suavitate homini-

minibus placere, & bene gubernare queat. Ipse-
met experimento hoc didicit; Cum enim esset Ab-
bas juvenis, totus fervens, & ad partes severitatis
& rigores declinaret, totus mundus eum timuit &
fugit. Sanctus hoc advertit, veniam rogavit, &
stylum mutans, mansuetus velut Angelus effectus est,
hacque mansuetudine adeo corda Religiosorum si-
bi conciliavit, ut septingentos velut agniculos, gu-
bernaret. Nil eo dulcius inveniri potuit, vocabat
se eorum Matrem, Subditos suos oculos; viscera, cor,
semper fundebat lac, ita ut si ejus suavitas voluisset
componere homilias, scribere libros, alio modo id
non fecisset, quam Bernardus hoc fecit. Totus mun-
dus exoptabat præesse talem, qui ex sua bonitate
vult omnibus subesse. Is qui omnibus est in timore,
totum mundum timere cogit. E contra quis quis
tenerè amatur, non habet qui eum, vel quem ti-
meat, quinimo quilibet eum tenerè amat, & liben-
tius in propria persona pati vellet, quam quod ipse
patiat. Subditi ejus jussiones præveniunt, & si e-
jus mentem prædivinari possent, quilibet honestus
& bonæ indolis libenter eum à labore mandandi e-
ximeret, & omnia faceret, ut ei magis gratificaretur.
Ann: Francif: Id: Bon. Reg: C. 2.

63. Novi Abbates, qui tum bono exemplò, tum
suavi animandi modò jejunia Sabbathina, discipli-
næ

næ reformationes, aliasque observantias introducere, quas planè nunquam obtinere potuissent nudò imperiò, in quo tamen absque dubio tum subditis animabus, tum disciplinæ Ordinis plus profuerunt, quàm si Religiosum forsitan particularem suò imperiò succensæ fecissent insilire fornaci. Nam cum semina eorum permanent bona, etiam post multos annos ipsis adhuc in speciale gaudium in Cælis, qui seminârunt semen justitiæ, quod etiam post multos adhuc annos fructificabit. *Æmil. Neisl. Vox Clam. Reg. 6.*

64. Apud Solum Abbatem cum quidam Frater frequenter talem sermonem requireret dicens: Quid faciam Pater, quoniam cecidi? Respondit: surge. At ille respondit: exsurrexi. Et iterum se cecidisse confessus est, ait senex: & iterum surge. Cum autem frequenter se cecidisse narraret, eodem sermone Senex utebatur exclamans: non cesses exurgere Fili, cui Frater ait: usquequo surgere possum Pater? explana. Tunc Senex ait: quousque aut in bono opere, aut in malo deprehensus occumbas. In quo enim opere homo deprehensus fuerit, in eo judicabitur. *Rono: in Vit: Pat: Lib. 3.*

65. Omnes Sancti Fundatores Religionum eminen-
 ter fuerunt præditi hac mansuetudinis præroga-
 I
 tiva

tivâ & fuerunt valde mites, affabiles, humani, & semper velut angeli (: qui nil spirant nisi dulcedinem & benignitatem :) prodierunt. S. Macarius vocabatur DEUS Monachorum, quia è tot millibus Religiosorum, quibus præerat, nullus eum unquam vidit fulminantem aut tetricum. Et S. Aug: in sua Regula præscribit: Ipse qui vobis præest: non se existimet potestate dominante, sed charitate serviente felicem, semper cogitans DEO se pro vobis rationem redditurum. *Eust. Janka.*

66. Si quis cum humilitate & timore DEI, iungat Fratri aliquid facere, sermo ipse qui propter DEUM egreditur, facit Fratrem illum suum subiectum existere, & implere quod fuit imperatum. Si autem quis volens jubere Fratri, & hoc non secundum timorem DEI fecerit, sed contra, per auctoritatem, volens sibi in eo potestatem defendere, DEUS qui videt occulta cordis, non permittit eum audire & facere, quod jubetur. Quod à DEO est, cum humilitate & obsecratione imperatur; Quod autem ex potestate, cum furore & perturbatione, ut pote quod à maligno est. *Rosweid. in vit: PP. P. 628.*

67. Ut enim mansuetudo iram, sic clementia punitionem moderatur, illa ad omnes, hæc ad Principes

cipēs & Superiores pertinet, ejus enim munus est, mitiorem pœnam, quàm jura exigant, irrogare, non ex timore, lucro, amicitia, aliove motivo, sed, ex animi lenitate. Non opus est latera montium abscindere, & in arduo collis vertice arces constituisse, saluum Principem in aperto clementia præstabit. Malus Princeps invisus est: quia timetur, & time-ri vult, quia invisus est, quem verò metuunt Subditi, oderunt, & quem quis odit, perire cupit. Frustra se potentiâ munit, qui sepius suorum benevo- lentiâ non est. Turpia sunt Principi multa suppli- cia, sicut medico multa funera. *U/c. Ioan. Bona.*

68. Nullum potest assignari regimen, in quo non possint oriri aliqui defectus & deordinationes, sed pauciores oriuntur in imperio dulcedinis, quàm in omnibus aliis; illique defectus faciliè emendantur, & nisi emendantur, sunt causabiles illi qui sunt cul- pabiles, & citò vel tardè ex se ipsis fateri debebunt- quòd ipsi soli & non alii, sunt causa eorum mali, & sæpè emendantur, & ad frugem redeunt, illi qui fugantur per nimium rigorem, vix redeunt, & vi- vunt velut animæ desperatæ, timentque, ne denuo incidant in fauces leonis, vel lupi, & velut minus malum eligunt perditionem & destructionem. *Ren. Frac. 14. C. 2.*

*Prælati mansuetudini severitatem
jungere debet.*

69. Is, qui dulcedinem efficaciam jungit, est Rex hominum, & verus Seraphim, statim dicam, quomodo hoc fieri potest, & si benè attendamus, S. Ignatius idem declarat, dum inquit. Quòd si aliquis defectum aliquem notabiliorem committat, patrata primò debeat tantum paternè monere; Quòd si relabatur, oleo exiguae monitionis addendum est, & paxillum aceti, & defectus commissus ei proponendus, & facies dulci rubore perfundenda; Quòd si tertia vice facinus patret, publicam penitentiam plecti debet. Et an quis majorem suavitatem & efficaciam adhibere possit? quod enim cor post hæc media adhibita audeat murmurare, aut in defectum relabi? si enim habeat guttam puri sanguinis, granum veræ Religionis, lapsum timebit velut pestem, se ipsum incusabit, & damnabit, si ex mera infirmitate & debilitate relabatur. *Idem Ibid. C. 1.*

70. Quia vulnera illius, qui incidit in latrones, & jumentum corporis pii Samaritani Ecclesiæ est deportatus in stabulum, non in solo oleo, sed in vino simul

simul & oleo sanitatem recipiunt, necessarium habet
 Spiritualis medicus, etiam vinum fervidi zeli cum
 oleo mansuetudinis, cui sanè convenit, non modò
 consolari pusillanimes, sed & corripere inquietos.
 Si enim viderit illum, qui vulneratus est, id est, qui
 peccavit, blandis aut lenibus hortamentis, quæ in e-
 um prorogata sunt, minimè emendatum, magis e-
 tiam fortè abutentem sua mansuetudine & patientia
 negligentior fieri, & in peccato suo etiam secu-
 riùs obdormire, frustratò tam suavium oleò moni-
 torum, oportebit sanè mordacioribus, & vinum cõ-
 punctionis infundere, duris videlicet cum eo incre-
 pationibus, atque invectionibus agere, & si causa
 requirit & duritia tanta est, etiam censuræ Ecclesia-
 sticæ baculò percellere contemptorem. *S. Bernard:*
Ser: 44. in Cantica.

Sed in utroque discretio.

71. Verum tamen oportet, ut priora sibi vendi-
 cet compassionis affectus: alioquin in Spiritu vehe-
 menti conterimus naves Tharsis, conterimus quas-
 satum calamum, extinguimus lignum fumigans, sed
 cùm uterque aderit videlicet & compassionis affe-
 ctus, & zelus iustitiæ, necesse est, ut adsit Spiritus
 discre.

discretionis, ne fortè cùm oportebat hunc exhiberi, ille procedat, & indiscretio ipsa confundat universa. Habeat igitur mens nostra tertium Spiritum discretionis, ut miscens aptè temporibus tempora oportunè æmulari, & nihilominus ignoscere sciat. Samaritanus sit custodiens & observans, quando oleum misericordiæ, & quando vinum fervoris exhibeat. *Idem Serm: 2do Temp: Paschal.*

Prælati sit memor suæ fragilitatis.

72. Sanctus Paulus in tertio Cælo didicit modum regendi animas: audiamus itaque quid dicat: Quòd si aliquis titubet (: inquit :) & vacillet, vos qui verè spirituales estis defectum ejus ei proponite, sed in spiritu magnæ suavitatis & lenitatis, & advertite, quòd qui tam severè alios reprehenditis, forsitan crastina die in deterius graviores lapsuri estis. Et an velitis, quòd post vestrum lapsum is, quem tam acriter increpavistis, etiam tam acriter vos objurget, vobisque dotem augeat, sicut vos auxistis defectum, quem ille commisit. *Ren: Franc: Id. C. 1.*

73. Accusare vitia, officium est bonorum Virorum & benevolorum Quod cùm mali faciunt, alienas

alienas partes agunt. Et ideo sicut S. Augustinus dixit: Cogitemus cum aliquem reprehendere nos necessitas cogit, utrum tale sit vitium, quod nunquam habuimus, & tunc cogitemus nos homines esse, & habere potuisse vel tale, quod aliquando habuimus, & jam non habemus, & tunc tangat memoriam communis fragilitas, ut aliam correctionem non odium, sed misericordia precedat: si autem invenimus nos in eodem vitio esse, non oburgemus, sed congemiscamus, & ad æqualiter cavenda invitemus. S. Th. 22. Q. 33. a. 5. ex S. Aug.

74. Nonnulla sunt leniter arguenda, nam cum non malitia, sed sola ignorantia, vel infirmitate delinquitur, profecto necesse est, ut magno modamine ipsa delicti correptio temperetur. Cuncti quippe quousque in hac mortali carne subsistimus, corruptionis nostræ infirmitatibus subjacemus; Ex se ergo debet quisque colligere, qualiter alienæ tunc oporteat imbecillitati misereri, ne contra infirmitatem proximi, si ad increpationis vocem ferventiùs rapitur, oblitus sui esse videatur. Unde bene Paulus admonet dicens. *Si preoccupatus fuerit homo in aliquo delicto, vos qui spirituales estis, instruite hujusmodi in Spiritu mansuetudinis, considerans te ipsum, ne & tu ceneris.* Ac si aperte dicat: cum displicet ex aliena

aliena infirmitate quod conspicias, pensa quod es, ut increpationis zelô se spiritus temperet, dum sibi quoque, quod increpat timet. Nonnulla autem sunt vehementer increpanda, ut cùm culpa ab auctore non cognoscitur, quanti sit ponderis, ab increpantis ore sentiat. Et cùm sibi quis malum, quod perpetravit levigat, hoc contra se graviter ex corripientis asperitate, pertimescat. Debitum quippe Rectoris est, supernæ Patriæ gloriam per vocem prædicationis ostendere, quanta in hujus vitæ itinere tentamenta antiqui hostis lateant, aperire, & Subditorum mala, quæ tolerari leniter non debent, cum magna Cæli asperitate corrigere, ne, si minùs contra culpas accenditur, culparum omnium reus ipse teneatur. *S. Gregor: Past: C. 10. P. 2.*

Correptio elati, laude temperanda.

75. Considerandum verò est, quòd plerumque elatos utiliùs corripimus, si eorù correptionibus quædam laudum fomenta misceamus. Inferenda namque illis sunt, aut alia bona, quæ in ipsis sunt, aut dicendum certè, quæ poterant esse, si non sunt. Et tunc demum ressecanda sunt mala, quæ nobis displicent, cùm priùs ad audiendum eorum placabilem men-

mentem fecerint præmissa bona quæ placent. Nam & equos indomitos blanda prius manu tangimus, ut eos nobis plenius postmodum etiam per flagella subigamus. Et amaro pigmentorum poculo mellis dulcedo adjungitur, ne ea, quæ saluti profutura sunt in ipso gustu aspera amaritudo sentiatur. Dum verò gustus per dulcedinem fallitur, humor mortiferus per amaritudinem vacuatur. Ipsa ergo in elatis invectionis exordia, permixta sunt laude temperanda, ut dum admittunt favores, quos diligunt, etiam correptiones recipiant, quas oderunt. Plerumque autem persuadere elatis utilia melius possumus, si profectum eorum nobis potius, quam illis profuturum dicamus, si eorum meliorationem nobis magis, quam sibi impendi postulemus. Facile enim ad bonum elatio flectitur, si & aliis ejus inflexio prodesse credatur. *Idem P. iii. C. 17.*

Regulæ S. Francisci in servando regimine.

76. Quis unquam crederet S. Franciscum Patrem & Generalem sui Ordinis, qui tam rigorosus fuit suo corpori, quod vocare solebat suum asinum

K

quod-

quodque nihil aliud spirabat, quàm maximam austeritatem, fuisse tam dulcem in suo Regimine, ut maluerit abdicare Generalatum, quàm clementiam in regimine Religionis remittere. In cuius Opusculis legimus eum Gvardianis interrogantibus, quem modum in regimine servare deberent, sequentes regulas præscripsisse. *Primò.* Sitis medici, & non carnifices, hoc est, defectus Subditorum vestrorum corrigite fraterna benignitate, & non rigore & suppliciis indignis personis vestris & officio Patris. *Secundo.* Verum regimen consistit in quinque verbis, nempe: in vigilantia, amore, supportatione, ignoscencia, pastu boni cibi & dulcis doctrinæ Agni Christi IESU. *Tertio.* Verus Prælatus debet esse hostis vitiorum, benignus medicus perversorum, quos sensim curabit. *Quarto.* Non faciliter credatis garrulis & delatoribus, qui toti sunt in observandis defectibus aliorum; nam hi communiter aliis perversiores sunt, & ne defectus eorum observentur, nonnisi de defectibus aliorum loquuntur. *Quinto.* Ne unquam inauditum condemnetis, esto accusator foret Sanctior, nam aliàs errores irreparabiles committitis. *Sexto.* Ego abdicō Generalatum, quia volo corrigere tantum meo exemplō & efficaci dulcedine meorum monitorum, si hoc non sufficiat, nolo in castigando esse carnifex velut sæcularis. Hæc sunt ipsa-

ipsamet verba Sancti. *Septimo.* Angue pejus detestemini vitia, amate autem ex corde eos, qui deliquerunt; nam vestra bonitas eos convertet. *Octavo.* Quod si aliquis fuerit lapsus, Guardianus si delinquenti bene velit, si DEUM amet, si velit esse Filius DEI, dicat cum Christo; mi Fili peccasti; ne amplius pecces: Hæc à bono Guardiano desidero. *Nono.* Forſan coram DEO es peior eo, cui præes, & tamen sanum & vivum illum vis devorare; an hoc conſideres, nec cogites, quod forſan cras ſit futurus tuus Superior? an velles hõc modõ ab eo regi? *Decimo.* Res intoleranda eſt, quod dum Subditus vult Superiorem, qui ſit totus ſuavis, Superior ſit truculentus & tyrannus, præcipuus in virga, & cum tam exiguo reſpectu. *Idem Ibid.*

Diluuntur objecta contra Mansuetudinem & lenitatem Prælatorum.

77. Verum contra hæc reſpondebunt rigoris & ſeveritatis Patroni, quod ex Spiritûs Sancti testimonio: Parcens virgæ pervertat filios ſuos. Nam Heli fuit punitus & caſtigatus morte, fuit orbatus filiis, Arcâ DEI, vitâ, honore, dignitate Sacerdotali, quia

li, quia non punivit filios, & nimis lenem erga illos se exhibuit, adeò, ut ipsemet DEUS hanc causam totalem ejus ruinæ asserat. Quomodo disciplina, vigor Ordinis manuteneri possit; nisi adhibeatur rigida disciplina? corruet vita regularis; si Prælatus facilis est, & discretus, nil boni efficiet, insolentes, perversi, semper vincent: boni, morigeri, opprimuntur, succumbent, & graves murmutationes, periculosa schismata, turbulentæ factiones suscitabuntur. Et ut habetur apud S. Bernardum. Quid agimus, quòd nonnulli dura cervice & attrita fronte sunt, ut quò magis eis compatimur,, tantò magis & nostra compassione, & patientia abutuntur. Nonne sicut compatiēbamur Fratri: ita „ipsi justitiæ compatiendum est, quam videmus tam „impudenter abjici, tam imprudenter provocari? „scio, quia si quæ in nobis est charitas, contemp- „ptum hunc DEI ferre æquanimiter non possumus. „Hic est zelus justitiæ, quò adversus delinquentes „accendimur, tanquam pietate ducti erga eam, „quam contemni videmus, Justitiam DEI. Verum tamen audiant iidem S. Doctorem sibi respondentem, in his priora sibi vindicare compassionis affectum, alioquin in spiritu vehementi, conterimus naves Tharsis &c. ut supra. Sed & Sanctissimus Pater N. Benedictus in sua Sacerrima Regula ordinat, ut Ab-

ut Abbas *Studeat magis amari, quàm metui ut, mi-
sceat temporibus tempora, terroribus blandimenta.* Por-
ro circa pœnas culparum mandat, ut delinquens
moneatur semel, & iterum, ac tertio, quòd si de tunc
„non emendaverit, graviori pœnæ subjacet. Hinc
„S. Bernardus damna immoderatæ correptionis e-
„numerans ait: Videas multos, sincera licèt inten-
„tione & benignitate accedant, leviter dicere, quod
„graviter audiatur. Volat irrevocabile verbum, &
„quod sanare debuerat, sed quia mordacius fortè
„videtur, exasperat, & exulcerat magis, quando
„negligentiæ additur impudentia, etiam & impa-
„tientia cumulatur, ut qui sordidus est, sordescat
„adhuc, & declinans in verba malitiæ ad excusan-
„das excusationes in peccatis, ac more phrenetici
„non solum repellens, sed & mordere tentans me-
„dici manum. Servanda igitur in correptione Re-
„gula ab eodem S. Patre, præscribens: quòd Prælati
„Ecclesiæ aliquando rigidè, aliquando cum dulce-
„dine, aliquando cum asperitate, aliquando verbis,
„aliquando flagellis debent subiectos suos corrige-
„re. Quia ille qui blandis verbis castigatus non
„corrigitur, necesse est, ut acrius corrigatur, & ar-
„guatur, cum dolore enim abscindenda sunt vulne-
„ra, quæ leviter sanari non possunt. Qui secretò
„admonitus de peccato, corrigi nequit, publicè est
„argu-

„arguendus & vulnus quod occultè sanari nequit,
 „manifestè debet emendari, palàm sunt arguendi,
 „qui palàm nocent, ut, dum aperta objurgatione sa-
 „nantur, hi, qui eos imitando, deliquerunt, corri-
 „gantur, ut, dum unus corripitur, cæteri emenden-
 tur. *Eustach: lanka.*

Fructus mansueti regiminis.

78. Quando aliquis suaviter & leniter regit,
 Is *primò* regit faciliter *2dò* regit absque sollicitudine
 & labore. *3tio* non est præceptis in negotiis, & omnia
 facit sinè strepitu. *4to* Non præoccupatur, nec ali-
 quid facit inconsideratè. *5to* Sibi devincit corda sub-
 ditorum & à bonis quidquid vult obtinet. *6to* O-
 stendit à minùs bonis injustitiam stare, eosque esse
 culpabiles, & eos, à toto mundo, ut tales, damnari.
7mo Ipsimet respiciunt, & citiùs aut seriùs cogun-
 tur agnoscere suum peccatum & defectum. *8vo* Me-
 liùs & exactiùs imitantur regimen Christi. *9no* Per-
 fectiùs mundat suum cor, & illis qui abutuntur sua
 bonitate utitur velut instrumentis suæ humilitatis
 & charitatis. *10mo* Citò vel serò per patientiam &
 longanimitatem omnia negotia ad felicem exitum
 perducit. *11mo* Nunquam labitur, velut illi, qui
 quam-

quamvis per rigorem obtineant aliquid boni, tamen plura mala faciunt, & tandem subeunt magnos labores, conficiuntur magnis pœnis, & vix aliquis erit, qui eis gratias agat. 12mo Ex paucis malis, quæ suffert in subditis, sibi & suis subditis multa bona elicit. 13tio Illi ipsi, qui sunt difficiles & refractarii sensim mansuescunt, remittunt, & bonitatem Superioris agnoscunt, deprædicant, & dicunt, quod non obstante, quod virgâ disciplinæ eos ad observantiam adigere potuerit: eos potiùs voluerit lucrari, & cor aureis catenâs charitatis ligare. Idem Ibid. C. 5.

*Prælati minus nocet mansuetudine
quàm possit severitate.*

79. Verum quidem est: quod aliquis possit abuti bonitate Superioris, sed hi non sunt, nisi aranei, qui fel & venenum ex floribus sugunt. Soli mali clementia & mansuetudine Superiorum abutuntur. Verùm rigor etiam bonos sauciat, & meliores lædit, & ipsi prudentiores austeritate & rigore magis offenduntur. Accedit, quod illi, qui abutuntur suavitate, & libertatem arripiunt, tandem sincerè fateri debeant, quod id purè ab eorum malitia processit.

cellerit. Et quamvis ipsi hoc non faterentur, attamen totus mundus eorum malignum genium & perversitatem sugillabit. Verùm illi, qui à rigore offenduntur, continuò severitatem Prælatorum traducunt, & inveniunt, qui eorum opinionem confirmant, & citò aut seriùs volunt, suam innocentiam prodi, & austeritatem suorum Prælatorum agnosci. *Idem ibid. C. 1.*

Exemplum Abbatis Popponis,

80. Dum quadam die Sancto Abbati Popponi Viro eximie mansuetudinis objiceretur; quòd sua nimia humanitate Monasterium & Monachos perdidisset, objurgatores sic affatus est: Amantissimi Confratres, me felicem censerem, si ob nimiam charitatem, mansuetudinem, dulcedinem, damparer. Nam Christo JESU dicerem: Eccur nobis commendâsti humilitatem cordis, mansuetudinem, clementiam, si nolueris eam à nobis exerceri, & ob illam exercitam nos damnes. *Idem ibid. eod. C. 1. N. 17.*

Exem-

*Exemplum alterum mansuetæ cor-
reptionis.*

81. Aderat Sacro, quod, nescio quis Sacerdos, pa-
rùm sanè religiosè faciebat, magnus ille servus
DEI, Joannes Avila. Quem Sacerdotum normam,
si me opinio non fallit, sæculò proximè præteritò
DEUS esse voluit; aderat inquam & intus urebatur.
Cum porro ferre non volens illam seu inhumanita-
tem, seu indignam agendi rationem, qua videbat
tractari Corpus sui Servatoris, perinde ac si non al-
liud, quàm cibus aut frustillum panis esset; surre-
xit, & Altari modestè propior factus, simulans se
cereum ad latus pendentem erigere, ad Sacrifican-
tem se convertit, qui tum ipsam Sacram Hostiam
in linteam reponebat, voce submissa quidem, sed
vultu ignem spirante, sic eum affatus; *Tracta illum
reverenter: est enim Filius Parentis nobilis, & nobilis
Matris.* Voluit monitio hæc tam suavis ad suffun-
dendum salubri pudore Sacerdotem, qui proin mox
à peractò Sacro, ad genua prudentis sui Monitoris
provolutus, eum deinceps animi sui arbitrum con-
stantem, & melioris vitæ Ducem elegit. *Paul: Segn.
Instit. Paroch, C. 14.*

Tertium à similitudine tenelli agni.

82. Si quando aliquem rigorem adhibere debeas, exhibe te Sanctum Franciscum Xaverium, ita, ut multò lubentiùs ipsemet faceres pænitentiam, quàm alteri eam imponas, Dum poples tenelli agni diffractus est, bonus Opilio non conquatit alterum, nec agnum idcirco verberat, sed medicinam adhibet, tibiam fractam diligenter circumligat, agniculum sinu gestat, mulcet, & suaviter tractat, ita, ut misera bestiola os non aperiret, estò Pastor eam decollaret. Innocens illud animal in tam bonis manibus nil adversi invenire potest. Quod si aliquis te contemnat, potiùs ei condole, quàm odio eum habeas, dicas, te, hoc, aut multò pejora mereri, totus mundus adorat Superiorem, qui se humiliat, è contra, conatur alium deprimere, qui super alios se extollit. - - - Ne cor crucies, ne sis inquietus, sed mox, ut subditus agnoscit se peccâsse, redi ad tuam tranquillitatem, & ei cor aperi, nec unquam sis obstinatus, nec pertinaciter & asperè defendas tuam innocentiam, sed imitare David & S. Bernardum, & dic: audiant mansueti & lætentur. Ego me committo animarum iudicio mansuetarum & benignarum, si hæ me condemnent, etiam me conde-

condemno, & candidè meum defectum cognosco, omnes illos, qui bonum habent cor, meos iudices constituo, quod si hi me defendant, DEUS laudetur. *Idem Ibid. C. 5.*

Dura suavis temperanda.

83. Circa profectum animarum, reformationem morum, vitæque emendationem eorum, quibus spiritualiter præsunt Pastores, invigilent, nunc minis terrendo, nunc demulcendo sermonibus blandis, interdum ratione persuadendo, interdum autoritate mandando, aliquando puniendo, nonnunquam parcendo ministerium suum perficiant, ita tamen, ut non quod sibi placeat, sed quod commissis sibi sit utile, pio semper quærant fraternæ charitatis amore. Hoc profecto tunc, Christi secum operante virtute agere valebunt, cum plebem Fidelium in visceribus suscipient charitatis, & unumquemque complectendo compassionis brachiis tanquam Fratrem & Filium diligent, & veluti cohæredem & comparticipem suum Cælestis Regni fovere atque adjuvare curabunt.

Diffimulatio interdum utilis.

84. Expedit pleraque levia non patienter ferre tantum, sed ea velut incognita præterire, ne, gubernator occasionum ultricis justitiæ captator, videatur, fiatque proinde invisus, unde pejora contingant. Hinc efficitur, ut Prælati à prudentia celebres verbis artificiosè compositis leviorum culparum, quarum conscii sunt, ignorantiam crebrò confingant. Tum ne impunitas concessa, sed fortuita credatur, tum etiam ne Subditorum cervicibus incumbere, & ab eis summum jus exigere velle existimetur, quod animi Subditorum horrent. Profectò Christus Apostolos rudes imperfectioresque tulit, nec leves culpas, quas nonnunquam admittebant, exprobrare seu pensitare consuevit, licèt eos interdum suavissimè potiùs instrueret, quàm corripere, quod ex ipso Evangelico Textu perspicui potest. *Ioan. à IESU Art. guber. C. 16.*

Suavitas regiminis in quo consistat?

85. Sciant suavitatem in eo sitam esse, si in oburgationibus v.g. nihil asperum, aut iracundum, aut per-

ut perturbatum appareat, sed paterina gravitas, pia quædam compassio, & dulcedo quædam, sed vivida tamen, & efficax eluceat, si à puniente nontam voluntas humiliandi & castigandi, quàm necessitas quædam ex zelo boni communis & utilitate etiam ipsius, qui punitur, aliquid extorsisse videatur. Si negemus, quod negandum est, quasi cum quodam doloris sensu, parati concedere quando, & quod expedire videbitur; si imperfectiones ita emendare velimus, non quasi nimium emungentes, ne sanguinem eliciamus, verùm quasi exactores quidam benigni tamen, qui non veluti vincendi studiò, sed in bonum societatis, atque adeò ipsius Subditi id velimus, ac si cum ipso in unum conspiremus ad victoriam de tentatione reportandam. Si jubentes circumspectè, & amanter DEI gloriam & Subditorum lucra, non aliud quidpiam nos quærere ostendamus, si, quod hodiè non præstatur, patienter in crastinum expectemus, ita tamen, ut semper expectatio finem spectet, & media applicet accuratè: siquidem quod ex inopia Spiritûs à Subdito obtinere non valemus, nulla ratione efficacius, aut suavius consequi poterimus, quàm si ille diligens sui scrutator, & spiritualis evaserit: si denique ita in visceribus charitatis cum subditis agamus, ut & suas tentationes in nostrum, veluti Matris sinum facilè deponant, ut vicissim

cissim correctiones nostras, siue quæcunque à nobis proficiscuntur, tanquam ab amore profectas, repugnante licet sensu, animò tamen non exacerbato, suscipiant. Hoc S. Ignatius docuit, cum *ona pars*: *Constit*: severitatem cum benignitate & mansuetudine ita miscendam docet, ut nec flecti Superior sinat ab eo, quod DEO ac Domino nostro gratus fore judicaverit, & tamen filiis, ut convenit, compati noverit, eo modo se gerendo, ut etiam, qui reprehenduntur, quamvis secundum inferiorem hominem, quod agitur, displiceat, agnoscat nihilominus, quòd rectè in Domino & cum charitate ille officium suum faciat. *Pr. Claud: S. I. Libr: Indust. C. 2.*

Severitati quæ sunt contraria?

86. Quæ enim gubernationem insuavem reddunt, hæc ferè sunt; *1um* in rebus injungendis, si res ipsa, quæ imponitur, gravis sit, & importabilis, quod nonnunquam ex Superioris, vel discretionis inopia, vel tenuitate judicii poterit evenire. *2dum* Quod frequentius contringat, si res illa, non sit quidem in se ardua: sed is, cui injungitur, corporis aut animæ viribûs ad id oneris ferendum, destituatur. *3tium*, Si, quid quid illud sit quod injungitur, id fiat ver-

at verbis asperioribus, modòque despotico, præsertim verò, si suspicari quis possit, id ab aliquo immoderato Superioris affectu proficisci. *4um* Si urgeatur executio eo tempore, quo subditus non est probè dispositus, nec detur illi tempus & auxilia, ut se se disponat. *5um* Si tam graviora, quàm leviora eodem omnia exigantur ardore, imò aliquando leviora etiam majore, quòd consona sunt peculiaribus quibusdam sensibus illius, qui gubernat. *6um* Si omnes Subditi rationes & excusationes primo statim aspectu, tanquam tentationes, eo benignè non audito rejiciantur. *7um* Si se suspiciosum Superior ostendat, & ita affectum erga aliquem, ut putet Subditus nulla in re posse illi satisfacere. *8um* Si malam de subdito opinionem præ se ferat, ut omnia in deteriore partem interpretetur, quod re vera summo perè affligit. *9um* Si perfectionem instituti & regularum spectans Superior, nec se ipsum considerans, nesciat compati infirmitatibus, sed defectus exaggeret, cum errata deprehendit: in rebus verò injungendis non tanquam rationabilem & volentem filium, sed tanquam inanime instrumentum movere videatur. *10um* Si ita loquatur, aut jubeat aliquid, ut æquivocè aut obscurè dicat, & quasi studiò nolit intelligi, quò semper ei liberum sit, Subditum arguere. *11um* Si neget ferè, quæ petuntur; est enim habent-

habenda ratio rei, quæ petitur ejus, qui petit ædificationis externorum & nostrorum, denique qui petit utilitatis. *12mum* Si quæ dubia sunt, semper scrupulosius & rigidiùs interpretetur. *P. Claud: S. l. Indusi: C. 2.*

*Prælati quomodo se gerere debeant
in annuendo vel renuendo.*

87. Principia Sanctorum, ut habeant Regimen efficacix plenum, sunt: Ne feras mandata præcipitanter, & quasi ex despectu. Cave ne aliquid præcipias dum es iratus, & bile inflammatus; quia dicitur, quòd hoc facias ex passione & non ex motivo obedientix. Ne unquam contendas cum tuis Subditis, nec unquam cum eis disputes de causa mandati, quia hoc confert ad disputationem, non ad regimen. Cave ne nimium premas & coarctes, sed corde constricto da tempus, ut se se aperiat, & ad suum statum redeat. Dum aliquid negas, quod sæpe fieri debet, ita hoc facias, ut quilibet videat, à te hoc illubenter fieri, utpote adactò à necessitate & Regula. Dicas, quòd alia vice, alia occasione, ei velis gratificari. Quòd velis scribere ad Superiorem, ut gra-

ut gratiam postulatam obtineat. Quod majori gaudio perfunderis si ejus votis annuere posses. Tandem, uti dicebat S. Ignatius, Si cor & sanguis Subditi turbetur ob repulsam, rationibus eum convince, & ostende, quod ita debeas facere, & non aliter possis. Dum postulata concedis, id fac lætanter; non cuncteris, humeros non contrahas, non murmures, nam post tot responsiones negativas, post tot ceremonias, gratia non reputabitur gratia. Et Subditus mallet repulsam candidam & sinceram, quàm concessionem quasi extortam. Amabilem te facito per amorem cordialem & paternum, & nullam experieris difficultatem. Quilibet putat se esse valde suavem, & in hoc puncto vix in minimo esse culpabilem. Quæso te non adeò sis passionatus & cæcus, ne tibi hoc imagineris, ne à tuis bonis intentionibus tibi obfucias obduci sinas, meliùs faceres, si contrarium judicares. *Remat: Franc: id. C. 1.*

88. Nec difficile erit videre quomodo efficacia cum suavitate conjungi debeat, ut, & fortes in fine consequendo, & suaves in modo & ratione assequendi, simus. In rebus enim vel concedendis, vel negandis, in correctionibus & reprehensionibus adhibendis, in puniendis erratis, in rebus injungendis in Subditis ad virtutem & perfectionem promovendis,

M

atque

atque ad altiora provehendis spectandæ sunt personæ, & vires corporis & animi, considerandæ opportunitates, exhortationes adhibendæ, charitas imprimis cum zelo præ se ferenda, longanimitas & patientia prolonganda, nec tamen propterea promittendum, ut Subditi ad impunitatem aspirent, ut ea faciant, quæ volunt, quæ nolunt omittant, ut propriis inclinationibus satisfaciant, ut contra Superiorum iussa & iudicia agere, & sapere assuescant, ut Regulas consilia putent, quæ si faciant, benè faciant, sin autem, nihili mali, hæc enim tolerare, non est suavitatis, sed languoris, neque hoc modo bono omnis Ordinis, imò ne ipsorum quidem, quibuscum ita agitur, ulla ratione consulitur. Non igitur Superiores arbitrentur se suaves in gubernatione esse, cum ita agunt, sed remissos ac debiles, nec sibi contra, cum asperi sunt, quasi de disciplinæ zelo blandiantur. Subditi verò studium & zelum perfectionis, religiosæque disciplinæ perpetuò promovendæ rigoris & asperitatis nomine, non appellent. Nec talem exigant suavitatem, quæ noxia potius indulgentia sit, sed intelligant multa sibi neganda, si ad DEI gloriam, ad commune bonum pertineant, correctiones & penitentias ei, qui dirigi & emendari cupit, non esse averlandas, nec medicum censendum suavem, qui ex neglectu correctionis permittit, ne infirmum
offen-

offendat, morbos cum periculo crescere. *Claud: A-*
quav: Indult: C. 2.

Prælato cum ipsa natura colluctandū.

89. Profectò major virtus, animus multò solidi-
or exigitur ad Regimen suave, quàm ad Regimen
asperum: nam re ipsa nihil aliud, quàm impotentia
naturæ, vel quidam naturalis fastus, aut occulta su-
perbia hominem tam elatum efficiunt, ut nec mini-
mum sufferre possit, & sub prætextu zeli omnes
suas passiones effundat, & suum amorem proprium
qui nihil tolerare potest, prodat. Aristoteles opti-
mè notat, debiliores ob imbecillitatem complexio-
nis, impotentiam animi, esse crudeliores, asperiores,
magis dominativos aliis, nihil sufferre posse, sibi que
semper imaginari quòd despiciantur. Idem docet
experientia in decrepitis, nam senes infirmi, valetu-
dinarii, morosi, tumidi pravis humoribus, prædi-
ti mala complexionem, illi, qui nulla eximia dote
donati sunt, tetrici, juvenes sangvinolenti, igniti,
cholericus ob meram impotentiam sunt valdè domi-
nativi. Cor magnanimum omnia hæc absque ullo
strepitu devorat, & cuncta perfectè emendat. Ve-
rùm hæc corda exilia statim arripiunt ignem, &

sub prætextu zeli, tonant, & flammâs ac ignem evomunt. Accedit argumentum validius, quo illi, qui aliàs valde mites sunt, si aliquo morbo corripiantur, aliqua molestia infestentur, aut grano pruriginis mordeantur, fiant imperiosi, asperi, severi, ita, ut omnes mirentur eos cum Angelo Apocalyp-
tico, in Leonem mutatos. Et sanè hoc nihil aliud est, quàm argumentum & signum evidens, illam severitatem nihil aliud esse, quàm debilitatem & exiguum imperium, quod quis habet in suas passion-
es. Sapiens (: inquit Seneca :) nunquam irascitur, nec à suis importunis humoribus sinet se vinci. Bestiolæ ad minimum tactum statim mordent. Leo & Elephas nec caput movent ad aspectum Catello-
rum, qui eos allatrant. *Renn. Franc. C. 1.*

*Inter lenitatem, & severitatem me-
dium tenendum.*

90. Non nunquam mansuèti, cùm præsumunt, vicium, & quasi juxta positum torporem desidii patiuntur. Et plerumque nimia resolutione lenitatis, ultra, quàm necesse est, vigorem distractionis emolliunt. At contra iracundi, cùm regiminum loca
perci-

percipiunt, quò impellente ira in mentis vesaniam devolvuntur, eò etiam Subditorum vitam dissipata quietis tranquillitate confundunt. Quos cum furor agit in præceps, ignorant, quid quid irati faciunt, ignorant quid quid à semetipsis patiuntur irati. Non nunquam verò, quod gravius est, iræ suæ stimulum, justitiæ zelum putant. Et cùm vitium, virtus, creditur, sinè metu culpa cumulatur, sæpè ergo mansueti dissolutionis torpescunt tædiò, sæpè iracundi rectitudinis falluntur zelò. Illorum itaque virtuti, vitium latenter adjungitur, his autem suum vitium, quasi virtus fervens videtur. Admonendi sunt igitur illi, ut fugiant, quod juxta ipsos est; isti, quod in ipsis est, attendant: Illi quod non habent, discernant, isti quod habent, amplectantur, mansueti sollicitudinem, damnent verò iracundi perturbationem. Admonendi sunt mansueti, ut habere etiam æmulationem justitiæ studeant; admonendi sunt iracundi, ut æmulationi, quam se habere existimant, mansuetudinem subjungant. Idcirco namque Spiritus Sanctus in Columba nobis est, & in igne monstratus: quia videlicet omnes, quos implet, & Columbæ simplicitate mansuetos, & igne zeli arduos exhibet. *Idem ibid: C. 16.*

Præla-

Prælati ita mandet ac si rogare videretur.

91. S. Franciscus nullum Superiorem sibi parem habuit; hic quamvis fuisset Generalis sui Ordinis, attamen vix aliquid ulli unquam legitur mandasse. Hic S. Vir dicere solebat: Charissimi Fratres, si Christo & mihi benè velitis, rogo vos, hoc faciatis. . . . Guardianis interrogantibus, qualiter bene regere possent? respondebat; Charissimi, imitemini JESUM Christum; si aliquis peccaverit: dicite ei, ne amplius peccet, quodque libenter ei ignoscatis, & curam habituri sitis, ut proficiat, & deinceps cautior sit: Quod si aliquis deliquerit, dicite, quòd etiam sæpius delinquatis, & nisi DEUS vos præservaret, majores & enormiores defectus committeretis. Porro dum ei objiceretur, quòd esset nimis dulcis: Sanctus Vir, ut aliàs dixi, verbum quoddam protulit, quod videtur paradoxum: volo (: inquebat :) esse Pater, non carnifex, nec possum odio habere delinquentem, sed ipsum delictum. *Rennar. Franc. l. d. C. 4. N. 11.*

Speci-

Specimen boni Superioris David.

92. Specimen boni Superioris dedit David (: de quo S. Ambrosius *Lib. 2. Off. Cap: 7.* sic scribit.:) Quid S. David electus ex omnibus ad plebem regendam? quàm mitis & quàm blaudus, humilis spiritu, sedulus corde, facilis affatu, ante regnum, se pro omnibus offerebat, Rex, cum omnibus æquabat militiam suam, & partiebatur laborem, fortis in prælio, mansuetus in imperio, patiens in convivio, ferre magis promptus, quàm inferre injurias. Ita sibi gratis officiis plebem obligaverat, primùm ut in discordiis populi exulare in Hebron mallet, quàm in Jerusalem regnare. Deinde, ut etiam in hoste positam virtutem diligeret, justitiam etiam his, qui arma contra se tulerant, æquè ac suis præstandam putaret. Denique fortissimum adversæ partis propugnatorem Abner Ducem & inferentem prælia miratus est, & orantem pacis gratiam non aspernatus, honoravit conviviõ, non respondebat convitiis; cum sibi derogaretur, oravit. Meritò sic expetitus est ab universo populo, ut venirent ad eum omnes Tribus Israel, dicentes; ecce nos ossa tua, & caro tua sumus. *Nicol: Lancic: Opusc: 12. C. 6.*

Præla-

Prælati debet agere ex recta intentione.

93. Imitari in Regimine DEUM, facere ea, quæ sensati facienda judicant, ad hoc, ut boni Religiosi contententur, est res optima & æquum est, ut omni conatu quis hoc obtinere conetur, cor sedulò & exactè purgetur, intentio rectificetur, ne in hac aliud quæratur, quàm DEUS. Est facere id, quod exigit obligatio muneris. Verùm angi, cruciari, affligi, si aliquis causaliter offendatur, animum despondere, deserere suavitatem, benignitatem, meo sensu sapit aliquam imputam intentionem, inordinatum affectum, aliqualem amorem proprium. Facere omnia, quæ humanitus sunt possibile, ut quis omnibus serviat, satisfaciat. Idcirco supportare omnes sinistros incursus, millenas calamitates, contradictiones, mortificationes, nec tamen desistere à bono capto, est sanè virtus eminens & cor verè Apostolicum.
Renn: Franc.

Prælati veluti invitati puniat.

94. Ut iræ impetum mitiget, necessaria est mansuetudo, nec citra vel ultra recti limites hac in parte de-

te desleetas. Telum naturæ est ira, quò uti licet, cum peccantes arguere ex officio teneris; cum dicat prudentia, tuam vel alienam injuriam debitò modò repellendam esse, ne crescat ex impunitate reproborum licentia. Crudelis est, tam qui nulli, quàm qui omnibus ignoscit. Cum verò justitia exigente puniendi sunt rei, mansuetudinis & clementiæ memor esto. Descende ad pœnas tanquam invitatus, & talis esto erga peccantes, qualis existit erga te DEUS. Sicut ille te sustinuit, ut meliorem faceret, ita illos sustine, ut corrigantur. Despicis medicum, si desperas ægrotum. Vir mitis iracundiæ pelago velut scopulus supereminet, fluctusque impingentes dissolvit; nec pœnâ semper, sed sapius pœnitentiâ contentus est. Clamat coacto cætu humani generis Salvator Mundi: Venite omnes & discite à me, non curare infirmos, non leprolos munda-
re, nec cæcis lumen, aut mortuis vitam reddere, sed quid? Discite inquit à me, quia mitis sum. Ad hoc redigisse videtur omnes thesauros sapientiæ & scientiæ suæ, ut ab eo discamus mites esse. Tanta mansuetudinis præstantia est. *Ioann: Bona. Manuduc. Cap. 32.*

95. Respondeo, cum S. Basilio, non esse contra perfectionem Dñi passionum vehementer irasci, &
N
repre-

reprehendere, & punire, si adsint quatuor conditiones. *Primò* Si iusta sit causa iracundiæ. *Secundò* Si ira non præcurrat rationem, sed ab ea voluntariè imperetur, & quasi exurgere jubeatur. *Tertiò* Si sit conjuncta cum mansuetudine interna, perturbatione animi omnino excludente. *Quartò* Si non sit ullus excessus in reprehensione quò ad acerbicatem verborum, & feritatem gestuum, ac vultus immoderatam, & quò ad gravitatem pænæ peccatum commissum in altero, castigante. *Nicol. Lancic: Opus. 4. Cap. 30.*

96. Ita vos circa subjectos debetis exhibere placabiles, ut rectitudinem vestram diligere provocentur potius, quàm timere: quorum si culpa fortè poposcerit, ita excessus emendare curabitis, ut paternum affectum de animo, nullo modo relinquatis. Estote, in custodia commissi gregis vigilantes, atq; solliciti, & disciplinæ zelò districti, ut lupus insidians nec ovile turbare Dominicum, nec nocere ovibus aliqua fraudis occasione prævaleat. Animarum lucrum DEO nostro tuta mentis intentione facere festinate, nomen vos Pastoris non ad quietem, sed ad laborem, suscepisse cognoscite. Exhibeamus ergo in opere, quod significamur in Nomine. *S. Greg: M. Epist: Lib. 2. Ind. 10. Epist: 23.*

Præla-

Prælatus debet esse vigil.

97. Pastorum est vigilare super gregem propter tria necessaria: videlicet, ad disciplinam, ad custodiam, ad preces. Ad disciplinam, propter morum correctionem, ne grex commissus propriâ molestiâ deficiat. Ad custodiam, propter diabolicam suggestionem, ne hostili seducantur calliditate. Ad preces, propter tentationum instantiam, ne vincantur à pusillanimitate. In disciplina, rigor justitiæ. In custodia, Spiritus consilii. In prece, affectus compassionis. *Idem ibid.*

Discrimen inter Prælatū & Subditū.

98. Quantum distat inter Pastorem & gregem, tantum debet distare inter Episcopum Prælatum aut Superiorem & Plebem. Stat ille sublimis & erectus, curvat iste caput solo depressus. Unde Poëta

Pronaque cūm spectent animalia cætera terram

Os homini sublime dedit.

Ille regit, iste regitur, ille pascit, iste pascitur, ut ex ipsa forma & habitu uterque discernatur, habet ille in manu virgam, qua feriat, vel potiùs ducat, vel

N2

redu-

reducatur ovem. Quid est autem habere in manu virgam, nisi in opere disciplinam, ut subiectos suo exemplō magis instruat, quā verbō. Erubescunt enim superbi esse discipuli, si eos in humilitate præcesserint Magistri. Unde & de Domino scriptum est: quod capit JESUS facere & docere. Habet etiam baculum, quō feriat lupum, virgā ovem, baculō lupum: hoc est, mites, obediētes, debent levius corrigere; duos verō corde & improbos, acrius arguere, cūque necesse fuerit, etiam anathematis sententiā ferire. Tenet canem in fune, zelum scilicet in discretione, ne sit de illis, de quibus scriptum est: habent zelum (: alias æmulationem DEI:) sed non secundū scientiam. Habet etiam Pastor bonus panem in pera, hoc est, Verbum DEI in memoria. *S. Bernardus Claraval. Lib. Senten.*

*In Prælatos negligentes Deus severe
animadvertet.*

99. Sciat Superior non minus sibi pro illis, quos regit, quā pro se ipso laborandum esse, ut enim pro se, ita pro illis rationem reddet, cū semel eorum salutem procurandam suscepit. *S. Nilus Abb. Lib. Ascer.*

100. Si ita est, sicut dubitandum non est, ac propterea inimici (: Diaboli :) istius vis conjuncta est cum incredibili stratagematum inventionumque varietate. Quis Superiorum non contremiscat, si considerat monstrum, & inimicum adeò terribilem contra tam nobiles creaturas, sub suo regimine & protectione constitutas, adeò efferatum, cadesque spirantem capiti suo imminere? S. Paulus Spiritu Prophetico præsentens damna, quæ lupus iste rapiens, & ab eo missi Fidelibus Miletanis in sua absentia illaturi essent, per integrum triennium nocte & die non cessavit cum lachrymis monere unumquemque, ut se munirent, firmique in fide & doctrina sua, ipsis tradita, perseverarent. Quid ergo non faciendum est Superiori, ut impediat, ne hæc cruenta bestia suis ovibus damnum inferat? credere ne is deinceps ad eas præservandas sufficere, si illas viderit, exercitia communia frequentare, vel si cum singulis quò ad particularem cujusque dispositionem nonnisi obiter, ter vel quater in anno, conferat. An existimabit se coram DEO levi excusatione de Fratrum jactura insontem fore, si hæc, illius negligentiâ contingat? neque vigilaverit, ut agnosceret machinationes occultosque Sathanæ conatus, neque adhibuerit suas orationes, lachrymas, & frequentes exhortationes, quibûs unamquamque in sua vocatio-

ne &

ne, & singulari fidelitate, DEO servitia debita confirmaret? num audebit posthac indormiscere, & à communitate, sinè urgenti necessitate, abesse, sciens lupos infernales circumvagari, nec aliud expectare, quàm opportunitatem invadendi gregem? certè non, si sapit. *Ioach le Cont. Dioptr. Die 3. Med. 1.*

101. Videamus ergo, quod dicat Dominus, Qui se dicit vivere: utrum dicat ablaturum se oves à Pastoribus malis pascantibus se ipsos, non oves; & daturum se eas Pastoribus bonis pascantibus oves, non se. Vivo ego dicit Dominus, quia pro eo, quòd factæ sunt oves meæ in comesturam omnibus bestiis campi, eò, quòd non esset Pastor. Rursus Pastorem dicit, & paulò ante & nunc non ait, ex eo, quòd non sint Pastores, quibus enim talibus malè errantibus, malè pereuntibus non est Pastor, & si præsens est Pastor, quia & cùm præsens est lux, non est cæcis lux. Et non quæsierunt Pastores oves meas & paverunt Pastores se ipsos, oves autem meas non paverunt. Propter istud, Pastores audite Verbum Domini: sed qui Pastores audite? Dicit Dominus DEUS. Ecce ego super Pastores, & requiram oves meas de manibus eorum. Audite & discite oves DEI, A malis Pastoribus inquit DEUS oves suas, & de manibus eorum inquireret mortem earum. Dicit

cſt enim alio in loco per eundem Prophetam. Fili hominis ſpeculatorem dedi Te domui Iſrael, & audies ore meo ſermones, & præmonſtrabis eis ex me. In eo, cùm dixerò peccatori, morte morieris, & non fuerit locutus, ut impius caveat à via ſua: Ille facinoroſus in ſuo facinore morietur, ſanguinem autem ejus de manu tua requiram. Tu autem ſi pænuntiaveris facinoroſo viam ejus, ut avertatur ab ea, & non fuerit averſus à via ſua, ille in facinore ſuo morietur, & tu animam tuam liberabis. Quid eſt Fratres? videtis, quàm ſit tacere periculoſum. Moritur ille, & rectè moritur in impietate ſua, & à peccato ſuo moritur, negligentia enim ejus occidit illum. Nam Paſtorem inveniet viventem, qui ait: vivo ego dicit Dominus DEUS. Sed cùm fuerit negligens non admonente illo, qui ad hoc eſt præpoſitus & ſpeculator, ut admoneat, & ille juſtè morietur, & ille juſtè damnabitur, ſi autem dixeris, inquit, impio: morte morieris; cui ego fuero gladium comminatus, & ille neglexerit vitare imminentem gladium, & venerit gladius & interficiet eum, ille in peccato ſuo morietur, tu autem animam tuam liberàſti. Propter quod, ad nos quidem pertinet non tacere, ad vos autem, & ſi taceamus de Scripturis Sanctis, verba Paſtoris audire. *S. Aug: de Paſt. & Orib:*

102. Nos miseri (: exclamat S. Grègor: *Homil: 17. in Evang:* cunctos Prælatos & Superiores alloquens :) quid dicturi sumus, qui ad Dominum vacui redimus? qui Pastorum nomen habuimus, & oves, quas nutrimentô nostrô debemus ostendere, non habemus. Pensemus, qui unquam (: an unica saltem anima :) per linguam nostram (: bonis & efficacibus instructionibus :) conversi? an correctionibus nostris promoverimus ad pænitentiam agendam? quomodo impenderit talentum, quod DEUS in manus nostras dedit? ubi enim fructus nostrarum vigiliarum & sollicitudinum pro bono profectu Fratrum nostrorum? Ecce jam venit (: Dominus :) ecce de negotio nostro lucrum requirit, quale illi animarum lucrum de nostra negotiatione monstrabimus? quid dicemus illi? O! in quanta tunc tristitia se sentient Superiores negligentes, qui eò, quòd se nimium negotiis temporalibus, aliisque similis farinæ immergerint, parum vel nihil laboris adhibuerunt pro spiritali progressu in perfectione Religiosorum suorum, contenti videre illos crucem suam trahentes, & viventes sinè scandalo, nec in graviora scelera lapsos. Quæ confusio eorum vultus operiet tunc, cum illi ipsi Religiosi, qui magna cum difficultate salvantur, eos accusabunt in tremendo DEI iudicio, quòd fuerint in causa, quò minùs in virtute profecerint,

cerint, quòd thelauros meritorum non comparaverint; quòd ad culmen perfectionis, quòd poterant, non pertigerint, quòd DEUS illis non communicaverit eas gratias, quas dedisset, si benè fuissent informati, excitati, & coërciti intra officii sui cancellos, & in amore suæ vocationis conservati. *Joach. le Cont. Diapt. Die 3. Med. 1.*

103. Quadam vice vidi Pastorem per montes, per valles insectantem, ovem errabundam, quæ saltitabat per rupes, ut à Pastore fugeret. Miser homo occurrebat per nives, glacies, sed tandem cecidit in præcipitium, & miserè occubuit. Alter ut eum liberaret, post eum insiliit, sed totum contritum discerptum, ac mortuum eum invenit. Sanctus itaque Prælatus (: Franciscus de Sales :) capit flere & dicere: o! DEUS, & quàm non sit hæc in signis lectio pro Episcopo & Superiore? Hic miser homo perit, ut salvaret ovem fugitivam & errabundam. Et ego eheu! o! me miserum, ut juvem animam perditam tam exiguum zelum habeam, ut minima res mundi me detineat, & numerem omnes gressus meos, omnes labores meos, o mi DEUS! Da mihi verum zelum & spiritum Pastoris. Eheu! & hic miser opilio quot non damnabit Pastores animarum & Superiores? *Renn. Franc.*

*Prælati infirmitati alienæ debet
compati.*

104. An putatis DEO vos gratificari, dum verberatis, malè tractatis miseram oviculam, quam vestræ curæ DEUS commisit, quam per sylvas, montes, aberrantem quæsit, inventam propriis humeris imposuit, gaudiô incomparabili ad ovile reportavit, totum Paradisum invitavit, ut secum lataretur ob illam errabundam oviculam recuperatam? alius Magdalenam tot sceleribus gravatam videns, vivam devorasset: sed Christus maluit vel eam suo cordi, vel se ipsum illius cordi inviscerare; nec ejus egit judicem, sed advocatum, & ut inquit S. Bernardus. Visceralis affectus inviscerat sibi peccatricem affectu cordiali, reponit in viscera suæ infinitæ misericordiæ.
Idem Ibid.

105. Valde facilè est imperare, objurgare, vociferari, velle subditos habere sinè replica, sinè contradictione obediens, & mox ut aliquis delinquit in eum ejectare zelum, fel, iram, & agere imperatorem. Hæc omnia addiscuntur sinè Magistro, & spatiô octo dierum quisque hoc facere potest. Verum
rum

rūm ad hoc, ut quis corde Apostolico supportet aliorum defectus, ut reprimat suam iram, & sopiat primas ebullitiones sanguinis, quas naturaliter cor in quibusdam pravis incurſibus excitat & accendit; ut quis ſilenter & placitè imperet, & ignem videat extinctum, priusquam delinquentem puniat, ad hoc exigitur virtus virilis, cor generoſum, alienum ab omni incommodo, & quaſi amore proprio evacuatū. *Rennat. Franc. Id. C. 1. N. 25.*

106. Poſtquam obligationi tuæ ſatiſfecisti, committe te Providentiæ Divinæ, nam hæc, reliqua faciet. Nec eſt, quòd tua impatientia illi præſtat tempus, tu velles eum, qui deliquit, ſtatim corrigi, hic zelus foret bonus, niſi eſſet indiſcretus. Quòd ſi enim DEUS non velit, ut modò emendetur, ipſeque nōrit momenta, quibſus diſpoſuit, ut hoc fieret; an non poſſis habere parum patientiæ, ut omnia fiant ſvaviter, & majori fructu, quàm ſi fierent ſtatim & præcipitanter? non poteſt credi, quanti æſtiment Sancti hanc dulcem longanimitatem. *Rennat. Franc. Id. C. 2.*

*Exemplum patientiæ in Prælato. S.
Franciscus Salesius.*

107. An vultis scire, qualiter rexit (: Franciscus de Sales:) quadam capita indomita? en arcenum. Dum quadam die, quidam nobilis irâ percitus juxta ædes ejus strepitus edidisset intolerabiles, ac horrendos ulutatus canum, hinnitusque equorum à nonnullis famulis insolentibus edi curâisset, ac ad Episcopi cubile accurrisset, ac mille convitia evomisset, verba indignissima totius mundi effutivisset, bonus Prælatus, oculô totô svavî ac benignô notavit illum furiosum, nihilque ei dixit. Nobilis se cõtemptum esse existimans, rabiem auxit, Sanctus verò silentium & modestiam. Tandem dum totus perculsus ad se rediret, quidam honoratus Vir sic eum affatus est: Reverendissime Domine! quomodo sufferre possis hunc insolentem, & linguam comprimere in occasione tam indigna? Audi Christiane, inquebat Sanctus Prælatus: Ego cum lingua mea pactum inivi inviolabile & indissolubile, quamdiu cor meum est inflammatum, & alteratum nec lingua mustitare debet, sedatâ autem irâ, lingua dicet, quod volet. Et quomodo melius, quàm silentiô hûc
mise,

miserum docere possem modum benè loquendi,
quomodo meliùs bilem sopiet, quàm videndo me-
am taciturnitatem. *Rennar. Franc.*

Zelus Prælati pro salute subditorum.

108. Si stillantem in Cruce Domini sanguinem
collegissem, essetque repositus penes me in vase vi-
treo, quod & portari sapiùs oporteret, quid animi
habiturus essem in discrimine tanto? & certè id ser-
vandum accepi, pro quo mercator non insipiens
(:ipsa utique sapientia:) sanguinem illum dedit. Sed
& habeo thesaurum istum in vasis fictilibus, & qui-
bus multò plura, quàm vitreis imminere pericula
videantur. Accedit sanè ad sollicitudinis cumulum
& pondus timoris, quòd cum & meam & proxi-
mi conscientiam servare necesse sit, neutra mihi sa-
tis est nota, utraque abyssus est inscrutabilis, utraque
mihi nox est, & nihilominus exigitur à me utrius-
que custodia & clamatur: Custos quid de nocte,
custos quid de nocte. Non est mihi dicere cum Cain.
Numquid Custos Fratris mei sum ego? Sed & fate-
ri humiliter cum Propheta, quia, nisi Dominus cu-
stodierit civitatem, frustra vigilat, qui custodit eam.
In eo tamen excusabilis ego videor, si, ut prædixi,
debi-

debitam exhibeo custodiam, pariter & disciplinam.
S. Bernard: Serm: 3. de Advent:

109. Sciatque Abbas culpæ Pastoris incumbere, quidquid in ovibus Paterfamilias utilitatis minus potuerit invenire. Tantum iterum liber erit, si inquieto, vel inobedienti gregi Pastoris fuerit omnis diligentia attributa, & morbidis earum actibus universa fuerit cura exhibita. Pastor earum in Judicio Domini absolutus dicat cum Propheta, Domino: Justitiam tuam non abscondi in corde meo, veritatem tuam & salutare tuum dixi: ipsi autem contemnentes spreverunt me. Et tunc demum inobedientibus curæ suæ ovibus pœna sit prævalens ipsa mors.
S. P. N. Benedict: Regul: suæ C. 2.

110. Considera inter alias virtutes Moyſis fuisse admirabilem zelum pro salute Filiorum Israel sibi commissorum. Nam propterea, quæ de illo edidit specimina urgendo sapius etiam cum vitæ suæ periculo Regem Pharaonem, ut illos fineret abire ad sacrificandum DEO in deserto, ut hoc medio liberarentur à servitute hujus tyranni & ministrorum ejus; insuper per tot annorum spatium, quibus illos in suo tam longo & molesto itinere comitatus est, ipsorum causâ, quin & ab illis ipsis infinitas sustinuit con-

it contradictiones, labores, injurias, atque molestias, ut illos in possessionem terræ promissæ posset inducere. Denique postponebat magnificas promissiones sibi à DEO factas salutem eorum, quibus præpositus erat, etsi rebellium & sceleratorum, & quod plus est, maluit deleri de libro vitæ, quàm eos videre in suis oculis perire. En zeli ideam! quàm Superiores habere debeant pro salute Religiosorum suorum se incommodando, & liberè exponendo periculis, ut procurent, quæ ipsis conveniunt, nec unquam deferendo, non obstantibus eorum vitiis, & importunitatibus; nec animarum eorum salutem quicquam præferendo. Est ne tuus zelus huic similis? cui te hactenus exposuisti pro salute tuorum inferiorum? an non potius quæsisisti occasiones & media te separandi ab iis, qui tuam patientiam exercebant? unò verbò vellesne esse anathema pro Fratribus tuis, ut S. Paulus? Examina te benè circa hoc, & forsitan in Fide fateberis zelum tuum in actionibus tuis non apparere ferventem. *Ioach: le Contr. Diop: Die 8. Medit: 1.*

III. Penetrâstine aliquando obligationem tuam, quâ teneris respondere & satisfacere in rigore Divinæ justitiæ pro jactura animarum, quæ, tuâ culpâ aut negligentia sub tuo regimine perierunt? quam
caute-

cautelam, quam curam, quem conatum adhibes, ut prævertas hanc tam tremendam infelicitatem, atque impendas ne pereant? contemniscisne, cum vides aliquem Religiosorum tuorum tentatum, & in periculo offendendi DEUM? facisne omnia, quæ potest facere fidejussor, ut avertat interitum illius, pro quo cautionem præstitit. Nulla tibi venit cogitatio aliquas forsitan animas esse in inferno, quæ, tuâ negligentia eò depulsæ sunt, & quia illas non adjuvisti, visitasti, succuristi, consolatus fuisti in necessitatibus illorum? vel quia eas non corripuisti pro suis defectibus & dissolutionibus, à quibus paulatim in gravia peccata ruerent, vel si corripuisti, id factum fuit cum iracundia & indignatione, disgustu & contemptu, ex quibus illæ quoque in aversionem, ex aversione in desperationem, ex desperatione in abyssum perditionis corruerunt? non videris tibi eas audire clamantes, contra se vindictam? si hoc, haberesne animum ridendi, cum anima tua sit obligata solvere jacturam hanc irreparabilem? Et licet hoc non esset, nonne deberes super omnia metuere ne id eveniat? sentisne ardens desiderium & Sanctum impulsum pro spirituali progressu omnium Religiosorum tuorum? Considera singulos eorum in particulari, & persuade tibi, quod DEUS breviter sit te examinaturus, quid feceris, ut eos ad perfectionem perdu-

perduces, agendum! quo in statu sunt illi? quid facis, & quid dicis cuilibet, & pro quolibet eorum, ut eos adjuves in emendando suos defectus, & malas consuetudines, & progrediendo in virtute? si in hoc examine deprehendis, quòd satis frequenter finas duos, vel tres menses elabi, quin eos in particulari visites, & scias quomodo valeant, vel se gerant in suis exercitiis, quin verbulum pro consolatione eorum dicas, putasne DEUM propterea nullam à te rationem petiturum? Si constat, te plus habuisse sollicitudinis pro commoditatibus, & negotiis temporalibus, quàm pro animarum bono, quid DEO respondebis? audebisne aperire os, ut iustifices & excuses tuas exorbitantias, & inordinatas affectiones? putasne te liberatum iri, si coram DEO alleges, tuos Religiosos non commisisse peccata gravia, si non profecerunt, sicuti potuissent mediante tua cooperatione & diligentia. *Idem Ibid. Die 10.*

Qua ratione defectus subditorum curandi.

112. Fortè propterea DEUS Hieremiæ explicavit officium, quod illi injungebat quatuor illis verbis,
P ut eve-

ut evelleret, destrueret, disperderet ac dissiparet. Ut
 intelligeret debere ipsum per gradus progredi in e-
 vellendis vitiis, in ordine autem rem aggrediendi
 magnâ opus est prudentiâ. Nam si ægrotus & miles,
 sit debilis, timidus, ac tepidus, expedit curationem
 inchoare à vitiis facilioribus, ut primum certamen sit
 contra hostes debiliores; nam victoria ab eis repor-
 tata, animabit illum ad certamen cum robustioribus
 ineundum. Si autem pœnitens sit magnô & fervē-
 tî animô; præstat incipere, & primum aggredi viti-
 um prædominans, quod est quasi cæterorum radix,
 & à quo magis ille accipit detrimentum, nam eo
 devicto, reliqua succumbent. Eum in modum, quo,
 amputato capite Goliath, & Ducis Holofernis, fu-
 gerunt Philistæi & Assyrii, victos se reputantes, Et
 hoc est caput serpentis conterere, in quo totam suâ
 vim & fortitudinem ille repositam habet. Sed quo-
 niam, draco, septem capita habet, vitia scilicet capi-
 talia, quæ reliquorum sunt capita, observet prudens
 Rector, quodnam illorum potissimum capitis vices
 obeat. In quibusdam enim prædominatur gula, in
 aliis ira, in aliis avaritia, aut superbia, in illudque,
 quod tale deprehenderit, omne suum studium & in-
 dustriam dirigat. Quod de vitiis diximus, est eti-
 am de remediis adhibendis intelligendum, non e-
 nim omnia simul, sed unum post alterum, & sen-
 tim

sim applicanda sunt. Ordinariè autem à facilioribus & svavioribus inchoandū, sicut medici, qui sic rupos præmittunt disponentes ad vehementiorem purgationem. Nam ordinariè, non esset prudentiæ, deditū vitio gulæ, & assvetum multa, ac delicatoria comedere, velle statim quasi uno ictu curare severis jejuniis in pane & aqua, sed paulatim aliquid est adimendum in quantitate & qualitate ciborum, adhibita mortificatione in eo, quod minus est, ut inde ad majora progrediatur; nisi fortè aliquis ita esset fervens, ut vehementi DEI impulsu in eo gradu abstinentiam auspicetur, in quo alii sistunt. *Ludov. de Pont. T. 5 c. 12.*

113. Aliter admonendi sunt protervi, atque aliter pusillanimes. Illi enim dum valdè de se præsumunt exprobrando cæteros dedignantur. Isti autem dum nimis infirmitatis suæ sunt conscii, plerumque in desperationem cadunt. Illi singulariter summa æstimat cuncta, quæ agunt. Isti vehementer despecta esse, quæ faciunt, & idcirco in desperatione franguntur. Subtiliter itaque ab arguente discutienda sunt opera protervorum, ut in quo sibi placent, ostendantur, quia DEO displicent. Tunc enim protervos meliùs corrigimus, eùm ea, quæ benè gessisse se credant, malè acta monstramus, ut unde ad-

epta gloria creditur, inde utiliùs subsequatur confusio. Nonnunquam verò cum se vitium proterviæ minimè perpetrare cognoscunt, compendiosius ad correctionem veniunt, si alterius culpæ manifestioris ex latere requisitæ improprio confunduntur, ut ex eo, quod defendere nequeunt, cognoscant se tenere improbè, quod defendunt. Unde cum protervè Paulus Corinthios adversum se videret inflatos, ut alius Pauli, alius Apollo, alius Cæphæ, alius Christi esse diceretur, incæstus culpam in medium deduxit quæ apud eos, & perpetrata fuerat, & incorrecta remanebat, dicens: auditur inter vos fornicatio, & talis fornicatio, qualis nec inter Gentes, ita, ut Uxorem quis Patris habeat. Et vos inflati estis, & non magis luctum habuistis, ut tolleretur de medio vestrum, qui hoc opus fecit: ac si apertè dicat, quod juxta vos per proterviam hujus vel illius dicitis, qui per dissolutionem negligentia nullius vos esse monstratis. *S. Greg. Mag: Reg: Past. P. 112. C. 8.*

Prælati continuo se examinet, quomodo officium suum administret?

114. Examina te ex intimo corde, an vero hactenus timore, ne unam ex animabus tibi in depositum

fitum datis, perderes, tactus fueris, quam in particulari curam in iis custodiendis adhibeas, qua præcautione & vigilantia utaris, ne inimicis suis exponantur & ut ab istorum insidiis defendantur. Reflectere supra præteritum, & vide, quid earum aliquibus, tuâ culpâ, acciderit. Secundò, quando aliquis Religiosorum tuorum tentatus fuerit de sua vocatione, vel dejectus, affectus tædio, turbatus, afflictus, vel quacunque occasione offensus: quam adhibuisti sollicitudinem, ut eum liberares, erigeres, animares, tranquillares, consolares, & lucrareris, ne in turbationem, vel extremitatem aliquam prolaberetur? Ah quid tibi se observandum offert? si invenis, te propterea, quòd ejusmodi infirmus te non convenerit, illum dereliquisse, certus esto, demones neutiquam omisso, quin te de hoc in Judicio accusent. Tertiò revocasne quotidie in memoriam, arctam vigilandi obligationem, quam Pastoris officium tibi imponit? attendisne, num omnes Religiosi tui sunt in bona via? hoc est, an sequantur bene vivendi principia? quando ad communia exercitia conveniunt, an absentes notas? indagasne postea causam, cur non cum cæteris adfuerint? Visitasne cellas tempore lectionis spiritualis, orationis, silentii, examinis. &c. ut quilibet in tali Ordine cogatur adesse? si id negligis, nec alius tui loco id facit,

cit, citò irrepent abusus & negligentia, quas tu quidem non noscis, tibi tamen imputabuntur. Quartò, considerasne subinde attentè odium & furorem, quibus maligni spiritus explorant, persequuntur, & aggrediuntur, data occasione, animas tibi commissas? Num cogitatio hæc te efficaciter excitat ad vigilandum, tuumque zelum exerendum, ut perniciofa cõsilia, atque conatus istorum hostium humani generis evertas, conservesque Religiosum in sua securitate? Explora, quos de hoc sensus habeas? Quintò, habesne tantum sollicitudinis pro bono & profectu spirituali inferiorum tuorum, quantum habere solet Magister & Præceptor pro discipulorum suorum profectu, eorum præsertim, qui ipsi singulariter sunt commendati? quantum laborem impendis in illis instruendis, dirigendis, excolendis, & pro eorum conditione perficiendis? accomodasne te benignè illorum genio, capacitati, ac naturali dispositioni? qua industria uteris, ut eos ad bene agendū animes, ut ament solitudinem, aliaque quæ institutum eorum concernunt. Expende nonnihil tecum, quantum erga unumquemque profeceris à tempore anni unius, mensis &c. Sextò, cū nihil sit nocivius & periculosius ovibus, quàm Pastoris absentia, neque discipulis, quàm absentia Magistri, sub qua facilè in vitam licentiosam degenerant: inquire
an non

an non tu quandoque sine gravi necessitate à tua Communitate absis. Antequam egrediaris tuum Monasterium, ut iter, visitationem, vel simile quid aggrediaris, examinasne prius coram DEO ejus motiva atque necessitatem? commendasne gregem tuum, priusquam ab eis discedas? Non times ne forte in tua absentia aliqua inordinatio aut dissolutio oriatur? nunquam te naturalis inclinatio aut delectatio moverunt ad ejusmodi exitum, & discessum à tuo ovili, quin te reflecteres ad periculum, cui illud exposuisti? Decerne firmiter, oves tuas nunquam deinceps deferere, sine urgenti & manifesta necessitate. *Idem Dropt: Polit: Relig: die 3.*

115. Inquire num habeas verum zelum pro salute animarum tibi commissarum, collineantne eo ordine tuæ cogitationes? sentisne in intimo cordis tui vivum timorem, ne aliquem è filiis tuis perdas? quando advertis aliquos deviare, fieri dissolutos, & vivere absque affectu ad res spirituales, tangitne hoc intimè cor tuum? exardescitne tunc zelus tuus, & fatagit his exorbitantiis adhibere remedium? quem laborem, quam curam, quæ media, quas preces, quas lacrymas, quas pænitentias faciat te impendere, ut eos à periculo eruas, & statuas in securitate salutis? Nonne te palpes hic: imò confitere coram
ram

ram Domino nostro zelum tuum valde ab illo zelo distare. suscipisne liberè & hilariter proprias incommoditates, ut adjuves & succurras iisdem animabus in suæ salutis negotio? nullam habes aversionem ab iis, qui tibi graves sunt & molesti? habesne tantum animi & zeli, ut si occasio se offerret, pro illis vitam opponeres? Dic veritatem. Ut autem de hoc bonum iudicium ferre possis, examina te singillatim, an libenter derelinquas tuam quietem, tuum studium, tuam recreationem, aliaque similia, ut converseris, instruas, & consoleris Religiosos tuos, quando te conveniunt, sive ut eos ipse visites, atque prævenias tuâ benevolentia, si ipsi met ad te accedere reformident? si hoc non facis nisi rarò, & invitus, multò minùs, plura atque majora facies. Esne zelosus pro spiritali profectu tuorum inferiorum, sapiùsne & magis seriò recordaris illorum, quàm omnium negotiorum temporalium? quid facis, ut illud procures? vigilasne continuò super illos, ut videas, an non se subtrahant exercitiis, tempus inutiliter terant confabulationibùs, vel curiositatibùs, te fugiant, ut in privatas amicitias coëant, vel conspirent. An non laborent aliqua difficultate corporis vel animæ, qua reddantur morosi & tardi in exequendo suo officio, & sic de cæteris? Excitasne tepidos? animasne ferventes? mortificas

tificas ne vāgos? advertisne denique, quòd zelus tuus affligatur, simulque patiatur in eorum negligentis & insensibilitatibus? adjuvasne efficaciter & sollicitè bona desideria illorum, qui conantur in virtute proficere? quales illis occasiones offers. Cavesne diligenter ne intepeſcant, excessusque devitent? quantum laboras, ut omnes alios in eandem viam pertrahas, curasne ut saltem in anno semel singuli faciant 10. dierum exercitia? in quibus illos eo tempore adjuvas, declarasne illis latè & sincerè imperfectiones, quibus remedium adhibere debent? Esne sollicitus in assignandis lectionibus & meditationibus, eorum necessitati congruentibus, ac sæpè inquirendo in fructum, quem inde hauriunt? denique sentisne tantundem fervorem in promovendo illorum spirituali profectu, quàm in bono successu alicujus, quod cordi habeas, negotio temporali? Quomodo in tuo Monasterio se habet observantia Regularis? habesne zelum pro illa conservanda & promovenda? tangitne cor tuum, si ad exercitia debito tempore signum non datur? si ad illa non promptè convenitur? si Officium Divinum, ut decet, non peragitur? si Religiosi aliqui Regulas & constitutiones facile transgrediuntur? si non exactè obediunt? quid facis hoc casu? evigilantne zelus tuus, ut tales defectus sinè cunctatione reprehendas & corrigas?

rigas? an non illos subinde & vano respectu vel a-
nimi timiditate dissimulas? vel quod pejus est fugi-
unt tuum animum, atque memoriam, ex defectu
affectionis & reflexionis supra omnia hæc, & ex
absentia veri zeli pro Gloria DEI & bono tuæ Re-
ligionis? legisne frequenter & attentè tuas Regulas
& Constitutiones, ut notare possis tuos defectus,
qui committi possunt contra contenta in illis? esne
solicitus ne, illæ, te inscio vel absente, negligantur?
Dasne libertatem alicui Religioso sapienti & zelo-
so, ut te ipsum moneat, si in ejusmodi defectus
excessusque labaris? auscultasne cum humilitate &
spiritu submissionis id, quod tibi dicit, atque pro-
ponit? confersne, tuo tempore, sicut præscriptum
tibi est, cum tuis Senioribus, ut exactam totius ob-
servantiæ Regularis notitiam capias? Quis inde fru-
ctus resultat? ostendisne, quòd etiam de minimis
cures, promptè obviando etiam minoribus deordi-
nationibus. *Iohan: le Cont.*

Durissimum judicium iis, qui præsunt.

116. Judicium durissimum fiet ijs, qui præsunt.
Venient quippe venient dies, quando Dominus JE-
SUS vivorum Judex & mortuorum à singulis suo-
rum

rum inquireret minutissimam rationem donorum. Unusquisque namque pro se redditurus est rationem. Prælati verò pro se ipsis, & pro commissis respondere cogentur. Si autem pro se, vix reperitur, qui satisfacere valeat? quomodo qui præsumt, pro se, & multis? Stabunt omnes, præcipuè tamen animarum duces ante Christi Tribunal, & ibi de operibus, de omissionibus, de verbis, de cogitationibus, de intentionibus ac de affectibus, fiet universalis interrogatio. A Pastoribus autem exigetur, si doctrina, exemplis, sollicitudine, lucra quæsierunt animarum. Nam à DEO ideò Præpositi sunt, ut subditorum insistant profectibus; & emendatiores reddant Christo. Propterea meritò pœnas lugent pro negligentibus & pro Subditorum delictis, si dissimulasse, si tacuisse, si non clamasse, aut non orasse fuerint deprehensi, si qua verò ovicula ex ipsorum erraverit, perieritque incuria, tunc ipsius sanguis de eorum extorquetur manu. Proinde debent sinè intervallo admonere verbis, redarguere increpationibus, ac terere minis, quatenus omnes sub loris Divini timoris coërceant. Universis quoque, ut sint speculum sanctitatis, virtutis exemplum, & morum forma, necesse est. Nec tamen desistere debent, quin Domino assistant in Oratione & lacrymis, ac devotis supplicationibus DEI exorent clementiam, ut ipsis

sapientiam tribuat ac prudentiam ad benè gubernandum, Subditis autem gratiam obediendi, & tolerantiam perseverandi. Hoc totum agant; quatenus, quod deest eorum ministerio, Divinò conferatur auxiliò. Nec exaudiri dubitent; nam exorabiles prorsus sunt præsidentium preces, illorum maximè, qui DEI gloriam, & sibi commissorum utilitates, quærunt. *Laurent: Iustin. de Discip. C. 9.*

Mercenarius quis?

117. Non Pastor, sed Mercenarius vocatur, qui non pro amore intimo oves Dominicas, sed ad temporales mercedes pascit: Mercenarius quippe est, qui locum quidem Pastoris tenet, sed lucra animarum non quærit, terrenis commodis inhiat, honore prælationis gaudet, temporalibûs lucrîs pascitur, impensa sibi ab hominibus reverentia lætatur. Istæ sût etenim mercedes Mercenarii, ut pro eo ipso, quòd in regimine laborat, hîc, quod quærit, inveniat, & ab hæreditate gregis in posterum alienus existat. Utrum vero Pastor sit, an Mercenarius, cognosci veraciter non potest, si occasio necessitatis deest. Tranquillitatis enim tempore plerumque ad gregis custodiam sicut verus Pastor, sic etiam Mercenarius stat, sed

sed lupo veniens indicat, quo quisque animo super gregis custodiam stabat. Lupo enim super oves venit, cum quilibet injussus & raptor fideles quoque atque humiles opprimit, sed is, qui Pastor esse videbatur, & non erat, relinquit oves, & fugit. Quia dum sibi ab eo periculum metuit, resistere ejus injustitiae non praesumit, fugit autem non mutando locum, sed subtrahendo solatium, fugit, quia se sub silentio abscondit. *S. Greg. Lib. 1. hom. 14.*

*Pastores mali culpâ suâ, Boni verò
DEI gratiâ.*

218. Mali namque Pastores, quod à nobis absit, nostrâ malitiâ sumus: Boni verò quod ab illo nobis adsit, nisi ejus gratiâ, esse non possumus. Unde & vos Fratres mei praecipientes rogamus, ne in vacuum gratiam DEI recipiatis. Facite nostrum ministerium fructuosum. DEI agricultura estis, extrinsecus accipite Plantatorem, atque rigatorem, intrinsecus verò incrementi datorem. Corripiendi sunt inquieti, pusillanimes consolandi, infirmi suscipiendi, contradicentes redarguendi, insidiantes cavendi, imperiti docendi, desidiosus excitandi, contentiosi cohiben-

hibendi, superbientes reprimendi, litigantes pacandi, inopes adjuvandi, oppressi liberandi, boni approbandi, mali tolerandi, omnes amandi. In hac tanta ac multiplici variæque rerum diversarum actione adjuvate nos, & orando, & obtemperando, ut nos vobis non tam præesse, quàm prodesse delectet. *S. Aug. Serm. 340. Indic. Ordin.*

Qui Prælati sit bonus.

119. Bonus Superior non est ille, qui habet Subditos, qui nunquam delinquant, nam Sol nunquam talem conspexit, nec talis dari potest. Ille est bonus Superior, cui benè perspecta est humana fragilitas, qui supportando defectus corrigit, qui non cessat balsamo perfundere plagas, donec æger perfectè curetur, & ita comparatus sit, ut malit mori, quàm tam bonum Patrem offendere, & cor tanta charitate plenum contristare. Et dato, quòd infirmus non sanetur, & suæ obligationi non satisfaciat, quale quæso solatium non sit bono Superiori? Si possit dicere: feci, quod Christus mandavit: feci, quod ille fecit, bonum Patrem me exhibui, quamvis meus filius velit esse filius prodigus, & nolit subesse meæ tutelæ, meæ disciplinæ, sed terminos observantia

vantiæ transilire. Idcirco tamen ego non omittam ea, quæ facere debeo, expectemus diem Domini, horam ejus præfixam, & dum minus putabimus, bonitas ejus, quod oportet, faciet. *Renn. Franc.*

Prælati ob subditorum defectus indignatione moveri non debet.

120. Ob Subditorum excessus ad iracundiam non moveatur, cogitet, quòd in hoc mundo velut in Xenodochio vivat, in quo qui degit, assuetus esse debet, videre defectus, & cum ægrotis sinè nausea agere. Post deplorandum illum naturæ humanæ lapsum aliter esse non potest, quàm quòd innumeri in humanam conversationem & vitam irrepant defectus. Superior nec à suis expectare, nec exigere prudenter potest, ut omnia ad amissim, sinè ullo errore, quàm accuratissimè faciant. Parens volens filium suum instruere in progressu, cum filio tardius progrediente, tardè progreditur, manuque ducit: non festino gradu properans illum post se relinquit, sed expectans dat moram: sequi aliàs nullo modo posset. Indignatio & impatientia ob defectus subditorum concepta, facit, quòd Superior plu-
res

res committat defectus, quàm Subditus: Superior enim impatiens, facile à Subdito concipit aversionem, minoris illum æstimat, contemptui habet, nec magnam illius curam habet. Contra impatientiam ergo, ut multorum malorum causam, magnò animò certandum, & dum Subditorum defectus occurrunt, occasionem ex eis sumat Superior, se in patientia, mansuetudine, & amore exercendi, omnē subdito affabilitatem & humanitatem exhibendo, *Joan. Bapt. Lib. 3. P. 1. C. 10. Section. 19.*

121. Hoc onus animarum est, & infirmorum; nam quæ sanæ sunt, portari non indigent; ac per hoc nec onus sunt. Quosunque igitur de tuis inveneris tristes, pusillanimes, murmurosos, ipsorum te Patrem, ipsorum noveris esse Abbatem. Consolando, exhortando, increpando, agis opus tuum, portas onus tuum, & portando sanas, quod sanando portas. Si quis verò ita sanus est, ut magis juvet te, quàm juvetur à te, hujus te non Patrem, sed parem, comitem, non Abbatem, agnoscas. Quid igitur caularis te aliquorum, qui tecum sunt, magis gravari consortiò, quàm frui solatio? cùm solus omnium omnibus datus sis solatium, tanquam omnibus sanior, & à nemine omnium indigeas confortari? Denique in quantum gravaris, in tantum lucraris,

ris, & in quantum juvaris, in tantum tibi tua præmia minuis; Elige ergo, quos eligas, an qui gravando juvant, an qui juvando gravant? Hi tibi promeritores; illi fraudatores meritorum existunt. Nā qui Socii laboris, procul dubio & mercedis participes erunt. Sciens ergo te missum juvare, non juvari; illius te cognosce Vicarium, qui venit ministrare, non ministrari. *S. Bernard. Epist. 37. ad Rainaldum.*

122. Sufficiebat tibi apud Cluniacenses custodire innocentiam, porro apud Rhotomagenes opus est patientiā, nec solum patientem esse, qui nollet vinci à malo; sed & pacificum, qui vincat in bono malum: Alterum, ut malos portes, alterum, ut & quos sustines, sanes. In patientia tua possidebis animam tuam, sed sis etiam pacificus, ut & commissos tibi possideas. Quæ tanta gloria, quàm dicere posse: cum his qui oderant pacem, eram pacificus. Esto ergo patiens; quia es cum malis, esto & pacificus, quia præes malis. *Idem ad Gilbertum Epist. 25.*

Mali etiam Subditi sunt tolerandi.

123. Nec curandum est Prælati, aut animus despondendus, si DEUS quandoque permittat, ut sub.
R inde

inde bonus Abbas habeat malos Religiosos, malus verò, bonos, velut quidam Reginoldus Abbas Fulniacensis olim apud S. Bernardum Abbatem pluribùs questus est, asserendo, si quilibet satisfaceret suæ obligationi, se nullam habere difficultatem regendi &c. Verùm S. Abbas respondit: Id inscrutabili Judiciò DEI fieri, atque ad maximam nostram, ac præcipuè Prælatorum probam. Cur enim aurum nascitur inter venena? unio inter undas? rosa inter spinas? Unde sic ratiotinatur: Cur DEUS dedit Adamo, Cain & Abel. Abrahamo, Isaac & Ismaël, Isaac, Jacob & Ezav, Joseph, sceleratos Fratres, Jacob, Salomonem, & Absalon Davidi, S. Petrum & Judam, Christo JESU, Sanctum Michaëlem & Luciferum ipsi DEO Patri? Quid quæso DEUS in hac dispositione prætendit? Nimirum ad propositum servit dictum Sancti Augustini & S. Francisci. *Boni si-
nè malis boni esse non possunt* ita, ut deficientibùs malis boni esse nequeant, adeò bonis mali commisce-
ri debent. *Idem qui supra.*

Prælati discoli subditi prosunt.

124 Sanctus Bernardus malos adeò necessarios esse inquit, ut, si in aliqua æde non degeret aliquis
Mona-

Monachus inquietus dissolutus &c. talis ob magnū bonum (: quod ex ejusmodi perverso oritur dum sapienter regitur) quæri, & monetā aureā solvi debeat. Talis enim servit velut lima aurifabro, ut scorix & excrementa avellantur & rescindantur, servit velut malleus, vel tributum, quo præmitur, tunditur adamas, ut nitidior fiat, sinè quo esset deformis inconditus, ac nullius æstimationis. Dicere volo, perversum more, conducere ad purificationem proborum, sicut DEUS Jebusæos excitavit, ut Israëlitas ad terram promissionis tendentes, jugiter tentarent, & incessanter vexarent. Ratio igitur cur DEUS sæpe bonis Abbatibus aliisque Superioribus subjiciat perversos subditos, & discolis Abbatibus (Superioribus) subditos probos? S. Bernardus. S. Thomas. S. Bonaventura varias assignant causas ex quibus hæc unica sufficiat; quia quamvis boni Religiosi sint gratiores, at tamen discoli, sunt utiliores, magisque profunt Abbatibus, Superioribus, aliisque Monachis Religiosis: Nam hi discolæ sunt tineæ, quæ arrodendo destrunt pannum. Sunt limæ, quæ poliunt cor, sunt leones, qui custodiunt Danielem, sunt Semej, qui maledicunt Davidi, ut à DEO majoribus benedictionibus repleantur. Itaque Religiosi tales discoli præter dicta, sequentia adhuc Prælati & Superioribus præstant commoda, quæ ipsis in hac terra, ingens meritum,

demum in Cælo maximum præmium, suppeditabūt. Per hos enim acquirunt 1^{mo} humilitatem valde solidam 2^{do} Charitatem valde puram, 3^{to} Magnanimitatem Regiam. 4^{to} Patientiam invictam 5^{to} Clarissimam cognitionem suorum defectuum. 6^{to} Purissimum & sublimissimum meritum. 7^{mo} Intentionē valde rectam. 8^{vo} Virtutem ab omni concupiscentia liberam, & quæ nullum præmium expectat. 9^{no} Mansuetudinem JESU Christi. 10^{mo} Conformitatem aptissimam cum voluntate DEI. 11^{mo} Modum, nil aliud quærendi, nisi solum DEUM. 12^{mo} Eum æquē reperiendi in bonis, quàm malis, imò facilius in malis, quàm bonis. 13^{to} Acquirendi dominium suarum passionum. 14^{to} Evadendi in Virum Apostolicum. 15^{to} Cor secundum Cor DEI, quod libenter cooperatur cum ejus dispositionibus, & quidem inō raro cum jactura propriarum satisfactionum. 16^{to} tandem, supportatio levium defectuum eorum, qui graviores in Superioribus sustinent, est medium, quo quis in Cælo magnus efficitur Sanctus. Hæc enim est Regula perfectionis: Alter alterius onera portate, & sic adimplebitis legem Christi. *Idem qui supra.*

125. Bonis, quàm diu sunt in hoc statu merendi, expedit aliquos malos secum habere, qui eis sint majoris occasio meriti, quibus compatiuntur in malis

lis suis; contra quos zelus eorum inardescat, quos corrigere laborant, quibus similes fieri pertimescant, qui eis sunt tentationis materia, à quibus etiam persecutiones sustineant, & ex quorum consideratione humiliantur confusi, quia tales non sunt admoneantur gratiarum actionis ei, qui custodit eos, ne tales efficiantur. Si autem deessent bonis prædictarum virtutum occasiones, merita ipsorum tantò fierent minora, dicente Paulo. Quæ enim seminaverit homo, hæc & metet. Nec tamen diligendi sunt mali, seu fovendi, sed tolerandi, maximè quorum occulta sunt mala, & alios non inficiunt, & est spes de correctione ipsorum. Ubi verò ista defecerint, ibi sinè gravi detrimento sustineri non possunt. Et ideo eliminandi sunt, ne putetur eorum pravitas bonis placere. Interim etiam dum tolerantur, puniendi sunt stimulis admonitionum, correctionum, confusionum & castigationum. Ungendi etiam fomentis exhortationum, consolationum, & orationum, & promissionum, si fortè convalescant de infirmitate, & fortes fiant. Præcludenda est eis via peccandi & tentationis aditus obstruendus, quod etiam bonis expedit, ne opportunitas mali faciat eos deteriores. *S. Bonaven: de sex alis C. 3.*

126. Æquum est, Prælatum induere hæroicam patientiam ad dissimulandas imbecillitates & impatientias subditi, nec deferat Ecclesiam sibi à DEO commissam, etiamsi Sathan sedem suam in ea locet, ipsamque persequatur. Dominus enim vult, ut eam Prælatus non deferat, non paveat, nec fugiat officium ob graves subditorum mores. Pro talibus enim necessarius est bonus Superior. Si magister virtutū expellit à se ignaros & vitiosos: quem docebit? Si medicus fugit ægrotos, cui medebitur? Si dux belli, pugnae se subtrahit, quomodo victoriam cum gloria obtinebit? Si mercator negotiationem ex qua ingens lucrum habere potest, intermittat, aut deferat, quomodo locupletabitur? Non recte facis (:dixit S. Bernardus cuidam Abbati cupienti officium deferere propter subditorum repugnantiam:) nam in quantum grāvaris, in tantum lucraris, & in quantum juvaris in tantum tibi tua præmia minuis, & quò gravius est onus, eò amplius adfert lucrum. Boni Subditi alleviant onus, sed etiam imminuunt meritum, parum enim habes, quod agas, aut patiaris in eis gubernandis, insolentes autem Subditi, ut laborem augent, ita & meritum, & occasionem tibi præbent evadendi in Virum Sanctum. Ac propterea permisit Christus Dominus inter suos duodecim Apostolos esse unum Judam, qui ipsum exerceret

ceret, ut sic exemplo esset charitatis, patientiæ, & humilitatis Prælati ipsis, cum ea illis evenit fors, ut malos aliquos habeant subditos, quos studeant patienter ac dexterè emollire & bonos reddere. Confortamini inquit DEUS, & non dissolvantur manus vestræ, erit enim merces operi vestro. Manus Prælati (ait Bonaventura:) sunt diligentia in agendo, & patientia in tolerando, hæ debent semper esse elevatæ in bonum Subditorum, & Dominus earum laborem remunerabit. Quod si Subditi fuerint ingrati, in eo Prælatus suam consolationem ponat, quòd DEUS obsequii illius non obliviscetur, & intelligat eum hanc ingratitudinem permittere, ne ipse ob respectus humanos laboret, sed propter ipsū DEUM, cum videat malè sibi ab hominibus retribui. *Ludov: de Ponte:*

Prælato in tempore malo plebem deferere nefas.

127. Dolendum est, atque detestandum, quod nostris inolevit temporibus. Nam Pontifices & populorum Prælati, si quando exigentibus culpīs plebem pestilentiam Dominus immiserit, sunt primi
qui

qui secedunt de loco, & in redeundo ultimi. Hæc ne consuetudo est Pastorum bonorum? sapitne aliquid charitatis? prorsus nihil. Nunquid amicus censendus est verus, qui, cum opem potest impendere, fugit? Divina ultione percutitur populus, & qui DEUM precibus conciliare debuerant, tergavertunt, devastatur plebs, & calamitatibus plena depascitur, & ejus directores, atque Pastores fugiunt. Nefas hoc est, & grande peccatum. --- Dominus Jesus cum à turbis Judæorum & militibus teneri debuit, fugitne? an non magis inquit: si ergo me quæritis, finite hos abire. Majorem utique de suis, quam de se curam exhibuit. Discant igitur Pastores & Prælati, cum irascitur erga populum DEUS non se absentare à plebe, non morientem deserere turbam, quin potius prosternant se eorum DEO, & gemitibus ac lachrymis Divinam placent vindictam, necessitatibus etiam subveniant morientium, nec animas suas pretiosiores minus, quam se faciant. Animadvertant, si Dux exercitus fugerit, quid acturi sint hostes? vel quanta cæde interficiendæ sunt oves, si neglectis illis nil curaverit Pastor? Meminerint oro, qualem per Prophetam, Dominus, Pastoribus invectionem faciat, dicens: Nonne greges pascuntur à Pastoribus? vos autem lac comedebatis, & lanis operiebamini, gregem autem meum non pascebatis, quod

quod infirmum fuit, non consolidâstis, & ægrotum non sanâstis, quod fractum non alligâstis, quod perierat, non quærivistis, sed cum austeritate imperabatis eis, & cum potentia, & dispersæ sunt oves meæ, eò quòd non esset Pastor, & factæ sunt in devorationem omnium bestiarum, propterea Pastores audite Verbum Domini: Vivo ego dicit Dominus DEUS, & pro eo, quòd facti sunt greges mei in rapinam, & oves meæ in devorationem bestiarum agri, eò quòd non quæsierunt Pastores gregem meum, sed pascebant se ipsos, & greges meos non pascebant: propterea ego ipse super Pastores requiram gregem meum de manu eorum, & cessare eos faciam, ut ultra non pascant gregem meum, nec pascant Pastores ampliùs semetipsos. Redeant itaque ad cor Pastores, noverint se pro ovibus reddituros rationem, taliterque se habeant, ut Divinum valeant evitare iudicium. Dilectionis si quid habent erga Christum, in Subditis exhibeant, dum Illum audiunt Petro dicentem: Si diligis me, pascere oves meas, inquit, quas condidi, quas proprio cruore redemi, quas tibi pascendas reliqui. Veri igitur Pastoris dignitatem amittit, qui earum curam vilipendit.

S. Laurent. Iustin.

S

Præ-

Prælati non debet animò despondere ob imperfectiones subditorum.

128. Dum Superiores querelis lacefferent imperfectiones suorum subditorum, & nimios relapsus in eisdem defectus, ideoque vellent officio renunciare, eò, quòd defectus corrigere, eosque diutiùs sufferre non possent; Sanctus Vir (†Franciscus Sales:) incipiebat ridere, & amabilissimo rubore suum vultum tingens, dicebat: Sed hem! mea charissima Soror, an tu nullum committas defectum? an nullum unquam te commissuram putes? quod si aliquem defectum committeres, an velles subito conjici in carcerem, vel velut incorrigibilis præcipitari ex fenestra? Religio, non est composita ex personis perfectis, sed iis, quæ adspirant & tendunt ad perfectionem. An putes apicem perfectionis octo dierum spatium posse attingi? an tu hunc apicem attigeris? quantum temporis insumpsisti? quamdiu in illo manebis? & datò, quòd illum attigeris, viden amabo, an ad illum non subieris ex gratia speciali DEI, & indole naturali, quam DEUS tibi indidit, quæ nullam habet reluctantiam, nec difficultatem in faciendis bonis? an velis cogere DEUM, ut omnibus conferat

rat gratias, quas tibi contulit? an velis totum adigere mundum, ut ejusdem tecum sit ingenii? an nō consideras molestias, difficultates, quas experiuntur tuæ miseræ Filix in domatione validæ naturæ supra modum virtuti rebellis? minima adversitas, minima tentatio superveniens turbabit harmoniam omnium tuarum virtutum, & tota eris alia, quàm modò es, & quid tunc dices, nisi quòd putêris, te præditam multis virtutibus, cùm tamen hæ non fuerint aliud, quàm exercitium, quod ortum duxit à bonâ natura & indole? tunc veniam rogabis, quòd tam exiguam charitatem exercueris, ego, quoad me, nolo obtinere hanc veniam, & potiùs tunc volo, & satius cenſeo compati infirmis, eosque ſenſim ſanare, quàm eos nimium pellere & urgere, & ita charitatem ac patientiam rumpere. *S. Franc: apud eund.*

129. In hoc Prælatus debet ostendere fidelitatem sui cordis, in hoc propriè elucescit, quòd sit verus Filius DEI, verus Abbas, verus Superior. Bene facite iis, qui oderunt vos, ut sitis Filii DEI. Si bene facitis iis, qui vobis malè faciunt, ostendetis vos esse Filios DEI. Reliqua (:inquit S. Ths:) subjacent disteriis, convitiis, murmurationibus; nam si benè facitis bonis, hoc etiam faciunt Turcæ, & ipsimet barbari, amant illos, à quibus amantur, nā

aliàs essent tygres & leones, & unde scias, quòd dum bene facias bonis, id non proveniat ab inclinazione naturæ, Sympathia, aliquo occulto commo-
do, ab eorum meritis, vel aliquo respectu humano, ita, ut coram DEO nihil vel parum merearis? Verùm à solo DEO, Qui ut jubet, venit, ut quis malis bene faciat ideoque meritum est perfectum, securum, expers omnis commodi, omnino purum & integrum. Porro hoc DEUS prætendit, dum tibi sub-
jicit tot maligna & inquieta capita. *Id. Rennat. Francf.*

130. Multi dum moderantur habenas, nec aliud habent, quàm se ipsos, sunt valde probi. Id autem (:ut veritatem dicam :) in multis non est alia virtus, quàm cessatio à vitiis & imperfectionibus. Verùm quod si aliquis sedeat ad clavum, & gemat sub aliquo pondere, debeat regere & supportare alios, tunc prodit, an ejus virtutes solidæ sint: si enim habeat veram charitatem, qua sustineat defectus suorum subditorum; si habeat humilitatem, qua toleret despectus; si habeat prudentiam, qua expectet, ut audiat, quæ fieri debent, ac ita omnia ordinatè & maturè fiant, si reprobet quendam zelum falsum, qui re ipsa nil aliud est, quàm impatientia, is solidè virtuosus est. Verbò ex his elucescit num
homo

homo solidas virtutes habeat, vel non, secus, non credam, nec dicam aliquem virtuofum: nempe sapè video, quòd fictio venditur pro virtute, & video quosdam monitores, qui in omnibus inveniūt, quod culpent. *S. Francis: Jales: apud Rennatum Francis-*

131. Cum omnia quieta & tranquilla sunt, nec quisquam est, qui bellum inferat, nonnullos ad pietatem erudire, cujuslibet hominis est; at cùm diabolus furit, ac dæmones arma induunt, fortî animò stare, atque eos, qui ab illius partibus stant eripere, & cæteros, ne in illius manus incidant, impedire, hoc demum strenui Viri est, hoc, animi vigilantis, hoc expectatæ mentis, hoc, sexcentis coronis ac præmiis omni sermone præstantioribus dignum, hoc denique Apostolicum facinus. *S. Ioan. Chrysof. Epist. 125.*

Prælati maledictis & murmurationibus Subditorum moveri non debet.

132. Hoc perfectissimum archetypon quilibet Superior in se exprimat, & si cùm fecerit omnia, quæ à bono Superiore fieri, & desiderari possunt, nihilo.

nihilominus à Subditis patiatur contradictiones, murmuraciones, calumnias &c. in mentem revocet, non esse in mundo Superiorem, contra cuius Regimen tot moveantur quarelæ, quàm contra Regimen ipsiusmet DEI, esto tale sit, ut melius, æquius & sapientius esse non possit. Pauper libenter esset dives. Dives doctus, infirmus sanus &c. Nemo suo contentus est, nemo, qui conditionem suã, si optio daretur, non mutaret. Quemadmodum verò DEUS non attentis ejusmodi insanis querelis & murmuracionibûs suô pergit modò orbem regere, & exequi, quod sapienter decrevit: sic & Superior, in suo, ad DEI gloriam & voluntatem, incepto Regimine, se turbari & mutari non sinat, animò non cadat, sed constanter, quod benè capit ad finem perducere studeat. *Ioan. Baptista Saint. Iur. &c.*

133. Mundus refertus est indiscretis, vel invidis adeò, ut quamvis omnibus exactè coneris satisfacere, omnia æqualiter divides, attamen nunquam contentabis eum, cui sua invidia Zelus, sua passio, ratio. Quò melius tua facis, eò acrius te laceissent invidi, & dicent tuam sapientiam, nil aliud esse, quàm dolum, tuam circumspectionem traducunt, ut nimiam conniventiam, tuum candorem, velut

velut nimiam simplicitatem, tuam devotionem, velut simulationem, tuam scientiam, velut ignorantiam, tuam eloquentiam, velut garrulitatem & blaterationem. Quomodo ergo pacabis hanc syrenem, hanc tygrum invidiæ? quæ omnia convertit in venenum & solis calumniis & criminationibus victitat. S. Paulus nunquam potuit effugere tyrannidem hujus invidiæ, & invidi eum semper insectari sunt, eumque perdere studuerunt. Christus JESUS amisit vitam, eò, quòd invidia Synagogæ splendorem virtutum Ejus suffere non potuit. Quid facimus, quia hic homo multa signa facit. *Ken. Francis. Id. c. 6.*

134. Qualiter igitur regas, aut qua manu duces, capita suspiciola, hypocondrica, phantastica? Spiritus nigri & fuliginosi, qui suum miserum cerebrum obfuscant, proponunt chymæras & æstimant Evangelia. Quid quid facis, sinistrè interpretantur, & imponent, quæ nunquam somniasti. Candor sincerissimus tuarum intentionum iis videbitur niger & plenus machinationibus & molitionibus. Quod si eis gratificeris, te vilipendunt; si opinioni tuæ aliquantisper insistas, aversionem internam erga te concipient; si eos alloquaris, si non, nonnisi cum molestia eos devincies. Hi cardui
non

non tanguntur absque eo, quod pungant. Dic igitur an sit possibile, quod homo, qui regit multos, quorum aliqui sunt omnino ignei, alii plumbei, alii terrei, quorum aliqui moventur celeritate venti, aliqui pedem à terra non sublevabunt, esto omnes trochleas, quas Artes Mechanicæ invenerunt, adhibeas. Unus dicet, eum esse nimis præcoccem & præcipitem, qui omnia vult in momento, qui agenda non considerat: alii eum traducunt velut lentum, qui in mille gyros distenditur, qui nullum opus, quantumvis multum ludet, ad finem deducit. Quot subditos quis habet, tot sunt mundi, quorum quilibet alio differt, & quis inveniat modum sustinendi fluxum & refluxum maris? cursum ventorum? &c. & quod pejus omnibus est, morem gubernandi capita hominum, quæ sunt bruta, seu Gallus campanilis. *Idem ibidem.*

135. Dantur aliqua capita, quæ sunt propriè Antipodes, quæ habent Spiritum contradictionis, & naturaliter se omnibus opponunt. Facias quid quid velis, semper habent aliquid, quod reponant, quamvis faceres miracula, illa traducunt velut incantationes, aut illusiones, & dicent, hæc non esse aliud, quàm hypocrisim, ut quis suo intento fruatur. Et dic quæso, quomodo pacabis hos spiritus adeò mali-

malignos, qui sibi ipsis satisfacere nequeunt, & maiore parte temporis nesciunt, quid velint: Quamvis valde prudens sis, & in tuis actionibus circumspectus, quamvis tua verba examines ad lancem sapientiæ, quomodo contentabis tot inquieta cerebræ, tot leves & indiscretos spiritus, tot capita, quæ effutiant quidquid venit in buccam, quæque totum condemnant, quod non intelligunt? jam centies te damnârunt priusquam modum inveneris vel semel illis ostendendi & proponendi tuum rectum modum agendi: hoc est martyrium sapientum quod nempe judicari debeant, nescio à quibus bardis & vilibus animis. *Idem ibidem.*

136. Quidquid enim tædiosis ac otiosis fratribus conformiter ad legis observantiam agendum incumbit, spinosum videtur. Functiones Chori & Ecclesiæ ipsis spinæ sunt, vigiliæ & jejunia spinæ sunt, victus & vestitus, si non ad salivam sint, spinæ sunt, omnis denique disciplina Regularis ipsis spina ac spinosa est. Cum ergo omnia regularis vitæ commoda huiusmodi otiosis monachis spinæ sint, nec quidquam delectet, quod spiritum religiosum sapere, ac saginare possit, quid aliud superest, nisi ut ad duo veluti extrema laxitatis genera se se diffundant. Aut enim per frequentiores exi-

T

tus

tus creaturarum solatia extra Monasterium quarunt, aut intra Monasterium pigritate, somno duntaxat, cibo, potuve, nugis, ac jocis se se recreare gessiunt: & cum hæc ipsis à Superioribus non conceduntur (quemadmodum concedi non possunt) mox insolescunt, & amarulenter obganniunt, ac nescio quot querelis & contumeliis Superiorem quandoque invadunt, nunc indiscretum, nunc inurbanum, nunc regiminis inexpertem, aut omnino ineptum proclamant, imò nonnunquam teste Bernardo sub eodem jugum obedientiæ recusare non erubescunt, & quod majoris malitiæ genus est, de hac sua audacia & animositate desuper adhuc gloriari non verentur, audentque, ut sic *in rebus pessimis latari & exultare, cum malè fecerint.* Hi profectò peccant in Spiritum Sanctum ait Landilpergius, cum, hac sua exorbitantia, non hominis, sed in homine scilicet Superiore suo, DEI auctoritatem illudendo blasphemant. O! miseri Superiores, & infelices Præsules, verè commiseratione digni, quicunque de hujusmodi farina Subditos nati sunt, nam quidquid agunt, mille morsibus, mille crisibus lacerantur! si Superiores exequuntur, ad quæ tenentur, subditorum odium in se concitant, si non exequuntur, pusillanimes, ac modici cerebri homines nuncupantur, uno verbo subditorum quili-

quilibet vellet superiorem habere génio suo conformem, & ut omnia juxta suam sententiam fiant, Sunt aliqui, qui in superiore rigorem, alii mansuetudinem desiderant, volunt alii bonis regi & blanditiis, alii virgîs ut ita dicam, & vix non scorpionibus ad disciplinæ frugem compelli. Quis ergo non meritò cum Superioribus ingemiscat? ac cum vera compassione plangat hanc splendidam prælaturæ servitutem? Quemadmodum S. Petrus Damiani *Lib. 6. Epist. 7.* Monachum quendam laudat, quòd Abbatis dignitatem abdicaverit: Ecce (inquit) de jugo multigenæ servitutis ereptus, ingenuæ libertati es per misericordiam DEI restitutus. Quod tamen subditorum pauci considerant, imò Superioribus suis potiùs hoc onus suum pastorale magis aggravant. Verumtamen non sic o impii, non sic, quicumque estis de hoc, arrogantium seu exorbitantium Fratrum, numero. *Anon. Ichnog 8. Discipl. Reg.*

137. Necessaria est Prælato patientia pro ingratitudine illorum, pro quibus tanta sollicitudine laborat, scilicet, quòd vix unquam eis satisfacit, quia semper conquerantur, quòd aliter possit eis, & melius facere si vellet: Quòd sæpe perplexus est an debeat eorum importunitatibus cedere, & acquie-

scere in omnibus, quæ cupiunt, vel rigidè tenere quod credit magis esse expediens juxta illud Pauli: Quid eligam, ignoro, coarctor enim &c. Item quod invertunt ei plurima quæ facit, & interpretantur ad deterius, & super his visitant eundem, & murmurant, & accusant, & detrahunt ei, & sumunt inde materiam scandali, unde putabat se esse DEO & ipsis obsequium præstitisse, ita, quod vix in aliquo potest inveniri remedium in hoc, quod ordinat, aut quod facit, quin semper aliquibus displiceat, & turbetur. Item quod etiam in faciem quidam resistunt ei, vel literis arguunt eum & despiciunt, & concitant alios, ut se ei opponant: vel astutè impediunt, ne possit perficere, quod debet.

S. Bona-ventura de Sex aliis.

138. Si Subditus murmure, aut conqueratur contra Superiorem, factus velut homo non audiens, caveat diligentissimè, ne, aut cum eo, qui detulit, aut cum alio quopiam ita loquatur, ut ostendat etiam se vulneratum, aut ita rem exaggeret, ut dicat: hoc tolerari non posse: omnino illum severiùs castigandum: non esse tales dignos, qui in societate retineantur, & hujusmodi alia; sed cum mansuetudine illud potiùs. Doleo bonum Fratrem in hoc prorupisse, præsertim cùm Superioris Personam teneo;

teneo; cuperem omnino suspiciones has evellere ex ipsius animo, ex passione vehementi ista dixit: compatiatur infirmitati ipsius, cum præsertim hæc, quia in alios redundant, & scandalum pariunt, aliquo remedio indigent. Oremus pro illo, videamus quid consilii? sanare eum potius quam humiliare cupio. *P. Claudius.*

Exemplum P. Paschasii.

139. Cum Pater *Paschasius Boert* rediret Bellos-Lutetiam, iter habebat pedester Beltrando Roserio, qui id scriptum reliquit per agrum, in quo de metendis frugibus ad triginta homines opus faciebant. Hi continuo P. annosum conspicati senem, ludibrio cæperunt habere, & onerare convitiis, simulatorem inter cætera, deceptoremque magnis vocibus inclamantes. Quem ad verborum sonitum, quasi ad jucundam symphoniam baculo suo innixus, ut avidis auribus omnem exciperet, constitit Pater, nec gressum movit, quoad illi laceritate, partimque pudore finem fecere. Tunc verò Paschasius erigens se, placidissimoque vultu miseros, quasi de beneficio grates acturus, intuens; DEUS inquit: benignè verbis faciat, Filii, ac benedicat, eaque dicens:

cens: manu simul crucis salutare signum ad benedicendum expressit. Non tulere tam insolitam consuetudinem quamvis rustica pectora. Diceres vim continuò bonæ, famuli DEI, precationi servasse? exemplò velut attoniti, ad ejus circumfusi pedes veniam precantes, se iniquos conviciatores, illum verò Virum Sanctum re vera deprædicant. *Nicol: Lancicus.*

Prælati sit Magnanimus.

140. Excipit (:Magnanimus:) adverso pectore, omnium adversantium tela, nil reluctans, ut ad summum virtutis fastigium perveniat, cum Viris mediocribus & infimis modestum se ac moderatum exhibet, coram Principibus & opulentis non se projicit, nec adulatur, nec eorum potentiâ suam opprimi finit libertatem. Quæ odio vel amore digna sunt, apertè odit, apertè amat, quæque palàm dici vel fieri debent, liberè loquitur & operatur, quia nil timet, aut sperat. Facit eadem, quæ cæteri hominum, sed non eodem modo, atque ideò utitur dissimulatione in vulgus, nec se facile populo miscet. Non meminit injuriarum, & in his, quæ necessariò perferenda sunt, nec querulus, nec supplex est. Pau-
cos

cos laudat, nec ipse laudari optat, sed facere laude digna, non vivit alterius nutu, nisi amici & Superioris, neque facile admiratur, quia nihil illi magnum, vel novum videtur. In omni casu se ipso tutus, nullis rerum movetur eventibus, motum habet tardum, vocem gravem, orationem stabilem ac sedatam, non enim festinat, qui paucis rebus studet, nec vehementer contendit, qui se ipso contentus est.

Ioannes Bona: Manuduct: C. 29.

141. Magnus animus ad magna semper aspirat, eaque omnia velut minuta contemnit, quæ pro maximis vulgus habet, opera quidem efficit, quæ multo honore sunt digna, sed ipsum honorem & denegatum non ambit, & spernit oblatum, nisi aliter exigant DEI honor & obedientia. Nihil ad ostentationem, sed omnia ad conscientiam refert, recteque facti, non populi sermone mercedem, sed ex facto petit, in edito stat semper, excelsus, insuperabilis, par sibi in omni rerum statu, nec locis altioribus se ingerit, contentus magnitudine sua, super omnia eminet omnium Dominus, & ideo nulli se submittit, neminem rogat, quia extra se nulla re indiget. Nihil est, quod ipsum terreat, aut incurvet, se profert, & spectari vult non vanitatis studio, sed attento gradu, in quo degit, & DEI donis, quibus

bûs refulget. Stat tamen cum his inconcussa humilitas summa coram DEO, quia omnia bona sua, omnemque gloriam in ipsum refundit, pro certo sciens se ex se ipso nihil habere, nihil posse, nihil esse. Hoc est virtutis fines agnoscere, de se suisque rebus humillimè sentire, iisdem tamen habitos honores salva modestia non repudiare. Sequi enim debet gloria, non appeti. *Idem ibidem.*

*Prælationes non sunt ambiendæ, sed
ex obedientia suscipiendæ.*

142. Refert Eusebius Nierembergicus ex revelatione, cuidam Sanctæ Animæ & Sponsæ Christi ex Ordine Sancti Francisci, à DEO facta. Cum enim hæc aliquando à Domino postularet, an cuidam Religioso expediret honorificis Prælationum officiis se miscere? hæc Divinitus oracula accepit; Voluntas mea est, ne servus meus ullum ambiat officium, imò nec ullam ejus habendi voluntatem significet, nec ullam cogitationem toleret, aut desiderium, nisi tamen obedientia Majorum, dispositio Superiorum ad aliquod officium eum adegerit, pareat jubenti, & ut obligationi suæ satisfaciatur,
me

me in Oratione consulat, ego illi lumen imper-
tiam, adeoque eum gratiâ meâ, ut in omnibus sciat
exequi meam voluntatem. Nec pro amicis meis
officia hæc à me petatis, petite potius gratiam &
misericordiam. Pauci habent officia ex voluntate
mea, adeoque & pauci propter illa salvantur &
multi Sanctorum, quia ea habuerunt, non proinde
plus Sancti fuerunt. Invidus dæmon boni illius,
quod amici mei possident, cùm officiis carent, sol-
licitat, qui ad officia assumat illos, & nonnunquam
mediis, quæ sanctitatis speciem præ se ferant. Mul-
tæ enim fraudes in hoc accidere possunt. Dicunt
se à me in officiis collocatos, quod minimè ita est,
imò potius meos ab hac occupatione removeo,
propter ingens ejus periculum. Plus enim placet
mihi in angulo domûs possidere eos tanquam me-
os, quàm si miracula patrâssent, ubi cupiditas pro-
pria illos constituit. Relinquitte vos, ut à me
ducamini, ego enim dabo vobis, quod magis ex-
pediat, quodocunque enim voluero facillimè cor-
da movebo, ut ibi vos statuam, ubi vobis magis
expediet absque vestris diligentibus: imò quantò
magis obliti, & negligentes in vosmetipsos fueri-
tis, tantò magis memor & sollicitus ero utilitatis
vestræ & Ecclesiæ meæ. Illos, qui mei sunt, hu-
miliare soleo, abigens illos ab officiis, quæ appe-

U

tunt,

tunt, nec enim attendo eorum inclinationi, sed desiderio & utilitati, ut integrè mei sint, memores estote & grati filio meo, quoniam humilio vos, qui autem largiri cupit, quod plus est, nequaquam vult auferre, quod minus est, cùm vobis expedierit. Multis, quia probi sunt, conferuntur officia, quibûs carere & caruisse, præstaret illis, magnum præcipuè privilegium est, necessarium regendis animabus, sæpè permitto malos præesse aliis, iisdemque munia conferri, sive, ut hoc pacto remunerer paucula eorum obsequia, sive, ne desperatione tententur, si semper se despectos, derelictosque videant, sive ut illos occupem in rebus terrestribus, ut mei Filii expediti & liberi sint, ut orationi vaccent, suoque protectui, & saluti insistant, sive ut ii ipsi mali, quia officia gubernaculaque possident, exerceant, humilient & purificent eos, qui mei sunt, sive ut Filii mei agnoscant, quantum bonum ipsis providerim, & à quot culpis eos liberaverim, dum sinè officiorum onere illos conservaverim. Quæ officia multos, quia antea videbantur sensati, vanitate sua infatuârunt. His officiis multi annectuntur labores, vituperia, inhonorationes, curæ, multaque alia onera, è quibus omnibus eripio ego meos amovens ab officiis, unicum duntaxat munus volo ut meos occupet,

per, imitari scilicet Filium meum JESUM Christum in vita & morte, & ego providebo, quidquid illis utile, & salutare erit. Confidant de me, Qui sum Pater omnia potens, & ex corde diligo illos, atque præstabo illis officia, & quidquid spiritualiter, & temporaliter salutaris erit, sufficiens bellum habeant Filii mei in cellis suis cum carne sua & dæmone, absque eo, quod voluntate sua in Mundi discrimina se immergant, per gubernandi curam.
Euseb. Nierembergus &c.

Susceptæ fortiter ferendæ.

143. Vir fortis non se temerè malis ingerit, sed advenientia constanter fert, non appetit formidabilia, sed spernit, ibi extollitur, ubi cæteri depriuntur, ibi stat, ubi alii jacent: Non illum subigit dedecus, non repulsa, non exilium, non injuriæ, non eum carcer, non tormenta, non ipsa mors exterrèt, omnem luctum, omnem ægritudinem, omnes molestias magnitudine sua elidit, non se minis, aut precibus à recto detorqueri permittit: non despondet animum, & si plura benè cæptis obsistant impedimenta, non cedit oneri, nec officiò semel susceptò jactatur, sed persistit, donec perficiat, stat

rectus sub quolibet pondere, nulla illum vis, nulla potentia, nullus terror minorem facit, periculis undique imminentibus non allidit virtutem, nec abscondit. Quò denique tendat, semper attendit.
Ioan: Bona: Manud: C. 28.

144. Pro communi utilitate ad singulorum profectum tam aequalium, quam minorum se Pastores animarum prudenter exerceant, temperanter vivant, tolerant fortiter, iustitiæ Regulam ita custodiant, quatenus per ipsos honoretur DEUS, & ad bonum excitentur proximi, Ecclesia gaudeat, lætificentur Angeli, universusque Sanctorum cætus exultet in Domino. Cæterum, ut hæc, ipsis mediantibus fiant, studeant in lumine prudentiæ intelligere, quæ sit voluntas DEI beneplacens atque perfecta, qualiter sibi commissos debeant regere, leges disponere, dividere officia, dignitates impertiri, ordinare gradus, singulorum qualitates agnoscere, conversari cum omnibus, prævidere pericula, tentationes discernere, vitare casus, corpus proprium gubernare, virtutes acquirere, exercere dona, & carnem rationabiliter subjugare Spiritui, sciant quoque Cælestis gratiæ opitulante præsidio, vitam suam modestè ducere, motus animi inordinatos cohibere, carnis impetus restringere, sensualitatis petulantiam

tiam domare, visum ab aspectibus voluptosis avertere, ab obtruncationibus auditum obstruere, à murmurationibus linguam compescere, tactum à lenociniis impudicis refrænare, cum gravitate incedere, rationabiliter loqui, sobriè cibum sumere, circumspectè conversari, omnes interioris exteriorisque hominis actus, sub disciplina virtutum moderari, adversa insuper omnia, damna videlicet rerum, Parentum exitia, discrimina propinquorum, opprobria, contumelias, irrisiones, verbera, carceres, vincula, exilium, persecutiones, paupertatem, famem, sitim, nuditatem, langviores, tentationes, pericula, casus & mortem, pro amore DEI, & creditarum sibi plebium utilitate, strenuè, fortique animò (causa tamen urgente legitima) tolerare. Postremò, in cunctis operibus suis justitiam exercentes, ad bravium mercedis perpetuæ valebunt feliciter pervenire. Hæc profectò est virtus, quæ ornat mentem, conformat DEO, & virtutes gratificat universas; prudenter quidem discernere quæ agenda sunt, corpus & facultates moderatè disponere, aggredi viriliter ardua parum prodest, nisi sine debito hominis intentio dirigatur. Quamobrem ille Præsul meritò dicendus est justus, qui DEO cogitationum, actionumque suarum, perpetuum exhibet famulatum, atque proximo suo in omnibus honestis, ac piis
necessi.

nece litatibus ejus sedulum dilectionis præstat obsequium, quique universis studet prodesse, in consiliis, exhortationibus, admonitionibus, & exemplis, atque in cunctis operibus suis sine crimine transire conatur. *S. Laurent: iustini*

145. Boni Magistri bonos Discipulos facere conlueverunt ut frequentius, multi fierent meliores in Religionibus & in Ecclesia, si melioris vitæ eis exempla in suis Doctoribus proponerentur. Negligentia verò hujusmodi ab illis, qui culpabiles sunt, distinctè in judicio requiretur. Nam Dominus dicit: *Ecce Ego ipse super Pastores requiram gregem meum de manu eorum. S. Bonaventura.*

Tria maxime, Prælati subditis commendent.

146. Tria sunt verè monita à summis Prælati ab inferioribus urgenda, hortari nempe; ut Orationis & mortificationis spiritum alant, ut observantiam regularem tueantur, ut pacem constabillant. Primum monitum cæterorum fons est. Si enim Monachi Prælatorum exemplo & hortatu, Orationis

nis studio se dent, propriasque passiones subjugare
constituant, firmissimū sanè fundamentum, ad, Mo-
nasticæ perfectionis, ædificium, perfodient. Spiritu
quippe cælestibûs donis instructo, ac intento, cor-
poreque domito, nullis dæmonis infestationibûs à
communis ac regularis vitæ cursu se retardari, aut
pacis bonum ex ulla parte labefactari comperient.
Res apud Monasticæ rei Consultos certa & diutur-
na observatione deprehensa est. Secundum monitū
omnium legum custodiam amplectitur, sed in so-
lemnium votorum observationem præcipuè incum-
bendum est: ut nôrit Ordo Universus, Generalem in-
stare, ut obedientia, castitas, paupertas, exactè co-
lantur, licentiamque in rebus tantis ferre nolle. Ter-
tium monitum mixtionem quandam charitatis pa-
tientix ac prudentix requirit, ut Prælati inferiores,
monente Generali, amanter, patienter, ac prudenter
agant, pacemque nutriant, quæ bonum quoddam
Divinum est, cujus gratiâ multa ferre ac dissimula-
re Clarissimi Ordinum Patriarchæ docuere, Ioanni:
à Iesu Regi Monas: P: 2. C. 17.

Prælati tutiorem sententiā sequatur.

147. Vereor, ne multi Præsides, qui sibi viden-
tur innoxii, damnentur interitu sempiterno, quem
dum

dum contemplor, equidem cohorreo. Et profectò timor hic meus, fundamentò minimè caret, quod planè perspiciet, qui Gubernatoris officium attentè trutinaverit, simulque animadverterit, quod ego sæpe observavi, Præfectos plerosque admonitos de rebus seriis, quas officii suscepti ratio suggerit, tanquam à gravi somno evigilantes, novamque doctrinam sibi obtrudi credentes facile ostendère, se degente sibi credita tenuiter cogitasse, iis præsertim in capitibus, quæ Christus ab eis maxime requirit. Quod verò bonis æstimatoribus pejus in hoc genere videtur, audacia quædam est eorum, qui, cum opiniones Theologorum Jurisque Prudentum communes audierint, hærent nihilo secius levioribus paucorum sententiis parùm tutis, maluntque periculoso itinere se committere, quàm peractam salutis viam à Christo ostensam, incedere. Miror certè ausum hunc, si enim in urbe amplissima, quam interfluit amnis, duo pontes populo transitum præberent, communique bonorum Architectorum sententia pons alter, parum tutus existimaretur, profectò vix è multis millibus unus tutiorem pontem mortalis vitæ amore perurgente non peteret: Quomodo ergo è duabus opinionibus, quarum altera communi Sapientum consensione reprobatur, quæ minus tuta est, à tam multis eligitur? an immortalis vita æquè

æquè ac mortalis non ametur? cur tamen vitam hominis immortalem cum mortali confero? certè, ut in exemplo duorum pontium allato persistam, nemo, non se ipsum modò, sed ne equum, quo ad exportandum stercus utitur, periculoso ponti crederet. Si ergo equus, vel asellus pontem infidum pertransire non sinitur, ne fiat modica rei familiaris jactura, cur anima Sangvine Christi redempta periculosis opinionibus in tanto æternæ mortis discrimine se ipsam credit, sibi que tantopere vilescit? *Ioann. à IESU.*

Prælati sit parcus in concedendis favoribus, signanter Communitati.

148. Potest quandoque Religioso particulari propter speciales labores, speciale indulgeri solatium, ast non ita facilè communitatis quia, quod in particulari conceditur: ut plurimum, tanquam favor accipitur, quod autem omnibus indulgetur, prope diem festivis characteribus Calendario inseritur, ut simili occasione vel Festo tanquam debitum expectatur, quidquid vel semel fuit speciali favore concessum. Superiori autem erit reddenda ratio de om-

W

mnibus

mnibus excessibus, quicumque vel ex tali concessio-
ne, vel ex talis vigoris mitigatione, vel ex tali dis-
simulatione & conniventia, etiam post multos an-
nos evenerint. Ipse enim sparsit semen talium fructu-
um. *Æmilia: Naasl.*

Prælato nimietas vitanda.

149. Qui pluribus cogitur vivere ad exemplū:
& satisfacere singulis, & omnibus placere, multa in-
diget discretionē, ut medium valeat retinere, ne
sit nimis tristis, vel hilaris, nimis severus, vel le-
nis, nimis socialis vel alienus, nimis tacitus, vel
verberosus, nimis durè loquens, vel blandè, nimis
rigidus, vel remissus, nimis sæpe cum hospitibus
vel rarò, nimis lautè reficiens, vel tenuiter, nimis
facta Fratrum observans, vel dissimulans, nimis fo-
vens aliquos, vel alios parvi pendens, & similia.
Cum ergo non possit semper teneri, quòd omnibus
placeat, minùs tamen deviat, si ad benignitatis par-
tem plus declinat, per quam redditur subditis ma-
gis amabilis, ob quam ei libentiùs obtemperant, &
audaciùs ad eum recurrunt, in quibus indigent.
Ipsa enim potestatis autoritas facit eum satis ti-
mendum subditis, & si huic jungitur austeritatis se-
veritas

veritas, pavidis fit mentibus onerosa, *S. Bonav. de sex alis C. 6.*

Subditus inauditus ne puniatur.

150. Dum alicui pœnitentiam injungit præsertim graviorem, non injungat, non auditô priûs & interrogatô subditô; qui, si neget culpam à se commissam, & convinci non possit, satius est abstinere à puniendo, quàm cogere invitum ad pœnam, ex qua coactè suscepta, non sequitur emendatio, sed amaritudo cordis, & aversio à Superiore, quæ longè majora mala sunt; quàm sit bonum, coacta puniatio. Si verò Subditus agnoscat culpam, & judicet se pœnâ dignum, imponat ei sinè ullo signo cōmoti animi, sed potiùs ex amore conservandæ disciplinæ, vel satisfaciendi prò dato scandalo, vel impediendi, ne ab aliis similia committantur. *Nicol. Lancic. Opusc. 12. C. 19.*

*Prælati nihil ex præoccupatione
judicet.*

151. Curet quoque solerter qui præsidet. æqua discretionis lance, & non propria affectione vel passione

sione singulorum dijudicare itinera? Accidit namque sæpe, ut, minùs purgata Rectoris mens dirigere conetur subditos, prout sibi ipsi libuerit, vel sicut ex propria cognoverit experientia, menti suæ esse conformes, atque parvi fortè momenti arbitretur, quisquis ab eo, quod ipse aut vivendo, aut loquendo commendaverit, dissentit. Sola, quæ juxta proprium sunt appetitum laudat, cætera verò nunc dissuadendo, nunc detrahendo deprimere molitur. Hoc omnino non expedit, sed singula in singulis DEI extollenda sunt dona, quæ, quamvis contraria esse videantur, uno tamen laudabilis intentionis consensu, & in DEUM tendunt, & DEUM pariter magnificare noscuntur. Propterea debet, qui præest, ne in has errorum decidat foveas, sibi que commissos trahat, mentem habere à passionibus liberam, & supernæ splendore sapientiæ decoratam, atque fraternæ compassionis affectu perfusam. S. Laur: lust. de Discip: Monas: Convers: C. 9.

Vitia plerumque sub virtutis specie latent.

152. Scire etiam Rector debet, quòd plerumq; vitia, virtutes se esse mentiuntur. Nam sæpe, sub
parsimo-

parimonix nomine, se tenacia palliat, contractaque effusio, sub appellatione largitatis se occultat; sæpe inordinata remissio, pietas creditur, & effrænata ira, spiritualis zeli, virtus æstimatur. Sæpe præcipitata actio, velocitatis efficacia, atque agendi tarditas, gravitatis consilium putatur. Unde necesse est, ut Rector animarum, virtutes ac vitia, vigilantia cura discernat, ne aut cor tenacia occupet, & parcum se videri in dispensationibus exultet: aut cum effuse quid perdit, largum se quasi miserando gloriatur, aut remittendo, quod ferire debuit, ad æterna supplicia subditos pertrahat, aut immaniter feriendo, quod delinquitur, ipse gravius delinquat, aut hoc, quod agi rectè ac graviter potuit immaturè præveniens, leviget, aut bonæ actionis meritum defferendo, ad deteriora permutet. *S. Gregor: Reg: Pastor.*

Prælati cui patrocinari debeat.

153. Imbecilliores ad tuam opem, sed ex iusto confugientes, non desertos patiaris: fidam enim operam præstant; vide tamen ne eo sub prætextu, flagitiò pollutis liberum apud te asylum permittas, & ex eo falsam protegendæ potentiam præsumas, quæ tunc solùm vera & gloriosa est, dum virtutis, non vitio patrocinator, *Max: Fredro. Mon: Pol: Part: III.*

Præla-

Prælati in ordinandis rebus pedetentim procedat.

154. Volens redigere in ordinem res non bene procedentes, non statim velit omnia ordinare, sed faciat initium, à re aliqua majoris momenti, eâ bene ordinatâ, pergat ad reliquas successivè, aliàs repentina omnium rerum mutatione præter admirationem & displicentiam in Communitate concipietur de illo à Subditis opinio non conveniens, & noxia suo officio: ac timor quidam alios invadet, ut declinent eum tanquam violentum reformatorem & turbulentum caput. Ista est humana fragilitas, cujus est quandoque habenda ratio: hinc factum est, ut nec Christus Dominus, nec ejus Apostoli legem veterem statim abrogârint, post Christi Ascensionem, sed pedetentim. Nicol: Lancic: Opus: 12.

Prælati in actionibus suis ad proborum duntaxat judicium attendat.

155. Non rarò evenit, ut Superior aliquid faciat, nec tamen causas & motiva manifestare possit, vel debeat. Nam quandoque obstrictus erit sigillò inviolatæ

violabilis secreti, adeoque, si aliquid dicat, præter violationem secreti, forsan totum negotium destruet, & pessimos effectus producer. Quid ergo faciat in tot angustiis constitutus? an suam mentem candidè aperiatur? sed secretum frangit, omnia destruit, & pro eo, quod nimium defectum emendet, forsitan majorem committat? an nihil dicat, & tamen faciat, quod æquum judicat? Subditus hoc judicabit, dissimulationem, prætextum; dicatque quòd nullam erga eum habeat confidentiam, quòd agat dolosè, fraudulenter, quòd non sit sincerus candidus, sed versipellis. Quid ergo faciat miser Superior? quod si loquatur, offendit DEUM, violat secretum, prostituit suam conscientiam. Quod si taceat, Subditus summoperè affligitur, ita, ut nisi veniat aliquis Sanctus Gabriel, quædam Sancta inspiratio, & diem producat in illo misero, tenebris involuto, & omnia illa dubia diluat, Superior, quamvis esset Seraphim, cuivis satisfacere nequeat. Nunc capio cur S. Paulus tam dilucidè dixerit, si conarer hominibus placere, sanè non essem bonus servus mei Domini Christi JESU. Nam dantur Subditi naturæ tam malæ, vel ob aliquam passionem, quæ prædominatur, adeò inordinati, ut contentari nequeant, nisi Christus, & probiores, qui in Communitate degunt, offendantur. Hæc itaque consolatio Virorum
 Sancto-

Sanctorum & etiam S. Bernardi fuit, qui videns suas actiones in sinistram partem trahi, crebro dicebat. Bernarde! audiant mansveti & latentur & sufficit nobis. Actiones meæ cribrentur, judicentur à Personis benignis, à capitibus mansvetis, suavibus, impassionatis: Nam si boni mea acta approbent & rata habeant, reliquos nil æstimo; nec aliquid ulterius in mundo desidero. *Rennat: Franc:*

*Prælati non facile consilium mutet,
nisi in melius.*

156. Non sit (qui præst) levis in proposito, & inconstans in consilio, ut, quod jam placet, mox displiceat: modò velit unum, modò contrarium, ubi potissimum rationabilis causa non apparet. Quis enim ejus judicio credat, vel ejus voluntati se contemperet, quem in neutro stabilem agnoscat? ideo ejus subjecti non possunt ejus revereri prudentiam, nec sciunt se parare ad ejus voluntatis obedientiam, & in utroque non potest non esse modicum nocumentum - - Ubi tamen causa rationabilis subest justæ necessitatis vel piæ utilitatis, ut aliter, & aliter fieri expediat, non est hoc levitas, sed maturitas,

tas, 'quia sicut stultum esset, melius mutare in deterius, sic etiam stolidi esset obstinatio tam pertinaciter inhærere conceptis, ut pro majori bono, & aperto, flecti ab illis non possit. *S. Bonav: de sex alis Cap: 6.*

Prælati sit circumspectus in suscipiendis querelis.

157. Summoperè cavendum est, nempe, ut, dum omnibus satisfieri nequit, Superior nulli gratificari conetur, quamvis enim subdito non semper injuria inferatur, attamen sæpè offenditur, & Superior ex parte sua injuriam committit, vel quia non est benè informatus, vel quia nimis excandescit, vel quia nimis facilem fidem adhibuit delatori, qui, quamvis se rem æquam facere putet, attamen defectum nimium exaggeravit, & muscam vendidit pro elephante, vel quia tandem ob aliquam impatientiam, naturalem, torvè, morosè, durè, subditos alloquitur, aut ferum, immanem, erga eos se exhibet. Et profectò hæc materia est maximè momenti, cùm enim Sancti, sint homines sicut alii, quamvis quæ Sancti actiones valde perfectas producant, attamen, quæ

hominibus iis 'quandoque aliquid elabitur, quod humanum sapit. Porro, sicut subditi indecenter ponderant hanc impotentiam eorum humanæ conditionis, ut omnes eorum defectus propalent, ita valde decenter & prudenter Superior absque ullo fucō agnoscit se esse hominem defectuosum, & humiliter, ac verè fateatur se esse imperfectionibus obnoxium, seque inculpabiliter posse errare, & in multis deficere. Hoc moderamine, DEO gratificabitur per suam humilitatem, bonis per suam charitatem, imperfectioribus per suam patientiam & longanimitatem. Porro, quamvis non omnes perfectè contentet, attamen hoc solatio perfunditur, quòd ejus regimen, modus agendi futurus, sit gratus sapientibus & sensatis, qui DEUM benedicent, quodque ille nihil, sinè circumspecto sensu suorum ordinariorum consultorum & prudentiorum, edisserit. *Renn: Franc. Id. Bon: Reg: c. 6.*

158. Magna haud virtus est, faciles præbere aures defectibus: difficile est eas præbere virtutibus, contrarium enim fieri deberet. Quale enim cor Subditus possit habere? qualem amorem? qualem fiduciam? si videat, quòd tam sinistram opinionem de eo habeas, quòd facillimè fidem præbeas ejus defecti

defectibus, exigua autem vel nullam ejus virtutibus, rationibus innocentia, *Rennat: Franc;*

Prælatum ex levibus conjecturis neminem condemnet.

159. Quæ major temeritas esse potest, quàm occulta, quæ nec scis, nec scire potes, dijudicare. Quis (ait Apostolus) hominum scit, quæ sunt hominis, nisi spiritus hominis, qui in ipso est 1. c. 2. Imò & ipsummet multa prætereunt, solusque Spiritus Divinus illa novit, Qui cordis penetralia scrutatur. Quomodo verò illum judicare poteris, qui hodie improbus est, cras talem etiam futurum, vel non convertendum, cum solus DEUS nòrit, quæ eventura sunt. Si dixeris, ex indiciis externis perspicui posse, quæ intra mentem delitescent, quæque postea eventura sunt. Hoc ipsum temeritatem tuam arguere, & prudentiæ defectum indicare tibi respondeo. Imò quamvis legitimus proximi tui judex esses constitutus, eorundem tamen nisi sufficienti rei probatione præcedente damnare non deberes, quare si nudis levibusque indiciis nixus condemnes, insignem illi injuriam irrogas, tam & ipse

DEUS (ut Evaristus & Gregorius observârunt) quò
 nostram temeritatem, judicandique pronitatem re-
 frænaret, Sodomitarum peccata noluit dijudicare,
 nisi verbis illis præmissis: Descendam & videbo,
 utrum clamorem, qui venit ad me, opere comple-
 verint? an non est ita, ut sciam; quo loquendi mo-
 do ostendere voluit, se, non ex solo relatu aut levi-
 bus conjecturis dijudicare, sed re planè comperta &
 benè perspecta. Nolite (inquit Dominus) judicare
 secundum faciem, sed justum, veritatisque judicium
 judicate. Idem svadet lex illa naturalis, quæ præ-
 cipit: Quod ab alio oderis tibi fieri, tu ne alteri
 facias. Nolles porro à quoquam temerè judicari
 de rebus tuis, cur igitur de alienis ipse tam leviter
 dijudicas? nolles ab alio interiùs contemni, cur ergo
 tu alium contemnis? si nolles falsum testimonium
 ab alio de te dici, cur tu injustè & immeritò alium
 calumniaris? temerarium enim judicium aliud non
 est, quàm quidam proximi contemptus, & falsum
 de illo testimonium, quod in corde adversus illum
 profers, dum sinistram de illo concipis opinionem.
 Si proximi peccatum tam grave tibi videatur, con-
 sidera quæso tuum, quod temerè hic dijudicando
 committis, sapiùs etiam gravius fore. *Ludov. de*
Ponte:

Præ-

Prælati fraudulentos ne audiat.

160. De Viro autem fraudulento quid memorem? sermonibus namque illius non facile Præsul credat, dum iudicat. Consuevit utique aures iudicantis blandis mulcere adulationis eloquiis, pietatis inferere verba, compassionem ostentare in gestis, cum intus plenus sit nequitia, simulatione, & odio. Observat quasi leo in spelunca sua, si quomodo iudicem capiat in sermone, & si illum callida locutione decipere possit. Quærit Præsulis intellectum captivare rationibus fictis, iniquitatis ipse effectus captivus. Denique, dum vult tenere, tenetur, & dum fraudem meditatur inferre, ipse decipitur ab eo utique, qui deceptionis suæ calliditate priorum Parentum nostrorum abstulit gloriam, illosque expoliavit candore innocentia, puritatis bono, dominio creaturarum, habitatione Paradisi, Angelorum consortio, felicitate cælesti, propter quod effecti sunt inimici DEI, sibi ipsis contrarii, coloni mundi, agrorum cultores, super terram profugi, delictorum obnoxii, corporis servi, jumentorum similes, velint nolintque, mortales. Tales profectò fructus, talisque merces est subsecuta fraudis inventoris, ac seminantis ex fraude. Hoc siquidem lethale

le virus, ex quo humanum omne deordinatum est genus, antiquus coluber quotidie in cordibus iniquorum infundere non desinit, ut, quod minimè per se valet, hoc per membra sibi subiecta perficiat. Nam quemadmodum Sancti & Iusti membra sunt Christi, ita scelerati & infideles sunt instrumenta diaboli, Hinc prudenter admonentur Pastores Ecclesiæ, & in regimine constituti, ut fraudulentorum observent diligentissimè venenata consilia ac colloquia, quæ, ut cancer serpunt & veritati semper obfistunt. Porro, cum difficultate talibus credenda est veritas, nisi sit in propatulo, & ipsa sibi ipsi conspicuum testimonium reddat, *S. Laurent. Iustin. de Institu. Præl.*

Neque Adulatores & Detractores.

161. Duo sunt genera hominum, quorum consilia prudens Rector non debet recipere, scilicet adulatores & detractores, Primi istorum, seducunt eum, ut magis de se, quàm expedit, præsumat, juxta illud: Qui beatum te dicunt, ipsi te decipiunt, & viam gressuum tuorum dissipant, ne de te vera sentias humilitate propriæ cognitionis. Secundi inducunt eum, ut pejùs quàm debet, de aliis suspican-

spicando sentiat, & sæpè innocentes condemnet, & priusquam veritatem rei plenè cognoscat, dicente Scriptura: Aures principum simplices, & ex sui natura illud æstimantes callida fraude decipiuntur, & malis quorundam suggestionibûs, Regum studia depravantur, ut eos, qui credita sibi officia diligenter observant & ita cuncta agunt, ut omni laude sint digni, mendaciorum cuniculis conentur subvertere. Cùm autem tribus de causis soleat requiri consilium, scilicet propter emendationem, ut discatur, de quo dubitatur, propter auctoritatem, ut plus habeat vigoris, quod per tales consultum fuerit, & propter pacem, ne habeant aliqui occasionem murmurandi. Ideo propter primam causam consulendi sunt prudentiores, propter secundam nominationes, & propter tertiam omnes ad quos negotium pertinere videtur. Sed quia singularia sinè numero sunt, in quibus discretio est necessaria, non potest dari certa & communis regula, quæ valeat pro omnibus. *S. Bonavent: de Sex alis.*

*Nec facile omni nuntio credendum,
sed præmeditatione opus.*

162. Pleraque indigesta ex conjecturis levibus orta, ad Gubernatores deferuntur, quæ animum non
benè

benè firmum graviter afficiunt, & ad odium, iram, vindictamque propellunt. Quamobrem præmeditatione opus est, ut Vir prudens non temerè fidem commodet nuntiis, vel susurris, animumque dilatat, ut capiat multa, nec revomat, passionesque subsultantes rationis frænô coërceat. Vix dici queat, quam deceat Gubernatorem intus concepta, vultuque exhibita tranquillitas, incompositis motibus minimè obnoxia, quæ cælestem quendam statum repræsentat. Quo quidem in genere laudem primam promerentur, qui nuntia mæsta sedatè & constanter recipiunt, quales Job, qui armentorum prædæ, cælestis incendii concussæ domus convivalis, oppressorumque Liberorum nuntios incredibili animi fortitudine ac latitudine accepit, cujus proinde laus nulla oblivione delebitur. Illi verò facilè vituperandi, qui levi suspitione tacti vehementer commoventur iræ impetu, tanquam fremitide correpti. *Ioan: à IESV de arte Guber: P. IV. c. 16.*

*Prælatorum conditio, quantis sæpta
incommodis.*

163. Ergo insanis, si putas adepta te dignitate securum & quietum fore. Quod olim licuit, jam
non

non licebit, minor licentia in magnis est: Quò al-
 tior fueris, eò magis vitia tua apparebunt. Non la-
 tet qui in fastigio est, si qua tibi olim tranquillitas
 fuit, jam periit. Nullum tibi Secretum liberum
 erit, nullum poteris diem ex arbitrio tuo dispo-
 nere. Magni sunt ex alto casus. Frustra requiem
 tibi quæris, ubi omnes periculum & labores, mul-
 tique miserum vitæ exitum invenerunt. Non ca-
 piunt securas dapes Regiæ mensæ, auro & gemmis
 bibuntur toxica. Quot Reges proprio sanguine
 solum purpurârunt! lubrica in summo statio est,
 pendula omnia & præcipitio proxima. Tutiùs itur
 per plana. Quàm magnus admirantium & plau-
 dentium numerus, tam magnus invidentium est.
 Quanti ibi insidiantium acervi, & oppugnantium?
 quàm intuta omnia & suspecta? non servis fides,
 non amicis, non Fratri &c. Ad humi jacentem do-
 mû non intrant scelera, securiùs vivit, qui latet, nullû
 timet, quem nemo timet. *Ioan. Bona Manud. c. 9.*

164. Attamen cupidi sumus ascensionis, exalta-
 tionem concupiscimus omnes, nobiles enim crea-
 turæ sumus, & magni cujusdam animi, ideoque al-
 titudinem naturali appetimus desiderio - - - *S. Ber-
 nar. Ser. 4. in Dom. Asc.* Audi breviter de hono-
 ribus: Ducein te constitue, & data est tibi facultas
 ut miser sis, & ampliùs non quiescas: Cumulatur

matéria sollicitudinem, & inter ærumnas cor ipsum
 excedentes, necesse est vultum induere gaudiorum.
 Nunquid in honore, sinè dolore? in Prælatione sinè
 turbatione? in sublimitate, sinè vanitate quis esse po-
 test? Miseri, juxta Philosophum, mercedem miseria-
 rum amamus, & ipsas execramur. Audi & de glo-
 ria. Si quæris gloriam, omnibus invidiæ semina
 præbuiſti. Inflatuſ es & in ventilatorio plenius dil-
 rumperis, nec attendis quot te ſequantur, ſed quot
 te præcedant. Conglomerantur omnes ad detrahen-
 dum tibi, ad maledicendum linguas acuunt, & ar-
 gutiſſimus es, ſi vel manum, vel linguam invidorum
 poſſis evadere. Ecce unde glorioſus eſſe volebas,
 inglorioſus eſſe convinceris. *Idem Ser. in Ho. S. Ni-*
colai. O ambitio ambientium crux! quomodo o-
 mnes torquens, omnibus tamen places? nil acerbius
 cruciat, nil moleſtiùs inquietat, nihil tamen apud
 miſeros mortales celebrius negotiùs ejus *Idem L. 1.*
de Conſid. c. 1. Meditantibus quidem honores blandi-
 untur, ſed onera penſantibus odio ſunt, atque for-
 midini. Non autem omnes capiunt verbum hoc.
 Multi enim non tanta fiducia & alacritate current
 ad honores, ſi eſſe ſentirent & onera. Gravari pro-
 ſectò metuerent, ne cum tanto labore & periculo
 quarumlibet affectarent infulas dignitatum. Nunc
 verò quia ſola attenditur gloria & non pæna, pu-
 rum

rum esse Clericum, erubescitur in Ecclesia, seque viles existimant & inglorios, qui, quocunque eminentiori in loco non fuerint sublimati. *Epist. 42.*

165. Sufficit hucusque nostris nunc Con-sacerdotibus (Con-Abbatibus, Con-Prælati &c.) paululum dilatasse sermonem. In quorum Excellentia, simul & casum demonstravimus, ne fidentes in sublimitate honorum minimè requirerent perfectionem morum, & in solo se crederent Sacerdotis (Superioris) nomine, plus quàm opere gloriari. Et quanquam sciam, pro hoc libello plures mihi - - - qui hæc quæ loquimur, agere nolunt, infideliter, esse detracturos, credo tamen plurimos, qui hæc agunt, vel agere obnituntur, fideliter pro nobis oraturos. Sed sicut lacerationibus obrectatorum minimè prægravamur, sic demum probatorum & Sanctorum Virorum orationibus adjuvamus. Age jam nunc Sanctificus Spiritus, Qui nos in hoc opere Divinis inspirationibus adjuvisti, cunctos Sacerdotes (Superiores) adjuva & præsta, ut faciant, quæ in hoc opusculo Ipse eloqui inspirasti, ut eis unà tecum tribuas sæculorū Regna, quæ Sanctis in Regno sæculorū dare promissisti. Amē. *S. Ambrosius de Dignitate Sacerd. C. 7.*


Faciētibz hæc, Regna patebunt æterna.
S. P. N. BENEDICTUS in Epilogo sue Regula.

O R A T I O

S. THOMÆ Aquinatis Ecclesiæ Doctoris.

Concede mihi misericors DEUS, quæ Tibi placita sunt,
 ardentem concupiscere, prudenter investigare, veraciter
 agnoscere, perfectè adimplere, ad Laudem & Gloriam
 Nominis Tui. Ordina statum meum, & quod à me requi-
 ris, ut faciam, tribue, ut sciam; & da exequi, sicut oportet,
 & expedit animæ meæ. Da mihi Domine DEUS
 meus inter prospera & aduersa non deficere, ut in illis
 non extollar, in istis non deprimar. De nullo gaudeam,
 vel doleam, nisi quod ducat ad Te, vel abducatur à Te. Nulli
 placere appetam, vel displicere timeam, nisi Tibi. Vile-
 scant mihi Domine omnia transitoria, & cara mihi sint
 omnia Tua propter Te, & Tu DEUS præter omnia. Tæ-
 deat me gaudij, quod est sinè Te, nec aliud cupiam, quod
 est extra Te. Delectet me Domine labor qui est pro Te,
 & tædiola sit mihi omnis quies, quæ est sinè Te. Fre-
 quenter da mihi Domine cor ad Te dirigere, & in defe-
 ctione mea cum emendationis proposito dolendo pen-
 sare. Fac me Domine DEUS obedientem sinè contradi-
 ctione, pauperem sinè defectione, castum sinè corruptio-
 ne, patientem sinè murmuratione, humilem sinè fictione,
 & hilarem sinè dissolutione, tristem sinè dejectione, ma-
 turum sinè gravitate, agilem sinè levitate, timentem sinè
 desperatione, veracem sinè duplicitate, operantem bona
 sinè præsumptione, Proximum corrigere sinè elatione, ipsum
 ædifi-

ædificare verbô, & exemplô sinè simulatione. Da mihi Domine DEUS cor pervigil, quod nulla abducat à Tecuriosa cogitatio; da nobile quod nulla deorsum trahat indigna affectio; da rectum, quod nulla obliquet sinistra intentio, da invictum, quod nulla frangat tribulatio, da liberum, quod nulla sibi vendicet perversa & violenta affectio. Largire mihi Domine DEUS intellectum Te cognoscentem, diligentiam Te quærentem, sapientiam Te invenientem, conversationem Tibi placentem, perseverantiam Te fideliter expectantem, & fiduciam Te finaliter amplectentem. Tuis pœnâs configi per pœnitentiam, Tuis beneficiis uti in via per Gratiam, ac tandem tuis gaudiis in Patria frui per Gloriam. Qui cum Patre & Spiritu Sancto vivis in sæcula sæculorum, Amen.



APPROBATIO

Congregationis Benedictino-Polona sub Titulo Sancta Crucis.

NOS FLORIANUS AMANDUS de Janowek JANO-
WSKI Sacrae Theologiae Doctor, Archi-Coeno-
bii Tynecen: Abbas, Canonicus Cathedralis Craco-
vien: Ejusdem Congregationis Praesidens Generalis:
Harum serie, Nostrique Autoritate Officii, Peril-
lustri Reverendissimo Domino STANISLAO, NICOLAO
de TOLENTINO KIESZKOWSKI Monasterii Ho-
rodiscensis seu Castro-Cassinensis Abbati licentiam
facimus & facultatem impertimur, Librum, cui
Titulus: Paster Bonus ex animo. publicis Typis vul-
gandi, dummodo sit prius duorum Ordinis Nostri
Theologorum censorio Judicio comprobatus, alia-
que servantur de Jure servanda. In quorum fi-
dem has Literas manu propria & Sigillo Officii
Nostri munitas dedimus ex Archi-Coenobio Nostro
Tynecensi 21, Martii, 1774.

(L. S.)

FLORIANUS AMANDUS
JANOWSKI. Archi-Coenobii
Tynecensis Abbas Congregationis
Bened. Polona Praesidens Generalis.

APPROBATIO THEOLOGICA.

DE speciali commissione Illustrissimi & Reverendissimi Domini FLORIANI AMANDI *de Janowek* JANOWSKI, Sacræ Theologiæ Doctoris, Archi-Cœn: Tynecen: Abbat, Canonici Cathedralis Cracov: Congregationis Nostræ Benedictino-Polonæ sub Titulo S. Crucis Præsidentis Generalis, Librum, Cui Titulus: *Pastor Bonus ex Animo*, attentè perlegimus, nihilq; quod Fidei Orthodoxæ, aut bonis moribus dissonum foret, invenimus, sed potius præfixo *Pastoris Boni* Titulò, dignissimum à plurimis qui quovis nomine præsumt (cuti speramus) apprimè sibi comparandum & magna in æstimatione habendum. Ipse enim Perillustis Reverendissimus Author, STANISLAUS NICOLAUS de TOLENTINO KIESZKOWSKI Monasterii Horediscensis, seu Castro-Cassinensis Abbas, vel ex eo, optimum Gregis sibi concrediti se monstrat esse Pastorem, quòd in hoc Opusculo tam multa piè, ac nervosè de Qualitatibus Pastorum concessit, atq; ad Christi Boni Pastoris Exemplum, ac optimum Ovium Christi Regimen, cunctos Animarum Pastores sollicitet. Dabamus in Monasterio Sieciechoviensi 16, Mensis Maji. 1774.

PAULINUS PRASZ KIEWICZ.
S. Thie Doctor Præpositus Vavolnicen:
Congregationis Benedictino-Polona Visitator
Secundus.

P. HIERONYMUS KOWALSKI.
S. Thie Doctor Monasterii Sieciechoviens:
Prior.

Librum cui titulus: *Forma Gregis Pastor ex ani-*
mo. attentè legi, perutilem illum omnibus ani-
marum Rectoribus judico, dignumquè censeo, qui
lucem publicam aspiciat. Dabam in Collegio Ma-
jori Universitatis Cracoviensis. XVII. Kalendas
Augusti. 1774.

M. JOSEPHUS ALOYSIUS
PUTANOWICZ S. Th. Dr.
& Pfr. Eccl: Cath. Plocensis Canoni-
cus, Collegiata SS. OO. Praposi-
tus, in Opatowiec Curatus, Li-
brorum in Diacesi Crac. Censor.
mpp.

I N D E X

Materiarum hoc libro contentarum.

Numerus prior significat folium; posterior, numerum marginalem;

- Scientia Pralatis necessaria, 1. 1.*
- 11. Conditiones in Pralatis requisita. 7. 51*
- Pralati Orationi jugiter debent insistere. 8. 6.*
- Pralatus debet esse exemplum & norma agendorum: In contemptu saeculi, 22. 21.*
- In labore. 23. 22.*
- In vestitu. 25. 23.*
- In victu 25. 24.*
- In cultu externo. 26. 25.*
- In resignatione in Divinam Providentiam. 28. 26.*
- In cura rerum Spiritualium pra temporalibus. 29. 21.*
- Discretio Pralatis necessaria. 33. 31.*
- Mores Pralati sint irreprehensibiles 36. 32.*
- Pralatio cur non sit ambienda. 40. 38.*
- Pralatum subditorum moribus studere necesse. 41. 39.*
- Zelus Pralati in quibus consistat? 42. 40.*
- Fortitudo Pralati superari non debet. 43. 42.*
- 10. Defectus Pralatorum in regimine subditorum, & quomodo pro his strictam Judici Deo rationem sint reddituri. 46. 44.*
- Pralatorum vigilantia ubi plus necessaria. 53. 50.*
- Cur*

*Cur S. Constantius in purgatorio eriduô graves tulerit
cruciatus?* 55. 51.

*Pralatus justitiam cum misericordia debet conjun-
gere* 56. 52.

*Mansuetudo Pralatum decet in delinquentibus corri-
piendis* 28. 25.

Pralatus mansuetudini severitatem jungere debet 68. 69.

Sed in utroque discretio 69. 71.

Pralatus sit memor sue fragilitatis 70. 72.

Corruptio elati, laude temperanda. 72. 75.

Regule S. Francisci in servando regimine 73. 76.

*Diluuntur objecta contra mansuetudinem & lenitatem
Pralatorum* 75. 77.

Fructus mansueti regiminis 78. 78.

*Pralatus minus nocet mansuetudine, quàm profit severi-
tate* 79. 79.

Exemplum Abbatis Popponis 80. 80.

Exemplum alterum mansuetæ correctionis 81. 81.

Tertium à similitudine tenelli agni 82. 82.

Dura suavis temperanda 83. 83.

Dissimulatio interdum utilis 84. 84.

Suavitas regiminis in quo consistat 84. 85.

Suaviati quæ sunt contraria 86. 86.

*Pralatus quomodo se gerere debeat in annuendo vel re-
nuendo* 88. 87.

Pralato cum ipsa natura colluctandum 91. 89.

Inter lenitatem & severitatem medium tenendum 92. 90.

Præ-

- Prelatus ita mandet ac si rogare videretur* 94. 91.
Specimen boni Superioris David 95. 92.
Prelatus debet agere, ex recta intentione 96. 95.
Prelatus veluti invitatus puniat 96. 94.
Prelatus debet esse vigil. 99. 97.
Discrimen inter Prelatum & subditum 99. 98.
In Prelatos negligentes Deus severe animadvertet
 100. 99.
Prelatus infirmitati aliena debet compati 106. 104.
Exemplum patientia in Prelato S. Franciscus Salesius
 108 107.
Zelus Prelati pro salute subditorum 109. 106
Qua ratione defectus subditorum curandi 113. 112.
Prelatus continuo se examinet, quomodo officium suum
administret 116. 114.
Durissimum iudicium iis, qui presunt 122. 116.
Mercenarius quis? 124. 117.
Pastores mali culpa sua; boni vero DEI gratia 125. 118.
Qui Prelatus sit bonus? 126. 119.
Prelatus ob subditorum defectus indignatione moveri
non debet 127. 120.
Mali etiam subditi sunt tolerandi 129. 123.
Prelatis discoli subditi prosunt 130. 124.
Prelato in tempore malo plebem deserere nefas 135. 127.
Prelatus non debet animo despondere ob imperfectiones
subditorum 138. 128.
Prelatus maledictis & murmurationibus subditorum
moveri non debet. 141. 132.

Exemplum P. Paschasii 149. 139.
Pralatus sit magnanimus. 150. 140.
Pralationes non sunt ambiende, sed ex obedientia susci-
pienda 152. 142.
Suscepta fortiter ferenda. 155. 143.
Tria maxime Pralati subditis commendent. 158. 146.
Pralatus tutiorem sententiam sequatur. 159. 147.
Pralatus sit parcus in concedendis favoribus, signanter
Communitati 161. 148.
Pralato nimietas vitanda 162. 149.
Subditus inauditus ne puniatur 163. 150.
Pralatus nihil ex praecipitatione iudicet. 163. 151.
Vita plerumque sub virtutis specie latent 164. 152.
Pralatus cui patrocinari debeat. 165. 153.
Pralatus in ordinandis rebus pedetentim procedat. 166. 154.
Pralatus in actionibus suis ad proborum duntaxat judi-
cium attendat. 166. 155.
Pralatus non facile consilium mutet, nisi in melius. 168. 156.
Pralatus sit circumspectus in suscipiendis querelis. 169. 157.
Pralatus ex levibus conjecturis neminem condemnet
171. 159.
Pralatus fraudulentos ne audiat. 173. 160.
Neque adulatores & detractores, 174. 161.
Nec facile omni nuntio credendum, sed praemeditatione
opus 175. 162.
Pralatorum conditio quantis septa incommodis 176. 163.
Oratio S. Thomae Aquinatis Ecclesiae Doctoris. 180.

FINIS.

ó. II. 26



986926 Bibliotheca 400-
P.P. Camaldulensium in Bielany

Depozyt w Bibliotece Jagiellońskiej



08333

Włotyn

